





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.545/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.545/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.545/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.545/a

157
CELSI
MARTINENGI
DE PRAEVIDENDIS
MORBORVM EVENTIBVS
LIBRI TRES.

AD CAROLVM EMANVELEM
SERENISSIMVM
SABAVDIAE DVCEM &c.

Eiusdem

*De Methodis Commentarius,
Deq; Artium Structura Libellus.*

CVM PRIVILEGIO.



VENETIIS,

Apud Ioan. Baptistam Somaschum.

M D XXCIIII.

1.6.540 158-3
AD CAROLVM

EMANVELEM

SERENISS. INVICTISSIMVMQ.

SABAUDIÆ DUCEM,

SVBALPINORVMQ. PRINCIPEM.

CELSI MARTINENGI

IN TREIS LIBROS

De prœvidendis morborum euentibus.

P R A E F A T I O .



UT VROS morborum euentus diuinandi aggredimur Artem; rem quidem & maxime utilem, & plurima undique venere claram; Diuorum nempe, Cœlitumq; emula, ut quibus futura, indifferentia præsertim, priuatim videntur esse perspecta, mortalibus sui quasi è cælo delapsæ summâ excitat admirationem, ardenteisq; amores accendit. Hac scientissimi ægrotantium gubernatores impendenteis malorum procellas præuertunt, prauos naturæ motus declinant, rectos uero certa ratione vsque moderantur, quoad eos incolumes in portu collocarint. Hac salutare Medicinæ studium honestissimum, a Deoque oriundum, a mendoso vulgi vindicat iudicio. Siquidem,

A 2

quum

quum fieri non possit, ut ægri omnes conualescant (hoc autem optatius esset, quam futura prædicere) extra omnem culpam eos, causamque ponit, qui conualituros, moriturosque prænunciant. Huiusce ergo facultatis etsi omnium, quorum fama ad nos peruenit, princeps Hippocrates tam apta, congruaque reliquerit elementa, ut posteriores ea nec melius prouisa, nec diligentius explorata posteris relinquere unquam attentarint: rudis tamen hæc, indigestaque moles, ortus sui primordia etiamnum redolens eam mentis postulat agitationem, quæ congeriem hanc secernens, singula in sua genera ita digerat, propriisque sedibus accommodet; ut integrum inde, suisque numeris ornatum opus exsurgat. Nam, etsi Galenus perspicacissimi in præsagiendo ingenij, qui medicam artem maxime excoluit, & adauxit, hanc æque illustrem professionem elaborandam suscepit: illius tamen rationes, & vias (si verum asseuerare fas est) imperfecta, tortuosaque methodo litteris consignauit. Qui vero inferiori fuerunt ætate Græci, & Mauritani rem sine puluere, & sudore transigentes, rudibus hisce præceptis, quæ maiores illi tradiderant, dumtaxat contenti, altius ea agitare, ad suamque originem reuocare non studuerunt. Conabimur itaque nos, Deo adiuuante, & rei petita natura, rationales vias monstrare, quibus ad horum finium prænotationem recta perueniri posse putamus; insuperque quod vniuersali ratione didicerimus, in ijs exemplis, quæ Hippocrates accurate obseruauit, experientes, propeque manu tentantes perbreue, expeditumque iter ad usum dirigere.

Huic igitur cepto tuum numen imploro, amplissime Princeps,

Princeps, ingenui cuiusque studij fautor, & altor. Nam, si veteres illi, celeberrimi; auctores ingenij sui monimenta ab aliquo Diuo bene orsi sunt; iuste quoque mea imbecillitas tuum fauorem exposcit. Ut enim summi imperatoris, excelsique, & inuicti animi mirifica quædam in-
doles in Te etiamnum adolescente ad propulsandas belli iniurias elucet: ita per hæc tempora, quibus tranquilla pace frueris, Dux, & quasi Architectus, beatæ vitæ vitia se-
uere vlcisceris, virtutes vero, magnasque artes foves benignissime.

Sed, priusquam hæc tuis auspicijs tractare incipiam; ne quid inuolutum, relictumque relinquatur; utque huius artificij quasi fundamentum eluceat, paullo altius res est ordi-
dienda; idque præcognoscendum, qua ratione exitus hi, utpote qui nulla necessitate adstricti videantur, præsciri possint; & qui nam illi sint, qui huic arti se se subijciant: his enim gradibus, atque vijs facilius, expeditiorque ad reliqua erit progressus.



C E L S I
M A R T I N E N G I
D E P R A E V I D E N D I S
M O R B O R V M E V E N T I B V S.

Liber Primus.

*Quod futuri morborum euentus praesciri possunt, ac qui
nam huic arti subijciantur. Cap. I.*



ETSI casus ij, qui nullo fatali vinculo illigati in neutram partem ancipites propendunt, soli Deo sunt cogniti, ut cui nil incertum, & opinabile, sed definita, rataq; sunt omnia; neq; quidquam praeteritum, aut posterum, sed instans solum: tamen, cum re inclinata ad vnum eorum finium deflexerint; tunc necessaria quasi lege deuincti, ijs quoq; , qui rei pulchritudine pellecti caussarum seriem accuratius scrutari non fuerint veriti, perspicui plane euadent. Ut enim globus, tradente Ammonio, in plana, stabiliq; sede quiescens aequae cieri potest, & non cieri; at cum se reclinauerit, fieri nequit, quin eo pulsu agitetur: sic, quamuis natura ac morbo paribus viribus inter se decertantibus, huius belli exitus sit incertus, vbi tamen ad alterum finem praelij cursus fuerit deuolutus, aut inaequali conatu illi fuerint depraeliati, vincet omnino, qui fortius pugnauerit, aut altero iam (nisi quid extrinsecus aduersario suppetias tulerit) superior esse coeperit. hos ergo tum fines, ut iam naturae necessitate definitos, qui inficias ibimus posse praesciri? Caeterum, non omnes una, singulariq; opera tractantur: nam cum alij ex propria natura perpetui sint, & immutabiles, alij vero mobiles, atque, ut vocant, contingentes; rursusq; horum quidam ex praesidiorum, morbiq; concursu prodeant, nonnulli autem ex morbi pariter naturaeq; conflictu; ut hi differentes, varijq; existunt, sic dissimilia, dispariaq; expostulant artificia: qui enim non varias species offerunt, quiq; auxiliorum, noxiorumq; affectuum pugna proueniunt, medendi methodus sinu suo recipit. siquidem illius,

*De consil.
ar med. ca.
13.*

illius, vt Galenus asseuerabat, munus est & quando quod rei natura faciendum indicat, fieri necne valeat, & quid ex quoque remedio consequuturum sit, prouidere. An igitur luxata membra reponentur, aut pulmonis caro exesa instaurabitur, vel ardens febris frigida potu extinguetur, absolutissimus, medendi artifex vno artificio præcognoscet. At illorum casuum indifferentium prænotio, quorum natura, & morbus decertantes principia exstant, etsi medent, tamquam naturæ ministro, sit maxime frugifera: hæc tamen aliunde etiam, quam eisdem auxiliatoria petita, discretam magis seiunctamq; expostulat tractationem. Ij ergo cum non alij sint, quã qui nudas intemperies, humoreûe confusas consequantur, vt contra quas mutando, expellendoq; omnis fere est naturæ conatus; hæc quoque solæ ex omnibus malis, quæ corpora nostra affligunt, huius artis seges, & materia erunt; quamuis ipsa neque horû omnium diuinationem promittat. Siquidem nonnulli ex se incerti, fallacesq; existunt; vt cum noxiæ causæ, furore veluti agitata, huc, illucq; vaga, & dispersa ratione labuntur. interdum enim malus quispiam succus in partem quampiam vitæ deditam confluens, improuisam mortem, aut contra ad obscuram impulsus mirabilem, nec opinatam contitit salutem. In ijs ergo id solum prænosse datur, quod dubij obscuriq; sunt eorum euentus; qui tamen illi erunt, prorsus definiri nequit. sunt & alij, cû puræ intemperies, membra intus condita, a quibus nulla exeunt excrementa, affligentes: qui etsi stabili, optimeq; constituta motuum continuatione ad exitum tendant cum tamen veluti obscuri, nulla indiciorum luce collustrentur, ignoti, incompræhensiq; remanent. dumtaxat ergo ea vitia ex humoribus alicui parti affixis, vtq; mutari, & concoqui possint, aptis natis (quemadmodum omnes fere putridæ febres, pleriq; morbosî tumores) aut ex intemperiebus, quarum conuersiones percipi possunt, oriunda, ad hanc artem, præceptaq; reuocatur. Verum istorum illustres, clariq; euentus diuinandi, in primis Salus, Morsq; sunt, adhæc nūquid fines istos exhaustis perspicua inanitione morbosî succis, vel in obscuram aliquam partem abscedentibus: aut potius tarda nulla; insigni excretionē abscessuue nobilitata conuersione contigerint. Quod si malorum humorum futura erit e corpore eiectio, non iniucundum, inutileq; erit præsentire sudore ne, an vomitu, aut cita aluo, vel sanguine e naribus aut ex hemorrhoidibus, vel ex vtero manante, exturbabuntur; aut si abscessus impendebunt, quis articulus, quæue alia humilis pars prolabentes humores excipiet. sed præterea statim dies, interdum & horæ, quibus hæc euenient, nec temere, neque leui coniectura prospiciuntur.

De

De praeuidenda salute, & morte. Cap. I I.




HOC V M ergo euentuum si certas praefagiendi rationes, viasq; errare non patientes assequi cupimus; has, praeterquam sua ipsorum vis, & natura, quana alia nobis suggerent? A salute autem, & Morte auspice-
mur. Mors est naturae, insitiue caloris interitus, quae morborum affectus, noxiue humores, hominis quasi structuram vitia-
do concitarunt. Salus vero e contrario, bona quaedam constitutio naturalium munerum effectrix, quam aequae morborum praesentia corruptam, eadem vis nocentes causas subigendo; morbosasq; affe-
ctiones funditus delendo instaurat. quod Hippocrates luculentissi-
me indicauit; Naturam in omnibus auxiliari, naturam morbos iu-
dicare, naturam morbis mederi memoria tradens. Vnde plane fit
perspicuum Naturam, & Morbum, quasi hostes quosdam sese oppu-
gnantes, labefactantesq;, horum finium esse principia: sunt enim
aegrotationes haec veluti domestica bella elementorum dissidio, sedi-
tioneq; concitata, quorum exitus fere incolumitas, pernitescq; exi-
stunt. Vt ergo athleticae concertationis praefecti ex eorum, qui ad
certamen sunt instituti, lacertis, & motibus, vtriusque vires elicien-
tes, quis nam victurus sit, non multo labore praesentiunt, sic qui mor-
bos hisce contentionibus praesunt Medici, non aliunde, quam ex
naturae, & morbi roboris, neruorumq; accurata inspectione, futurae
salutis, aut mortis iudicium proment. Huc ergo intueri, id cogitare,
adhucq; nos exercere oportet: haec enim huius rei summa sunt, vt
que aiunt, prora, & puppis. Neq; conturbemur, quod Galenus inter
dum magna argumentorum vi contenderit praeter hos scopos, aliud
etiam morbi scilicet futurum vigorem, veluti id curriculum, quo na-
turae necessum est noxiam pugnam sustinere, esse prauidendum: ete-
nim, cum nec aliunde, quam ex certa pariter virium naturae, mor-
biq; contententium proportionem emanet (ea enim longe aut pro-
pe fortior existens, ex longo aequae, aut breui intervallo se erigit, ca-
putq; extollit) sub iisdem propterea finibus comprehensum, in alios
scopos nos spectare non cogit.

6. de mor.
vulg. sec.
5. Tex. 1.

1. de Cris-
bus.

De morbi magnitudine dydicanda. Cap. I I I.



SED ergo morbi vis erit expendenda, in excutiendis ijs
elementis, ex quibus ortus est, & quasi concretus elu-
cebit. principio enim est propria natura, veluti fe-
brium igneus calor: sunt deinde noxi humores, qui
saepe inhaerentes illam fouent, perpetuoq; efficiunt.

B post

pōst hæc membra numerantur, in quibus ea sedem suam, locumq; habent, quæ singula mente contrectantes exstimare oportebit, qualis, & quanta sit vniuscuiusque potestas. Vnde intemperierum, quas huius artis materiam esse diximus si vim, dignitatēq; examinemus, grandis est calidæ, frigidæq; violentia, grandiorq; calidæ: hæc si quidem multa efficacia mutant diuellunt, seque magna celeritate longe, lateq; diffundunt: parum verò pollent oppositis rationibus humidæ, & siccæ ex quo non iniuria minores hæ, maiores vero illæ morbos concitare censentur. Verum quantitas rationali coniectatione depræhenderetur, ad naturalem temperationem, veluti ad suæ constitutionis initium immoderantias illas reuocando: tantū siquidem mala valetudo grandescit, quantum a bona habitudine recedit: at quantum recedat, quis nouerit, nisi qui eam ad insitam, & naturalem referet constitutionem? Hinc merito eos ægrotos minus periclitari Hippocrates aiebat, quorum naturæ, aut ætati, aut tempori morbus consentit, quam quibus nil horum congruit: in illis siquidem, quam in his vt breuior est lapsus, sic quoq; minor est ægrotudo. At noxiorum succorum, qui illis adhærent, gemina vis existit, quædam illis a natura ingenerata, quædam vero assumpta & aduentitia a morboris causis quibus hi succi afficiuntur, aut cōtra a natura, vnde crudi, cocti, assatiq; dicuntur, proueniens. Quanta nihilominus sit vtriusque virtus, vna via expendetur nimirum si quā tum humores similes, dissimilesue nostri euaserint, æstimemus. Sic ergo primam, propriamq; Galenus examinans assererebat: sanguinē esse saluberrimum, veluti dulcissimum, facillimēq; matureſcentem, perniciosissimam atrabilem, vt præceteris tetram, a coctioneque abhorrentem. quod Plato etiam in Thimæo prodidit: sanguinis serum mite, nigræ verobilis, sed acidæ serum. Inter hos sunt pituita, bilisq;, sanguini tamen proxima est pituita, quæ dulcis, aut nullius est saporis: semicoctum enim, vt scripsit Galenus, est alimentum. remotior est acidæ, ceu nulla venarum conuersione propior effecta. at iam inter malos salta censetur: hic enim humor, cum externo calore exurit, qualitatem veluti virulentam acquirit. Succus autem melancholicus, etsi terrenam nactus sit substantiā, vt propterea ægre, diuque vincatur, nulla tamen hostili, pestiferaue natura tenetur. Sed bili acidæ virides sunt finitimæ, vt q̄ proximè in illā vertantur. his propinqua est vitellina; quemadmodum palidæ iam longius abest. hæc est ergo vniuscuiusque potestas. Mixtorum autem præterquamquod liquet faciliora ea esse in quibus lenes etiam succi excedunt; Galenus etiam tradidit pessima ea esse in quibus biliosi pariter, & crudi vocati humores abundant. Verū,

si copia

7. aphor.

34. aphor.

De constit.
ar med. ca.
16.

1. de morb.
vulg. sec.
3. com 21.
& 22.

si copia erit æstimanda, in promptu est eo vitiosos succos esse grauiiores, quo magis exuberauerint: at reliqui si affluant, interiectū morbum producunt, cum viribus quidem fortibus, vt dicemus salutarem; cum imbecillioribus autem mortiferum. at vi extrinsecus veniente, quemadmodum afflāti succi pestiferi censentur (ardentem enim calorem, a quo tosti fuerunt ostendunt) sic elixati, mitissimi: vbi enim noxij succi maturuerunt, vt Galenus scripsit, nō amplius morbosi affectus vigent; sed veluti senio confecti decreseunt. Illis confines sunt, qui assantur; his, qui concoquantur: nā. etsi dum humores maturantur, veluti cum pus conficitur, vt aiebat Hippocrates, dolores, & febres maiores fiant, malorum tamē humorum morbosa qualitas, vt Galenus asseuerabat, mitis euadit. dimidiati autem sunt crudi; neque vehementem, neque imbecilem ex se constituentes ægritudinem. Postremò sedium, vbi excrementa, morbiue resident, æquæ & vis, & quantitas erit animaduertenda. partes enim principes, etiamsi lenibus morbis vexentur, summa tamen sæpius consueuerunt afferre pericula; obscuras verò etiamsi magni sollicitum habeant, raro tamen terrorem incutiunt. vnde phlegmones, erisipelata cor inuadentia, in ipso limine vitam adimunt, quæ tamen si cutem humani corporis integumentum, vel vicina ei membra molestia afficiant, facile a natura sæpe vincuntur. Horum ergo dignitas cum non aliunde, quam ex emolumento, quod homini afferunt ad viuendum, vel quod facile huiusmodi officio dicatis suos affectus impartiant, sit diuincanda; postquam singula membra, Galeno auctore, ob triplicem vsum a natura sunt instituta, vt viuamus, vt bene, beatèque viuamus, vtque vtraque ab omni periculo conseruentur, animo reuoluendum erit, quod nam ex his commodis, affectæ partes apportet: vbi enim vitæ fuerint addicta, dubio procul inter primaria erunt referenda; ob horum siquidem ægritudinem animal è vita migrare contingit; reliquarum autem præstantia non, ex suo ipsarū munere æstimabitur; sed ex ea facilitate, qua prima in suos affectus inducunt; eaquæ propius, ad primi generis locum accedere erūt æstimanda, quibus illa facile, remotius verò quibus difficile consentiant, ad vniuscuiusque ergo gradum exquirendum, & quam sint vtilis, necessariæque ad vitam, quamque facile, vel difficile affectus suos vitæ destinatis impartiant, erit attendendum. vnde summam esse prodidit Galenus, quinimmo principem cordis officij, munerisquæ dignitatem: hic enim vitæ arx velutiqûe fons perennis est, & focus natiui caloris, qui per omne corpus tranans, animantis vitam fouet, atque conseruat. Quare, corde affecto, citis

*De tunc
morbo. sep.
cap. 3.*

*2. aphor.
47.
3. de Rat.
uic in mor.
ac.com. 62.*

*6. de uss
par. corp.
hum. c. 7.*

*7. meth.
med. c. 13.*

sine animal interire, eoque illaso mori non posse, idque vltimū esse, quod e vita recedit præclare olim a veteribus proditum esse animaduertimus. Æqualem etiam ad viuendum cerebrum vim habet; sed eo solum opere, quo pectus, pulmonesque agitans refrigerationem, sine qua, ne minimo quidem momento animal vitam ageret, cordi elargitur. At ventriculi, iecinorisque bonum, etsi ad refarciendam exhaustam ab insito, circumfluoque calore substantiam expetatur; non istorum tamen continuo subsidio, vt cerebri, & cordis, indigemus: saepe enim conspiciamus animantia, quamuis ob horum viscerum imbecillitatem non alantur, extabescere quidem; at nihilominus diu vitam trahere. Sed his pro rata portione respondent maiores arteriæ, & venæ, pectusque pulmones aspera que arteria: illæ enim innatum calorem, alimentūque toti corpori distribuentes; hæ verò cerebro ad vitalem auram cordi aduehendam subseruientes, huius lucis vsuram animanti cuſtodiunt. Vnde, & Poeta cum Vlixem regi Cycloperum mortē machinantem fingeret, eam potissimum regionem, vbi caua vena est posita, veluti nobilissimam, transfixurum fuisse sic cecinit.

*Magnanimo uersans animo, mucrone reducto,
Aggredier propius; dein, qua præcordia cingunt
Iuxta pectus hepar, uita terebrare latebras.*

*Lib. de Ali
mento.*

*3. de morb.
vulg. sec. 3.
tex. § 2.*

Ex ordine deinceps sequuntur lien renes, & vtraque vesica, tum quæ locum recipit, tum quæ bilem; necnon & vasa ijs inserviientia, quæ cum ad expurganda excrementa à natura sint destinata, organis vertendæ alimonie dicatis proximū locū obtinet. At inter alterius ordinis partes, etsi nulla, quamuis humilis, sit negligenda; quin, si graui morbo detineatur, vt primariæ consensione quadam non afficiantur, efficere possit (cum, affirmante Hippocrate, totius corporis vnus sit consensus, mutuaque conspiratio) his tamen, quæ magis illis appropinquauerint, vel naturæ similitudine, affinitateue erunt coniunctæ, vt venosum venoso, neruosum neruoso, arteriosum arterioso, facilius suas ipsis affectiones impertientes, maiores honores quam cæteris habebuntur. denique verò earum quantitatem expendentes, in perfacili cognitione versatur morbos maiores, minoresue esse euasuros, vt maiora pariter, aut minora spatia occupantes, suam dilatauerint substantiam, aut contraxerint. hac ratione Galenus inflammationem eam voluit censeri magnam, quæ longe, lateque patentem partem obsideret. Quin Hippocrates etiam grandes eos herpetes vocabat, qui grandia pariter loca

vsur-

vsurpabant. Ternariam ergo hanc morbi naturam consulentes, proxime ad eius virium, neruorumque exquisitam cognitionem accedemus.

De naturæ robore expendendo. Cap. II II.



T, si omnis facultatis vires, quarum subsidio fertur animal, erunt examinandæ; hæ, cum non vnæ simplicesue sint, sed, vt Plato censuit, ex tribus generibus inter se dissidentibus quasi concretæ; singularum æstimatio mente erit agitanda. nam, etsi animantium vita vitali præcipue potentiæ accepta referatur (hæc enim reliquas exsuscitat, tuetur, omnesque actiones perficit, & conseruat; vnde & mors illius potissimum roboris extinctione circumscribitur, & terminatur) ipsa tamen, Galeno etiam auctore, sine aliarum profugio non potest consistere; reliquis siquidem emorientibus, vna quoque & ipsa interit. ad hæc eius quoque affectus, sæpius à vitijs aliarum, maximeque altricis (vt in putridis ferè fit febribus) perpetua quadam consequentia geniti, altique, pro earum robore, infirmitateuè, grandescunt, vel extenuantur; ideo, quamuis istius nerui, ceu vitæ effectricis, vt Galenus prodidit, præcipue intuendi sint: vsus tamen artis, cæterarum quoque cognitionem, potissimum cum læduntur, expostulat. Harum ergo irascibilis, & rationalis, indiuiduæ, vnæque in cerebro, & corde, proprijs domicilijs inhabitantes inde suas vires, ceu Sol lumen, reliquis membris subministrant: altrix vero vnicuique parti a generationis primordijs indita, in innumeras fere, quemadmodum & corpus ipsum, portiones diuiditur. Principio igitur vnane, an plures laborent, in animo habendum; etsi plures, per quam potissimum ægro periculum immineat animaduertendo, in eam præcipue animus erit coniiciendus. at non omnes, tamquam æquis viribus, parique dignitate animal moderentur, eodem modo dimetiemur. nam, etsi ad vitam tuendam omnium vnus, indiuiduusq; sit consensus; non pari tamè necessitate, neque æquali conatu conueniunt: vna enim inter omnes eminet vitalis potestas, maioremq; firmitatem, quam quæuis alia requirit: siquidem hac paruo temporis spatio labante, animal corrui, & collabatur; voluntarijs vero motibus præposita par fere ad vitam habet momentum; cæterum, nisi a naturali vi ad expellenda e pectore, pulmoneuè excrementa accersatur, non magnas adeo vires

9. met. me.
cap. 10.

De confis.
ar. med. ca.
18.

vires expostulat: fat enim est, si tantæ afferuentur, quæ respirationis munus valeant administrare. At alitrix, quæ in iecore, & ventriculo ad reficiendam corporis substantiam est collocata; cum, æque ac vitalis, ad vitæ vsus necessarios expetatur; non assiduam tamen, continuamque illius operam præbet: durant enim, vt diximus vegetabilia per aliquod temporis curriculum, licet non nutriantur. Eam vero vim, cui noxios humores nobiliora membra sympathia quadam afficientes, mutare, vincere, ac aliquando e corpore eijsce cōtingit, etsi priuatam obscuramque sedem gubernet; crudiores hi, a nostraq; substantia multum alieni, firmam, vegetemq; exposcunt. Istarum ergo facultatum vires, cum diuini Hippocratis testimonio in semine eo, & sanguine insint, quæ a principio nos effingunt, adaugent, & vsque ad mortem enutriunt, non alia, quam congrua, aut indecens horum corporum temperies, suggerent. quinetiam, cum primigeniam hanc substantiam terrena membrorum soliditas excipiat, & comprehendat, non in errore versabimur, quando ex vniuersæ huius molis quācitate similiter, qualitateq; illas dimetiemur.

*Qua ratione natura ne, an morbus fortior existat, sit di-
iudicandum. Cap. V.*



Osteaquam ergo ijsce vijs & rationibus morbi, naturæq; vires expenderimus; quis nam horum deinceps potentior fuerit, supererit examinandum quod, vt probe, apteq; fieri possit, veniunt hæ quantitates in certas partes, nec maximas videlicet, nec minimas distribuendæ: idem enim habet difficultatis, & laboris minima, qd & maxima comprehendere. Tria igitur primum membra comode constituentur, medium scilicet, & extrema. Sed hæc quoque iterū diuidua: est enim in naturæ viribus media conamina assignare, ad quæ reliqua conferentes, nonnulla dicimus fortia, quædam imbecillia; velut in morbosis affectibus facta ad dimidiatam naturæ vim, quæ passim in humanis corporibus visitur, collatione: quorum alios, dicimus magnos, cum scilicet vulgari eo naturæ conatu valentiores exstiterint; alios vero opposita ratione leues; neutros autem, qui paribus viribus decertant. Rursus vero singulas has portiones in minores adhuc discerpētes; naturæ conatum quidā imbecilles, aliqui infirmissimi, nonnulli fortes, aliqui fortissimi: sic, & paruorum morborum alij leues, alij verò lenissimi. Grandium autem partim simpliciter tales, qui & graues, prauis, lethalesque dicuntur

cuntur; partim vero vehementissimi, perniciosissimiq; vocantur. Illi ergo sunt, qui periculum quidem minantur; non tamen salutis vniuersam expectationem adimunt. hi vero, etsi ita raro ad salutem conuertantur (vt si quando id eueniat, veluti noua res, & admirabilis videatur) recreantur tamen, & e grauissimis his vitijs ægri, vt Galenus etiam prodidit; vbi nempe fortissima vis noxios humores a primarijs membris ad postrema expulerit; aut ad qualitatem sibi similem, & amicam vix tandem commutauerit, ex quo iure Auicēnas Arabum princeps monitum illud, præceptumq; tradidit: Donec vires constiterint, quarum infirmitas sola est certa mortis nota, haud nos sinendos esse a quibusuis terrificis indicijs de spe prorsus depelli. Si ergo ad certam, & exquisitam normam hanc præcognitionem dirigere mens est; postquam naturæ, & morbi conatus iudicio, æstimationeq; collegerimus, dijudicare deinceps oportebit, quis nam eorum fortior existat, indeque ad quem victoria veniet, elicere.


Qua via, statuta salutis, & mortis spacia præcognoscantur. Cap. VI.



Vod si deinde eius spacij, quo hi fines sunt euenturi, præfensionis studio trahemur; nec alios scopos contemplari decebit, nec erit necessarium. etenim cum præfinita alicuius exitus interualla non ex alia re quàm ex certa virium cõtendentium proportionem emanent, ut alterius exuberantia victoriam ex ea parte futuram ostendet; sic, quam fortior exstiterit, iudiciũ facientes, inde statutum eius finis tempus hauriemus. Postquam ergo in hac morbi, naturæq; lucta, utriusque lacertis inspectis, alterum ipsorum ualentiores despexerimus; erit deinceps animo, rationeq. lustrandum, quantum unum alteri præstet: id enim quasi proprium argumentum, quod nam erit præscriptum incolumitatis, perniciæque tempus, planum, apertumque faciet. Vnde, ut cum morbus lenissimus est, natura uero e contrario ualidissima, magna huius uis existente, eoq; modicum repugnante, celerrimè morbus ad nihilum recidet; sic, ubi summa istius uis fuerit, infima uero rectoris potentie, hanc citissime eadem ratione interitutam expectabimus. Quanto autem robore æquales maiori contentione certauerint, tanto pugnae exitus producentur: ita ut longissime aberint, si pari fere conatu contrarij exstiterint. Sed istorum cursus ad extrema, tamquam exhiqus, in hac re maxime inhærent,

rent, id planum magis, dilucidumq; faciet: is enim incitator, aut tardior existens, cito quoq; ad salutem, aut mortem adducet: festināter enim ubi morbus grauior fieri, natura uero infirmari uisa fuerit, celeriter quoq; eger de uita exhibit: contra uero, si morbus cito maturuerit, uis autem in suo robore consistat, salutem breui superuenturam confidemus, tarde autem hi exitus aduenient, si, quæ his sunt contrariæ, rationes emerferint. sed ad futurarum crisiū præsensiones accedamus.

Via prauidende futurae crisis. Cap. VII.



Alutem, & perniciem primos, communioresq; morborum euentus hi exitus subsequuntur, qui morbo, naturaq; non aliqua leui contentione, sed uehementi cōmotione confligentibus eueniunt. hos ueteres, quod in ijs, ueluti in foro sepe magno strepitu de uita iudicium fiat, Crises uocarūt: qua ergo ratione in posterum prouideātur, (cum, ut cæteris illustrior animos omnium, oraq; in se conuertant) à rei æque natura, ceu clarissima, certissimaq; indice, exorfi, dicemus. Crisis igitur magna ea est, repentinaq; morborū conuersio ad incolumitatē, aut necem ab expultrice facultate prodiens grandem inanitionem, aut abscessum moliente. sed breuem hanc, obscuramq; explicationem fusius, dilucidiusq; interpretemur. Diximus itaq; esse permutationē, non eam agitationem, quæ hunc motum præire consuevit, quemadmodum difficiles tolerantias, uigilias, deliria, graues somnos, difficiles anhelitus, uertigines tenebrosas, dolores capitis, uanos ante oculos splendores lachrimas inuitas, aliaq; huius exempli, ex quibus nomen deductum fuisse uidetur. hæc siquidē perturbatio non semper, ubi mala hoc finis genere cōficiūtur apparet; rei aut uis inuariabilis est & sempiterna. uerū hanc esse magnam tam clarum est, quā quod clarissimum; subitam uero, quæ in promptu sunt, luculente demonstrant: magna enim uulnera insignes intemperies, cum ad naturalē statum reuertuntur, magnas æque inducunt mutationes; has tamen nemo, cum sensim eueniant, iudicia proprio nomine dixerit. Verū hic motus quiuis non est, non qui in alios affectus recidit; sed ad sanitatem, aut mortem ultimos morborum terminos appropinquat; neque ex quauis causā, ut medicis auxilijs, externisue alijs rebus; sed ex morbi, naturæq; cōtrouersia, intestinoq; ueluti bello præcedit, a quo, cū magna, & sensibilis aliqua inanitio, insignisue abscessus

sus

sus eueniat, grandis similiter ad bonam ualitudinē, aut ad necem mutatio contingit: non enim quæ citra hæc principia, celeres fiunt cōuersiones, ut interdum puerulis ex longiori sōmno accidit, morborum iudicia, proprie dicuntur; sed quæ sanguinis profluuio, uomitibus, alui deiectionibus, menstruis purgationibus, hemorrhoidibus, parotidibus, huiusmodiq; casibus succedūt. ex hac igit rei quæ sitæ natura dilucide nobis ea norma ante oculos ponitur, ad quam singulorum affectuum præfensiones dirigentes, crisi, nec ne sint terminādi, probabili aliquādo coniectione, interdum etiā certa scientia diuinabimus. Vbi enim Crisis est magna morborum permutatio liquet paruos affectus non posse hoc finis genere terminari, sed longe solum, lateq; patentes. Ceterum, quia non tam magna exstat, quam ēt repentina; hinc est, ut singuli magni affectus futuram crisin non enuncient; sed qui tales existunt, ut repente finiri, aut occidere possint. vnde quemadmodū diximus, nudę intemperies, luxationes, & si uastæ sint, magna hac, uelociq; conuersione non cōcluduntur; sed qui ex humoribus ceu ex mobilibus causis proueniunt. Quorum tamen neq; singuli apti sunt eius generis conflictum commouere. cum enim id munus, onusq; sit expellentis uirtutis, nequeunt uniuersiq; succi eam uim ad excretionem concitare: qui enim in sanguinem uerti possunt, ueluti est pituita, siq; insuper maturuerint, ut naturam non laceffunt; sic, quemadmodum Galenus asseuerabat, excretionem, aut abscessu non conficiuntur; sed potius similitudine conglutinati, pacificationeq; ueluti facta, in eius uim naturamq; uertuntur. qui ergo crisin futuri sunt auctores, sic nostræ naturæ dissimiles infensosq; esse oportet; ut quamuis etiam ab ea essent euicti, alere tamen nequeant: hi enim gubernatricem potentiam ad corpus uacuum faciendum, ad abscessusue molientes impellunt. Verum insuper, cum hoc factum ingens sit, & laboriosum; hanc æque uim illud architectantem ualidam fortemq; requirit, eamq; ad hæc humorum molem, quæ illam non obruat, opprimatq; ut enim, dum est imbecilla facultas, nequit ea, quæ cōtristant, expellere; sic ubi morbosę causæ multo sunt ualentiores, nullum præclarum prælium initur, nullaq; iudicia eueniunt. magna ergo futuræ crisis spes suberit, ubi magnos pariter morbos noxi humores efficient; si præterea natura fuerit potens: hæc enim, quando Hippocrates per ossa abscessus fieri prodidit, & per inuias uias materias etiam crassas exturbat.

*Methodus ad euidentem inanitionem, & abscessum
praesentiendum. Cap. VIII.*

N V M Q V I D autem grandis hæc conuersio hostilibus humoribus prorsus e naturæ finibus eiectis, aut potius in obscuram quampiam illius regionem relegatis, euenerit, ijdem similiter propositi fines, sed uarie affecti, monstrabunt: natura enim erudita, sapiensq; cum id, quod commodius, opportuniusq; est, nisi præpedita semper agat; ideo præterquam quod infesti succi ad excretionem, perfectamq; expulsionem non sint idonei, uel uis eiiciens infirma, aut uis imparata, numquam decretoriæ exinanitiones, ceu eorum integra dissipatio non obuient. Quemadmodum uerò frigidi, crassi ceu difficulter mobiles, uixq; penetrabiles, crudi & immoderata copia excedentes humores, ut quos natura perfecte convincere ne queat sunt inhabiles; occlusæ præterea uia interdum in causâ sint, ut Hermocrati apud Hippocratem contigit, ne morbose humores e corpore deturbentur: ita tenues succi, maximeq; calidi, coctiq; uegeta adhæc natura futuræ noxiorum humorum exinanitionis, ut frigidi, crassi, crudi, aut si contrarij ijs fuerint, uires infirmæ uenturi abscessus principia sunt. Cum enim bina hæc impedimenta conueniunt, ut scilicet & uirtus langueat, & succi sint inepti; iudicio lis hæc non dirimitur: sed uel natura sensim prostermitur; aut succi illi uix perquam longo temporis spacio coctione uincuntur.

3. de morb.
mulg sec. 2.
sgroso 2.

*Quò intuendum, ut locum, per quem morbus indicetur,
præcognoscamus. Cap. IX.*

T quænam hæc crisis sit futura, sanguis ne e naribus aut ani uenis, ex uteroque effluerit; vel vomitus aliquis, aut sudor euenerit; aut quod membrum, vel quis articulus, exilio multatos humores susceperit, primum affectuum natura humorum scilicet qualitas, sedisq; affectæ constitutio, seu istorum euentuum radices, producet: moderatrix siquidem facultas deorsum, sursumq; pro materiei momento, & propensione, necnon & pro partium uicinia, aut societate noxios succos propellit. quis ergo humor morbum committat, & quo vergat, & quod cuique indicium sit con-

congruens, acuratè erit inspectandum. Vnde, cum feruidi, leuesque humores ad superas præcipue regiones sua sponte vergant, ad inferas vero frigidi, grauesque; ex illis sanguis tenuis, biliosusque e naribus, bilis autem vomitu, vt in ardentibus febribus visitur, fere eiicietur. quemadmodum, si crudis, pituitosisque succis calor fuerit admixtus, vt crudi abscessum, vt verò calidi in superis partibus ad aures illud progignent. At ex frigidis, ponderosisque crassus melancholicusque sanguis per ani venas, quibus potissimum effluere consuevit, multus autem in foeminis per vterum, atra vero bilis, & pituita per aluum, vt in quartanis, quotidianisque febribus fieri spectamus, deijcietur; aut si morbus abscedet, in imos articulos maxime decumbet. Quis autem humor, vbi tenuis factus fuerit, aptus est, vt per sudorem exhauriatur: siquidem: excretioni huic nullus a natura supra, seu infra præscriptus est meatus; sed ipsi succi partim per ipsa molliora corpora, quæ eorum incurfioni cedunt impulsa, partim etiam per exilia corporeæ molis foramina, quorum & reliquum corpus, & cutis vbique est plena, e corpore detruduntur. Verum sedes affectæ earum compositione, & situ vias excrementorum longa, vel breui serie continuas indicantes, æque futuræ crisis locum prænunciabunt. Vnde iecoris gibbæ partes per sanguinis fluxum e naribus, per vesicamque veluti per oras, ad quas venæ ex illis, seu angiportus quidam, pertinent, expurgari amant: siquidem vero vomitu, aut deiectione; latera, pulmonesque; sputo; renes, vesicaque multis vrinis; cerebrum per nares, aureque, aut per palatum, tamquam per effluxus accommodatos corpus exhaurient; aut si futurus est abscessus, noxios succos ad nervos, veluti ad sedes vicinas immittent. sic dexteræ partes dextris, sinistræ sinistris magis cōgruentes, per eas etiam commodius, aptiusque vacuæ fient. Vnde hæpar e nare dextra, lien e sinistra vitiosum sanguinem, ubi res uicticis naturæ opera eueniat, eiicere solent. Hinc si aduerso, contrarioque ordine cuiuslibet affectus peculiaria iudicia, eorumque originem exquirere volumus, nihil negotij est elicere, ardentibus febribus familiarissimam esse sanguinis e naribus inanitione, sudoribus e toto corpore manantibus biliosis uomitibus, deiectionibusque profligationem. cum enim bilis in uenis præcipue iecinoris, & uentris exsuperas, ut Galenus prodidit, earum sit initium; hæc in iecore sanguine permixta postquam eum torruit, caloris impetu ad caput per uenas illi continuas sublata, uenis narium referatis, effractisque eiusmodi sanguinem effundit: in uentriculo uero os ipsius petens uomitum, fundum autem egestionem, corporis uero habitum sudores promo-

C 2 uet,

1. de mor.
unlg. sec.
1. com. 9.

uer. eędem etiam eiectiones pręter sanguinis profluuię tertianis febribus sunt alluetę : in his siquidem bilis in carnibus congesta , sanguine cum fere sit imper mixta , raro huius humoris , frequenter uero alterius iudicia facit . depellunt etiam phrenitim & sudor multus ; si ex toto corpore , maximeque ex capite , in quo morbi sedes est , effluerit : coctis enim attenuatisque humoribus , eos natura per inuisos cranei meatus expellit . sanguis etiam e naribus prodiens id genus morbi depellere consueuit : effluxus enim hi loco affecto sunt coherentes ; ad hęcque eięcienda materia (sanguis scilicet tenuis , biliosusque) illi excretioni est accommodata . contra autem , nec lethargus , nec pulmonis inflammatio sanguinis fluxum amant ; sed parotidas pręcipue , reliquosque decubitus : sanguis siquidem harum author inflammationum pituita , crassoque humore permixtus inhabilis est , ut e corpore deięciatur . Sed de uerę iecoris inflammationes triplici maxime iudicii genere conficiuntur , sanguine quippe e nare dextera uberius effluente , sudoribus copiose manantibus , necnon & abundantibus urinis ; conuexę uero , biliosa aluo , sudoribus , nonnunquę & uomitibus : gibbę etenim regioni illi , caue uero hi meatus sunt accommodati . sic igitur morborum ideę horum euentuum pręcognitionem , quamuis inficiale , suppeditabunt . sed necessarię ueluti notę ex nature inclinatione , ceu iam propria rei substantia , summantur : quo enim uis morbum eięciens uergere uisa fuerit , eo noxios humores expellet . Vbi enim exiguos sudores aut sanguinis stillam , uel parum cocti sputi prius quasi pręludens excreuerit , non temere illius quoque generis excretiones uenturas pręsentiemus . quod etiam Hippocrates peripneumonicorum exemplo transigens , expectandos scilicet abscessus esse inquiebat ad inferas regiones ; in quibus aliquid ardoris , calorisque ; circa hypocondria apparuerit : indicium si quidem id est , humores illius mali effectores , ad inferas partes propendere ; ad superas uero , quibus hypocondrium sane flaccidum est , ac doloris expers , at spiratio , aliquo tempore absque aperta origine difficilis manet ; in superę oris uentriculi morsum , rigoremque ; superuenire , quos uomitus est subsequuturus ; spirandi difficultatem , & oculorum hallucinationes , cum sanguinis profluuium e naribus expectamus . sed hac , ut quę ad signorum tractationem pertineant , secundo uolumine fusius , ueriusque tractabuntur . Hippocrates igitur potissimum nature conuersionem ad hanc , uel illam regionem spectandam esse uoluit ; quam de cretorię notę , ut quę earum partium , per quas morbus traducitur , internascentes casus sunt , dilucide ostentabunt .

2. Progn.
Tex. 66.

Quibus

Quibus rationibus perfecta, inchoataq; crises
prævideantur. Cap. X.



VERVM, cum morborum conflictus hi, modo vincen-
te natura salutare, modo superiore existente mor-
bo læthales; & utrique, hisce vel ex toto superanti-
bus, vel belli reliquijs etiamnum linquentibus, aut
absoluti, aut præcisi eueniant; ad istorum quoque
præfensiones, veluti morborum curationibus maxime accommo-
datas, aggrediendum. an ergo salutem euenta hæc, aut perniciẽ
adducunt; postquam huiusmodi grandes conuersiones futuras præ-
nouerimus; non ad alias pariter, quam salutis, & mortis rationes
in posterum prospiciemus: euentus enim hi veluti ex crisis & sa-
lutis, mortisue compositione facti, mista quoque istorum instituta
requirunt. at eadem perfectæ ne, an mutilæ obtigerint, certæ, per-
petuæq; naturæ leges, ad quarum normam sunt hæc, dilucide ex-
ponent. Vt enim colligendorum, condendorumq; fructuum id
tempestiuum esse tempus obseruamus, cum iam sunt maturi, mi-
tioresq; facti, qui & sua tunc sponte decidunt; præposterum vero,
quando crudi, acerbiq; existunt, cum eo tempore nisi violentia,
impetumque possunt auelli; sic optimam tunc, maturamq; malorum
messiem, vim corpus gubernantem effecturam magna fiducia expe-
ctabimus, quando morborum succi iam fuerint euicti; contra verò,
aut acerbam, aut malam, ubi eam præuenerit maturitatem; tunc
enim, vel solum concocta deijciens, bona profecto, sed imperfe-
cta; aut amica, inimicaque simul exturbans, mala molietur iu-
dicia. id igitur est, quod erudite, sapienterque ab Hippocrate scri-
ptis est consignatum: crises, quæ præcedenti coctioni succedunt,
securam citamq; molestiarum remissionem ijs, qui iudicantur, af-
ferre; quæ vero secus, reciduiam, aut difficiliorem tolerantiam,
vel morbi longitudinem; vel quod omnium deterrimum est, mor-
tem. Ad optimum igitur iudicium præuidendum vnus longe, late-
que patens scopus erit, nocentis humoris maturitas; quemadmo-
dum non absoluti, imperfectique cruditas. at vero cum huius in-
tempestiui conflictus morbi impetus, naturam irritas, sit initium,
a quo ad disturbanda, quæ contristant, præpropere festinatione
compellitur; sic ventriculus, quæ mordent, torquent, refrigerat,
grauantque nimium festinanter vomitu, deiectioneue eijcere co-
gitur; ea propter ex hac quoque malorum acie, grauiq; molestia
ægroto.

I. de mor.
vulg. sec.
2. sex. 45.
¶ 46.

agrotos, antequam morbi maturuerint; antequam summam coctionem, exagitante, eiusmodi immaturas crises, perinde ut cum nil eius generis apparuerit, cæteraque salutem undique promiserint, plenam noxiarum causarum eiectionem licebit prædicere. Verum melior ne solum conuersio, aut contra deterior, vel potius naturæ dissolutio insequens erit, non alijs, quam mox dicendis, rationibus definietur. Quum reliqua indicia tutum esse a periculo ægrum patefecerint, tantum iudicium maturum tempus præuenerit, salutare id quidem erit, sed vel imminutum, aut infidum; rursumque æger, vel in easdem salebras recidet; aut morbi diuturnitatem, labores, doloresque secum adducet. Quod si malæ quoque morbi notæ fuerint consecutæ, malus etiam conflictus maxime timendus erit. numquid autem humanam structuram morbosæ hæc machinæ quatefacient, aut potius funditus euertent, coniectura solum præcipietur. Opus enim erit viro in hac arte multum, sæpeque versato, qui, quantus sit affectus, quantæ naturæ vires, quàmque eas decretoriæ inanitiones debiles sint facturæ, verisimili existimatione queat colligere: summo si quidem existente morbo, natura vero non ad modum valida, impetuque fluentis materiæ copiosas excretiones præmonstrante, res erit in præcipiti. at si nec vehementissimus fuerit morbus, & ea, quæ nos moderatur facultas adhuc consistenter, virium tantum quassus intercedet. sic igitur crises earumque varij modi præsentientur.

De numero, & vi dierum decretoriorum. Cap. XI.

AD statos autem numeros dierum in continuatis affectibus, circuitu vero in interruptis, quibus hæc euenerint, præuidendos, prius, qui nam sint hi dies, quanta vniuscuiusque in discernendo potestas, seu istius operis solum & fundamentum, præiacere conuenit. Ut ergo, qui magna, repentinaque conuersione dissoluuntur affectus, in quibus vis decretoriorum dierum maxime elucet, partim acuti, partim tardi, partim medij prima distributione dicuntur: sic primaria in numero, grandioraque spatia, per quæ hi morbi suas ætates decurrunt, triplicia enumerantur. acuti enim cum febribus continuis, ut aiebat Hippocrates, miseros agros prosternant, ex eoque magno impetu, grauique molestia insultent, celeri motu intra decimam quartam fere diem extrema persequuntur, tardi autem his oppositi ultra quadragesimum; interiecti vero aut neutrius, aut

*De Rat.
vic. in mor.
ac. sect. 1.
tex. S.*

aut utriusque conditionis participes, intermedijs quoque temporibus definunt. ex his enim etsi, ut aliquando dixit Galenus, ad sexagesimum usque nonnulli protrahantur; quemadmodum & ex acutis, ut Hippocrates asseruit, ad vigesimum; sunt tamen hi potius vel ambigui, ancipitesq; aut qui raro, insolenterq; contingunt. Verum acutorum alij peracuti dicuntur, & hi bifariam distributi; acutissimi namque quatrduo, reliqui prima septimana deficiunt: simpliciter vero acuti nuncupati partim undecima, partim decimaquarta; dimidiati decimo septimo, vigesimo, vigesimoquarto, vigesimo septimo, trigessimoprmo, trigesimoquarto, quadragesimoque; at iam vero manifesto tardi, diuturnique, sexagesimo, octogesimo, centesimo, centesimoque & vigesimo ab eorū vita desciscunt. Cæterum, cum inter acutorum iudiciarios dies quidam etiam intercidant; isti non primaria, propriaque potestate vehementes eas conversiones ciere censentur, sed secunda vi, aliundeque a præeuntibus, aut subsequētib; diebus impartita. sunt autem tertius, quintus, sextus, nonus, necnon etiam, si lubet, decimus octauus, vigesimusque primus. ut ergo istis diebus, quasi ad fortiter dimicandum constitutis, frequentes, fideles, constantes, dilucidæ, bonæ, malæque crises, veluti longus usus notauit, apparent; sic octauo, decimo, duodecimo, decimoquinto, decimosexto, decimonono, vigesimo secundo, vigesimo tertio, vigesimo quinto, vigesimo sexto, vigesimo octauo, vigesimo nono, trigesimo trigesimo secundo, trigesimo tertio, trigesimo quinto, trigesimo sexto, trigesimo septimo, trigesimo octauo, trigesimo nono raræ, infidæ, inconstantes, obscuræque eueniunt. nam, etsi ex his nonnulli quædamque decretorij videantur; nulla tamen ex se excitant iudicia, sed a finitimis momentum accipientes, imperitis, ignarisque id interdum imponunt. hi ergo sunt decretoriorum dierum numeri. sed neque alij sunt earum conversionū, quæ pariter morbosa hæc prælia commouent: ipsi enim isti existunt, qui dierum in continuis affectibus circuitu quoque in interpolatis, ut Galenus protulit, fatalem summam conficiunt: quartæ enim, aut septimæ diei in continuis, quarta, aut septima periodus in infractis exequatur. at vero, etsi singuli hi numeri ad grandes eas, repentesque permutationes, quosuisque exitus impellere videantur; non æquis tamen viribus id facere animaduertuntur: omnium siquidem præpotētes sunt tres, qui vigesimum diem complent septeni, septimus nēpe, decimus quartus, & vigesimus: hi enim & plures, & perfectiores crises, quam quiuis alius, commouent. verum, & inter hos magna quidem est vigesimi potestas, sed maior decimi quarti, summa vero

2. de die-
bus Decre.
12.
In frogæ,
sec. 3. tex. 3

vero septimi . proxime post has hebdomadas sunt quaterniones eas medias dissecantes ; qui etsi potestate non sint illis æquales , eo tamen aucti ornantur ; quod speciem venturi in posteris septenis euentus dilucide præsignant . Hæc singula grauissimi huius negotij ferè summa , mira breuitate diuus Hippocrates perstrinxit , sic inquit : septenorum quartus est index , alterius septimanæ octauus principium . est autem & vndecimus contemplabilis ; ipse enim est quartus alterius septimanæ . contemplabilis rursus & decimus septimus ; ipse siquidem est quartus a quartodecimo , septimus , vero ab vndecimo . Assuerans enim quartum esse septimi indicem , vndecimumque , & decimum septimum dignos esse consideratione , simul & aperte satis monstrauit hos dies esse indices , & perfectissimæ , absolutissimæque iudicia , ceu in eorum quaternionibus adumbrata , in septima , decima quarta , & vigesima plenis comprehensionibus , completisque periodis euenire : non obscureq ; exposuit primum quaternionem cæteris , quod expressius , illustriusque ea designet , præstare ; septimumque diem , decimū quartum , vigesimumque , vt quæ luculentiores , absolutioresque crises efficiat , anteire , huiusmodi ergo sunt eorum dierum gradus , qui proprio impulsu intra vigesimum diem perfectissimum ambitum decernunt . Verum ex ijs , qui intercidunt , nonus primum sibi asciuit locum , deinde quintus , postremum tertius . sextus autem e septimi decretoriorum omnium principis conspectu positus , & si frequentia prælia committat ; ea tamen praua mutila , obscuraque spectantur : ad morbi siquidem longitudinem , vel mortem , aut recidiuam adducunt ; vel ipso iudicij tempore sensus abolentur ; aut deliria , animique deliquia , nullique deterrimi casus non oboriuntur . at ex ijs , qui post vigesimum adnumerantur , quadragesimus , minoribus circuitibus obsoletioribus factis , primo folio confedit . subsequuntur deinceps trigesimus quartus , & vigesimus septimus . Omnium autem ex soluta fere quaternionum potestate imbecilliores sunt vigesimus quartus , & trigesimus primus . qui autem post hæc consilunt , septenis prorsus veluti deletis , solisque vicens permanentibus , sexagesimus , octogesimus , centesimus , centesimusque vigesimus , coctione magis , & abscessibus , quam excretionibus , iudiciisque illustribus , morbosos affectus expediunt . Hic igitur est admirabilis ille contextus , hæc est perennis illa continuatio , & series , qua hi dies sibi succedunt , interseque colligantur . sed sermonem hunc perorantes , id quod Hippocrates pariter notauit , non prætermittendum : morbo hæc iudicia accessionis ferè die institui , sic , vt Archigenes clarissimus medicus

*1. de morb.
vulg. sec. 3.
sex. 15.*

cus bis tantum, Galenus vero semel in vita sua secus euenisse animaduuerit. Vnde quemadmodum morbi paribus, vel imparibus diebus accedunt, ita ea de causa prisci illi decretorios pariter dies in pares, imparesque distribuerunt. quorum numerum Hippocrates colligens, pares retulit esse quartum, sextum, decimum quartum, decimum octauum, vigesimum, vigesimum quartum, trigesimalum quartum, quadragesimalum, sexagesimalum, octogesimalum, centesimalum, centesimalum vigesimalum; impares vero tertium, quintum, septimum, nonum, undecimum, decimum septimum, vigesimalum primum, vigesimalum septimum, trigesimalumque septimum. Nec Hippocrati Galenus aduersatur: ille enim, cum impares dies, ut insignium ad salutem, vel ad necem conuersionum maxime auctores obseruandos esse tradidisset; Galenus in imparibus non solum tertium, quintum, septimum, nonum, undecimum, decimumque septimum inter acutorum affectuum dies adnumerat; sed & decimum quartum, sexagesimalum vero, & octogesimalum in diutinis; in medijs autem vigesimalum, trigesimalum quartum, & quadragesimalum. Horum enim sermonum varietas inde prodit; quod bifariam istos dies numero metiri possumus, & singulos, & septenos, ut ex quibus, veluti ex elementis, componantur. Vtrisque enim hisce vijs impares ad promouenda iudicia fortiores existunt. singulos ergo solum Hippocrates computauit; Galenus autem vna & septenos. unde, cum decimaquarta septima sit secundi septeni, vigesima tertijs, trigesimaquarta quinti, quadragesima sexti; sexagesima noni, octuagesima duodecimi; cum imparibus hoc modo non absurde recensuit.

1. de mor.
vulg. sec.
3. Tex. 15.

4. de Rat.
vic. in mer.
56.

Galenus opinio de causis dierum decretoriorum. Cap. XII.



Hec quidem a primis quodam medicinae parentibus inuenta, deincepsque per multa secula recepta, cum altam, diuinamque habeant originem; non est, ut, dum eam explicare contendo, ijs, qui rerum cognitione, doctrinaque delectantur gratificaturus absolutam quispiam, exactissimamque explicationem a me exposulet: diuinorum enim cognitio in alto magis, quam ut nos humi strati suspicere possimus, collocata omnem demonstrationis ingenijque vim exsuperat. equum igitur est meminisse, & me, qui differam hominem esse, & uos, qui auditis; ut si quae percipi possint sola dicentur, nihil ultra requiratur. Quod ergo statim tempore hae morborum dissolu-

D tiones

tiones eueniant; nunc negotium non facessit: id enim neq; per obscurum ex certa morbi, naturæq; uirium proportionem manare est inuentum. sed non omnes dies esse iudiciarios, septenarios maxima potestate esse præditos; ab his quaternarios, quosdamq; insuper intercidere, non nullos ex his coniungi, alios uero diuelli, acutos morbos in imparibus diebus, longos in paribus fere iudicia subire; hæc ceu multa caligine obuoluta abditusq; naturæ meandris intrusa per obscuram, perplexamq; habent inquisitionem. soli Pythagorici rem hanc non difficile extricarunt: hi enim cum a numeris tamquã a rerû principijs omnia oriri sint opinati; facile illis fuit aliquod commentum, quo hæc adstruerent, excogitare. inde igitur septenarium summam esse donatum asseuerant; quia perfectus, suoq; seorsum merito plenus habetur, insuperq; secūdissimus, Palladiq; dicatus: eaq; ratione acutos morbos in imparibus potissimum confluere contendunt, diutinos uero in paribus; quia hi feminam, illi autem marē præferunt. quæ excogitata inuentiones nulla rerû soliditate, sed uani animi figmentis innixæ, cum iam pridem corruerint, nunc nobis curam, molestiamq; non apportant. At Galenus summus Dux, & quasi signifer noster, dum hac in re uana, superstitionisq; astrologorum effata sequutus, horum euentuum causas dare est enixus, in implexos, inuolutosq; labyrinthos nos perduxit. ut ergo liberi, solutiq; animi ueritatis satus accipere possint, hanc eius opinionem prius excutere tentabimus. Hic igitur ijs maxime rationibus inductus, quibus astrorum interpretes celestia corpora mortalium concordia, consensuq; naturalibusq; eorum, ac perpetuis conuersionibus, nec nō suis, peculiaribusq; aspectibus magnas in illis cingere mutationes asseuerarunt, censuit Lunam tamquam Solis astrorum principis legatam, horum circuituum principium existere: hanc enim ultimam cælo at citimam terris, radijs illius accensam, luminis tamquam celestis caloris vehiculi, tum crescentis, tum senescentis varietate, terrenos humores mouere, temporum vicissitudines describere, maritimos æstus, fractorumq; angustias moderari, menstruas mulierum purgationes cingere, grauiditates, partusq; afferre, ostreaq; deniq; & conchilia omnia gubernare; ut illius ortu, & obitu crescere pariter, & decrescere conspiciantur: cuius æque impulsu perfectiora animantia talia pati etsi perspicue non appareat, non uult tamen inficias iri. sed hæc communi quadam caloris facultate moliri censet, multo autem maiora, diuinioraq; propria, peculiariq; ui; dum uidelicet per signiferum orbem retro, contrarioq; motu uersata, quam a supremo cælo ducatur, totum eius ambitum perlustrat: extimus enim ille globus arcens, & ceteros continens.

3. de die-
bus Decre-
torijs.

nens, femina quæ rerum omnium sator illi indidit, producens, aut continens, ea ipsa per errantes stellas uaria permixtione radiorum in hæc caduca uberrime spargit. Cui etiam rei consentit, quod alibi prodidit; animam scilicet nostram esse fulgidum, æthereumq; corpus e cælo delapsum, uel saltem id illius esse primum instrumentum; ex quo iure mores, diuersaq; hominum ingenia inde prodire sentit, indeq; secundas, aduersasq; fortunas, prout diuus ille calor ad materiam effingendâ congruus, aut discrepans influxerit. cuius æque mentis Aristotelem fuisse, qui Galenum tuentur, asseuerant, cum necessitatem cogere prodiderit hunc, qui terram ambit, mundum superis motibus esse continuum, ut omnis eius uirtus inde regatur. huiusmodi ergo, etsi lunam numquam fere nō agitare uelit, quaternas tamen maximas aspectuum uel mutationes ciere contendit; cum nempe in eas partes orbis adueniens soli, aut natali signo coniunctum aliquid, consentiensq; habentes, (quadratas illi oppositasq; nominant) uehementerq; mortalem hunc mundum attigens grandes in illo conuersiones excitauerit. Vnde eos faustos, infastosq; dies ægris, sanisq; esse opinatur; cum luna alicuius signi aspectibus, in quo illius sit ortus, corroborata, salutarem eius, noxiumue calorem magis efficacem impertierit. Dum enim Aries, exempli gratia, alicui salubris, Taurus uero nocuus extiterit; is, luna arietis, uel cancri, uel libræ, uel capricorni spatia quadrata, e regione ei posita peragrans, beatam, tranquillamq; uitam deget; ijque morbi, eaque iudicia, quæ illis diebus inciperint, salute finientur: contra uero in Tauro, leone, scorpione, & Aquario consistente, dura, crudelisq; erit illius fortuna, pestiferique morbi, atque lethales eorum conflictus euenient. Duplici ergo uel cum diuersis temporum curriculis caduca, fragiliaq; corpora ciere, agitareque uelit prima quidem, & communi; dum lustrato suo cursu, solem est consequuta, sex supra uiginti diebus, dimidiatoq; (a menstruo spatio, quod uiginti & nouem dierum, medijque existit, tribus fere diebus detractis, quibus solari luce destituta in terris amplius non uersatur.) altera autem longiori, septem nempe, ultra uiginti dies, tertiaque unius parte, quibus signiferum orbem uagatur, ut mixta hæc est mutatio, sic mixtis temperatisq; spatijs noxios humores uertere, mutareq; existimat. Cum ergo id tempus quadripartito diuisum, ut quatuor sunt partes uel præditos aspectus conformantes, septenos dies, imperfectos tamen designet; inde pariter non iniuriâ prodire asseuerat iudiciarios dies septenis quoq; diebus, & ijs mutilis definiri. hi ergo cum, ut illi, de absoluto septem dierum spatio sex horis, & dimidia minuantur; hinc esse affirmat uigesimū diem,

D 2 magis-

7. de Decr.
Hyp. &
Plat. 7.

magisquam uigefimum & unum decretorium existeret illi enim ter iterati nisi summam ultra uiginti dies quatuor horarum dimidiatæq; conficiunt. ex quo facile rationem ostendit; cur primam alteramq; hebdomadam, quasi natura, & genere disiunctas, Hipocrates segregauerit; secundam uero, & tertiam nodo æterno coniunxerit: neque enim primam secundæ connectere fas erat, decima quarta die crises promouente; nec rursus tertiam a secunda diuellere uigesima die, magis quam uigesima prima, multitudinem perfectissimæ periodi huius potestatis necessitate definitam perficiente. hæc igitur sunt, quæ Galenus de ortu dierum iudicialium probabili ratione disseruit.

*Infirmatur Galeni existimatio de origine dierum
iudicialium. Cap. XIII.*

Hæc & si multa solertia perquisita sint, effectaq; , si tamen accuratius, studiosiusq; agitentur, multa aduersantia occurrent, quæ nõ probabili aliqua argumentatione, sed necessaria uel ea redarguant, & evertant. ijs enim sepositis rationibus, quibus præclari philosophi hanc astrorum existimationem funditus fere labefectarunt; id solum pollicemur, neq; designato solo, iactisue ab ipso fundamentis effata hæc inniti posse. Principio enim adumbratus iste mensis nil solidi, nil expressi habet. Nam, cum ex spatijs, quibus Luna & Zodiacum peragrat, & a Sole illuminatur, diuersis, confusisq; uarium & dissimilem Galenus oriri uelit; nulla ratio esse potest, ex qua efficiatur, quando diuersæ pariter ab illis huius quadripartitæ portiones emergunt, ut septenorum uis ab eiusmodi aspectibus (nisi, cum nusquam existunt, motus etiam ciere uelimus) effluat. exiguum quidem id esse discrimen, neque diem excedentem Galeni tutores referre possunt; illud tamen irritum ne facere queunt? sed illis id demus, obsecro, amiceque concedamus. an non uersantur in summa astrorum ignoratione; si propterea decretoriam potestatem in hebdomadas omnes numquam non disseminari existimant; ac si Luna semper singulis septenis ad quadrata, oppositaq; spacia perueniat? numquid non astronomorum obseruationibus est notatum circulis obliquis inferna peragrantibus, ueluti celerius, incitatusq; conuersam, sexta die quadratam, decimatertia fere oppositam fieri; superna uero, ut tardius motam, nisi octaua, uel nona die quadratam euadere? & hos ergo dies tunc fatalis hæc uis
iudi-

iudiciarios esse cogeret, nō septimā, aut decimā quartā, si a cœlestibus his aspectibus emanaret. Sed si horū dierū legitima hæc est origo, in istaque ratio; cur octogesimus, centesimus, centesimus & vigesimus non vni vltra hos numeros iudicia commonent? hos enim magis, quam illos hic calculus iudiciarios faceret, cum plusquam dimidios comprehendat. Quæ nam erit deinde quaternionum ratio cum nullus vniquam aspectus illis respondens sit animaduersus? Vnde per intermissas febres circuituum iisdem numeri, quibus in continuatis dierum ad crises impellunt? ex quo menses, anni que eadem numerorum proportionem diutinos, quibus dies, breues morbos conficiunt? peti ne horum initium a lunæ, aliquarum vestellarum errantium aspectibus poterit, cum nullus sit istis congruens ab his ergo salebris fas est se expediant hi qui studiose nimis Galenum prosequuntur.

Quæ sint causæ dierum iudicialium. Cap. XIIII.

H V I V S igitur ego ordinis originem e cœlis irritō, vanoque labore non repetam, cum cœlestis, diuināque vis terras incolat; quæ, etsi bruta sit, rationisque expers, ut tamē rationis particeps, atque ordinis, tamquam via progrediens, cuncta admirabili quadam continuatione, & serie, cœlestique quodam modo dispensat. hæc enim æternam, a qua prodijt, naturam cupide appetens circularibus temporum spatijs, ut superē mentes cœlestes orbes, volubilibus conuersionibus caduca hæc corpora agit, mutat, mouetque; quamuis, quod hos motus per septenos, & eos mutilos variando disponat quemadmodum menses, similiter, & anni integris diebus non perficiuntur, nulla certa ratio, quod id quoddam mysterium sit, nisi diuino afflatu assignari, vestigariue possit. hanc igitur, ut a Deo immortalis humanæ menti absconditam, haud æquum est anxio, sollicitoque animo exquirere, sed solum suspicere, admirarique conuenit quomodo summus mūdi opifex numero hoc nullum alium magis in eius artificijs affectarit: hic enim hominem concipit, formari, edi, viuere ali, ac per omnes ætatum gradus tradit senectæ, atque constare facit: hic oceani æstus dimetitur: hunc luna, ut diximus, in quater septenos æquis portionibus diuisum ad totam zodiaci latitudinem metiendam, remetiendamque consumit. similibus item dispensationibus hebdomadam luminis sui uices sempiterna lege variando disponit. septem quoque vagantes sphaeræ illi

re illi stelliferæ subiiciuntur, quæ & superioris rapidis motibus obuiant, & inferiora omnia gubernant. hoc æque mundanam animā genitam numero Platonis Thimæus prodidit. quin sacris in rebus sacratissimi huius numeri maiestas effulget. Hinc Pythagorici, qui mythesos numerorū sentus alta vestigatione scrutari, sunt enixi, eū tamquam perfectissimum, plenissimumque summis laudibus extulere. Cuius dignitatis, plenitudinisque Virgilius non ignarus, plene, & per omnia beatos exprimere volens, dixit:

O τετράς, quaterῖς beati.

Hic igitur simplex existens, acutissimos morbos incitatissima, celerrimaque conuersione conficit; duplicatus autem simpliciter acutos; eo vero ter iterato, tripla harmonica, geometricæ proportionē, una exijs, quibus mundanæ res iugabili compētitiā cōnectuntur, acutorum genus vniuersum suos numeros explet; secundo autem viceno medij; reliquis vero, vt & mensibus, & annis diutini: hi etenim veluti tardius, lentiusque impulsī, maiorēque, & longiorem exposcentes transmutationem, æque ac orbes, qui per grandiora spatia discurrunt, suos ambitus diuturniori tempore conficiunt. At quaterniones, cum septenorum dimidiæ sint partes, eorum uirtutis socij, participesque facti, totius pariter operis rudimenta, adumbrataque proferētes imagines, futuri quoque in illis perfecti indices fiunt artificij. Vnde neque suspitione attingi conuenit, primi viceni hebdomadas inter hasque primam illustriores confictus cingere, suosque quaterniones, & ex his primarium quoque expressā magis indicia afferre; quod maiorē quandam vim sint consecuti: septenis enim omnibus, & quaternionibus pro rata parte æquabiliter est distributa. sed huius rei principiū vt Galenus etiam meminit, est malorum impetus, quæ eo finiuntur interuallo; noxiorumque humorum mobilitas, quibus veluti initis expultrix vis eos e corpore affatim, expediteque exturbare, & cogitur, & potest. Ha igitur causæ cum in morbis longinquitate productis debiles fiant, mirum videri minime debet; si insequentes septeni, qui sūt vitæ curricula præfiniunt, imperfectiora quoque commoueant iudicia, sui que indices dies rudiores, obscurioresque notas apportent. Vnde vigesimo die peracto, cum iam motus vestigia, ceu commutanda materia vehementius, acriusque obliuente, quasi in duriori luto pressa, dilucide obscurari, obscureq; dilucidari incipiant; quaternionum vis ad septenos, septenorum ad vicenos, perfectissimos circuitus, hinc ad menses, & annos,

3. de dig-
bns decret.
cap. 8.

nos, intervalla quidem imparia, pro certa tamen portione ratione distincta, transferri videtur. at, quod Hippocrates, quamvis hebdomadæ hæ totæ, vt diximus, integrisque diebus non enumerantur, alterius illarum octauum diem dixerit esse principium; contra rursus decimum quartum, & finem secundæ, & principium tertiæ constituerit; nullam aliam proferemus rationem præter fatalem necessitatem, æternamque vim sic compellentem. est enim, vt modo asseruimus, abdita quædam, retrusaque potestas, quæ & numeris rerum temporarias summas ex omni æternitate definitas cōficiendi vim impartit, eaque ipsa imperfecti, non absolutique remanent. Vnde astronomi crebris animaduersionibus notatum memoriæ prodiderunt, eum numerum plenum haberi, & perfectum, qui maiorem partem, quam dimidiam sui ipsius, contra vero præcisum, & inchoatum, qui minorem, comprehendit. cui rei verax quoque Hippocrates septimestris partus illustri exemplo testimonium dedit. hic enim tradidit sætum, qui primo, septimoque mēse citra dimidiam partem diminutis in vitam introierit, huius lucis vsuram propagare; ijs autem vltra mutilis peranguste refecire, continuoque deferere. merito igitur septimus dies, vt cui primi, septenij termino, (qui vigesimi, absolutissimæ periodi, tertia portio est) nisi octo horæ defunt, plenus, perfecteque absolutus, primæ hebdomadæ soli assignatur. ex quo sequitur octauum alterius deinde septimanæ primum ad numerari: at contra, cum decimo quarto sexdecim horæ deficiant, quæ minus eius diei dimidio concludunt tanquam mancus non solum secundo septenario finem, sed & tertio principium impertiri censetur. Huius ergo temporarij morborum ordinis naturam continuata motuum serie, quos septenarius mystica quadam vi mouet æque, ac superæ mentes cœlestiū conuersionum dispositionis principium efficientēque esse asseueramus. at hæc, cum & spiritus impellentes æterni sint, indefessique cœlestesque orbes nulla ferendi patiendique necessitate obstricti, veluti in immobili, perennique solo fixa perpetuis circuitibus eadem manet: illa vero, quando ex mortalibus rebus agitandis exsurgit, impellente vi ceu ex fragili substantia enata, propter pigritiā, aut ignauiam cursum interdum deferente, nonnumquam autem noxiæ qualitatis aculeis, accelerante, veluti fluctibus iactata vacillat. Hic intercidentium dierum est ortus: non enim emergunt, cum morbus tranquille, & placate traijeitur, sed dum accessionum turbine, tempestateue percussus cientem vim ad transigenda, quæ contrastant, aut incitat, aut retardat. id pariter vniuersalis illius effecti est initium, morbosos conflictus ijs diebus, quibus hæ commotiones

2. ap. h. 24

Lib. de sep. partu.

motiones eueniunt, paribus, vel imparibus excitari; quemadmodum acutos in istis potissimum, ut in quibus bilis, ex qua fere oriuntur, sua sponte commouetur. hinc acutissimi morbi post eorum principia singulis diebus conficiuntur, cum isthæc mala numquam non sint immoderate agitata, fluctuantiaque; ueluti ultra vigesimum semper quieta, & tranquilla nulli intercidere uisuntur. tertius igitur, & quintus potestate uterque quaternarij ob viciniam sibi arrogata decernunt; hic eius vim excipiens, ille vero anteuerrens. cæterum, qui hos consequitur sextus iure pessimus existit; ut qui septimum diem omnium præpotentem impetu suo præuertat: non enim summa illius mali vis esse non potest, quæ temere ante hunc diem manum cum hostilibus humoribus conferre naturam impellit. Nonus autem, ut raro septimi diei crises recipit, sic undecimum frequenter præuenit; decimus vero octauus, vigesimusque primus ob solam fere naturæ inertiam, hic vigesimi, ille decimi septimi, crises excipiunt. Qui enim huc protrahuntur morbi, ut graui incurfione non agitant, sic eorum diuturnitate moderatricem vim infirmantes iudicio confici non anticipant, sed potius remorantur ad eos dies maximè a sua ipsorum commotione deducti.

Ad præuidendum Salutis, Necisque diem. Cap. XV.



ED unde diuertimus, reuertentes, quamuis certa, staturaque morbi, aut naturæ excellentia, qua alter viribus alteri præstat, statos certosque salutis, vel mortis dies præmonstret: quia tamen alia etiam horum euentuum exstant aperta, obscuraque principia; neque satis explorata est ea existimatio; hæc prouisio ex aliis etiam argumentis erit trahenda. Quando ergo in iudiciarijs diebus maxima est vis ad hæc vitia terminanda, si morbi vno tenore concitati continuâtes, maximè, ubi timorem non afferunt, ad exitum approperauerint, sique ad id tempus futurum esse pugne finem ex morbi, naturæque conatu notitiam habuerimus; quarta die proprio naturæ circuitu, nisi culpa aliqua sit commissa, desituros ante sentiemus. Verum, ubi accessionebus agitati, inæquabili, varioque motu fuerint conuersi (cum huiusmodi morbi ijs præcipue diebus quibus concutiuntur commotionibus finiantur, aut interitum consciscant, atque ex morbi naturæque viribus coniecerimus, quartam diem esse finem allaturam
(modo

(modo accessiones imparibus diebus affligant) non eo quarto die sed tertio magis, aut quinto conquiescent. at quisnam horum existat; ex celeritate, aut potius tarditate, qua vel natura infirmatur, morbusque grauior sit, aut hic contra mitior, quin etiam ex causis, quæ celeritatem hanc tarditatemque efficiunt, veluti ex notis percipietur: ocyus enim his consenscentibus, deficientibusque, corporisque calida constitutione, cælo feruenti, similique morbo præsentibus, tertia die; tardius vero ubi adhæc res moram segnitiei efficiunt adfuerint, quinto nempe hi exitus aduenient. Similiter cum secundum quaternionem vltimum esse ex utriusque pariter viribus futurum collegerimus; si disparibus diebus accessiones euenient, celeritatis notis, causisque apparentibus septima dies; tarditatis vero, nona exitum afferret. Sextus autem vltimus erit, si dies pares commotiones excitauerint; vnaque celeris motus memoratæ significationes eluxerint; octauus vero, contrariis his signis apparentibus. Sed id etiam indices, quos diximus, dies neque obscuræ, neque incertè representabunt: cum enim mitescens, aut ingrauescentis morbi, vel conualescentis, aut infirmantis naturæ notas detulerint; congruentes illis dies salutem, aut mortem adducunt. Vnde Hippocratis sunt illa: Qui septima die iudicantur, ijs nebula rubea quarta die in urina visitur: huiusmodi est nigra nubes, si eadem die apparuerit; ubi pariter cibi, aut potus appetitus vel reuiuiscerit, vel deperierit; aut ægroti resurgendo leuiiores, vel grauiiores euaserint. hac ergo ratione primus dies quarti index est; quartus septimi, si quod faustum, felixque est; sexti autem si malum renuntiauerit: septimo vndecimus, & vltimum decimus quartus consentit; decimo quarto vero decimus septimus, & decimus octauus, vigesimus, vigesimusque primus; vigesimo autem quadragesimus. Sed ex intercidentibus diebus tertius quintum, & (si damnum aliquod sit uenturum) sextum, quintus nonum, decimus octauus uero uigesimi primi euenta præmonstrant.

4. aph. 71.

Quibus institutis hora mortis præcognoscatur. Cap. XVI.



QUOD si mortis horam, quæ res adstantes in magnâ traducit admirationem, nominisque nostri commemorationem collatat, animo percipere expetierimus; non aliunde, hæc quam ex summo malorum impetu ducetur. ut enim accessio fere diem ostendit; sic istius deterior pars illius horæ significationem habet. non enim

E dum

dum morbi ea commotione uigent, sed interdum cum adueniunt, nonnumquam autem crescentes, aliquando decrescetes extrema afferunt pericula: si quidem ubi magnæ inflammationes illustra membra male affecerint; multi humores crassi, lentique redundauerint, introuocatis accessionis initio succis, meatus intercluduntur; suffocaturque, & extinguitur natura. at, cum augentur, & consistunt, eandem non ex occultis insidijs, sed apertis viribus opprimunt. verum ubi finiunt, decrescuntque, vitalem vigorem una cum febrili calore dissoluentes, grauius interdum egrotos afficiunt. Postquam ergo antehac, quodnam horum temporum peius exstiterit, illiusque horam animaduuerterimus, scien tes in pessima accessionis ætate hominem e uita migraturum, inde facile erit eadem hora futurum interitum uidere.

De futuræ crisis diebus præsagiendis. Cap. XVII.



De præuidendam autem optimæ crisis diem, hæc eadē erit rectissima uia, qua etiā ad statos salutis dies præsentendos sumus progressi: non enim ex his terminis unus, quam alter, latius dilatatur, sed equalibus finibus comprehensi per idem tempus eueniunt. ambo igitur, & præfinitus salutis dies, & statum absoluti, salutarisque iudicij spacium ex certa naturæ uirium quantitate, qua morbum excedit, dehinc accessionis die, motuque morbi, adhuc & indice die, tamquam ex proprijs fontibus, effluent. id solum indices dies, ubi crisis est futura, præter claræ maturitatis argumenta, quasi auctariū, habebunt, quod decretorijs nuncupatis indicijs eam describent: in ijs quidem natura ueluti excursoribus præliola excitans, scintillulam uniuersi conflictus, ut sanguinis stillam, sputi modicum, aut capitis dolorem, pectoris angustiam, naturæ propensionis notas, iudicijque præmittit apparatus. sed hæc perfecte crisis præscripta tempora, quum stabiles, optimeque constitutas motiones consequantur, tamquam certa, & definita in posterum præsentiantur: at, malarum intervalla errationem, uarietatemque habentes, errantes pariter, uagasque præensiones efficiunt: neque enim certę naturę morbi que uires ea possunt ostendere; cū maturitatem non expectent, sed ueluti acerba stata tempora præuertant. Has igitur crises indices dies, si forte indicari contigerit, uenturas præmonstrabunt; sin minus, saltem decretoria memorata iam signa ferè non deerunt, ex quibus, si non multo antea prospicere, at iam iam imminentem ruinam uide

re

re poterimus plerumq; enim crifes, ut ab Hippocrate Galenoq; literis est consignatum, aliqua illius generis anteeunt accidentia. Hi scē ergo rationibus prætentato itinere, per amēnos, frugiferosq; præfagij campos excurramus.

In nullo esse offendendum, si presagia sint euentura; contraq; malos medicos inuehitur. Cap. XV III.

HÆ quemadmodum apertum, expeditumq; cursum habent ad gloriam; sic nisi multo labore, & diligentia in mentes possunt insinuari. ex quo non omnes uberes, immortalesq; huius excellentis uirtutis fructus percipient; sed qui altiore animo præditi, ueritatis cultores, fraudisq; inimici ueram gloriam consecretantes, falsam, inanemque penitus contempserint; quiq; inertem segnitiam euitantes, arduas quasque res constanter attentabunt; qui deniq; artificiosarum naturæ uiarum scientes illius optimi erunt ministri, & comites. neq; enim fieri potest, ut alius probe curet, alius uero recte præfagiat; sed unius operæ est morbos depellere, & eorum euentus cogitatione præcipere. O quam rari uisuntur hodie futura præsentientes; quia non in honestū genuinumq; artis finem, actionum suarū tela coniungunt; sed ad turpe lucellum, popularēq; iactantiam insecuntur. Vnde passim perspiciuntur admirandi isti medici; qui, ut assiduitatem diligentiamq; ostendent, cum ad agrotos accedunt, nihil putant esse factum, nisi uel cataplasma imponant, uel clystere indant, uel perfundant, uel uenam incidant, uel cucurbitulas admoueant, uel cōfricent, uel pharmacum propinent, uel nutriāt, aut huiusmodi facitēnt. Quæ sepius flagitia dum phisicę rationis penitus indocti committunt, erudita naturæ opera insulse præpedientes, illius seriem, periodosque perturbant. Id igitur est, quod nusquam non admirabilis Hippocrates asseuerabat: Natura omnino sufficit. Peccant etiam, cum naturalium functionum ordinis, & uicissitudinis obliui, ueteremque negligentes medicinam, morbosos humores etiamnum acerbos purgatorijs pharmacis diuellunt. Vnde non obsequitur cruda, pertinaciusq; hærens affectio, ut aiebat Hippocrates; & quæ morbo resistentia sunt, & sana extenuantur, infirmaq; fiunt; humores item agitati recrudescunt; febresque uel citra iudicium in longum tempus protrahuntur; uel natura imbecilis, morboq; inferior effecta tandem opprimitur. Male dicendi sunt etiam ij, qui cubantium luxuriæ subscribentes, in grauius morbis ad Petronæ uictum accedunt, frumentaria edulia,

E 2 oua-

Lib. de Alimento.

De Nat. uic. in ac. morb. sec 4. Tex. 22

6. Ap. hor.
Com. 28.

ouaque, simul & carnes offerentes; unde natura a pugna ad eorum coctionem reuocata, malum protenditur; uel etiam mortiferum euadit. Neque est, ut hanc pestiferam culpam excusent; quia nostra hac ætate homines sint edaces, commestationibusq; dati, ideoq; illis indulgentiæ non nihil esse tribuendum. Qui enim tam gurgites, helluonesque hodie, ut Hippocratis æo athlete, quorum hoc unum erat studium, corporis molem immoderato pastu, magnam uastamque facere? Galeni uero temporibus; an non inquit ipse: Homines nunc alimentorum luxu sic se tradunt, ut in immensum usq; hanc edendi, bibendique intemperantiam prouexerint? Neque tamen ob hanc consuetudinem ad plenum uictum, sed ad paullo uberiores accedebant; utpote a mulsæ ad succum ordeï, non ad oua, nec ad carnes deflectentes. si ergo & recte curare, & futuros morborum euentus prædicere cupimus; non sunt transeundæ illæ lineæ, quas diuus Hippocrates in nutriendo, curandoq; tenuit: hic enim & medendi, & præfagiendi ueras semitas direxit. sed præter hæc sunt etiam egrotantium errata, quæ malorum perturbatione impulsæ medica præcepta transgrediendo committunt: ut scum, febris ardore acti frigidam, aut uinum biberint: peccant ministri etiam, qui iram, aut tristitiam concitant, officiumq; suum desiderari patiuntur. uarij præterea casus extrinsecus eueniunt; quæ singula, cum statos, certosque naturæ motus perturbent; procul, si recte & curare uolumus, & præsentire, esse deberent omnino. dum enim noxæ interueniunt; aut celerius mors adueniat, aut morbus existimatione tardius dissoluitur; & quâdoque errores adeo magni sunt, ut pro certa salute periculum mox afferant. Qui enim prorsus sine periculo sunt, ob delicta dniturni fiunt; qui incolumitatem pollicentur, non tamen sine terrificis signis mortiferi fiunt; quinetiam hi, qui periculo uacant, multis, magnisq; flagitijs admissis, horribiles, pertimescendiq; euadunt. excitanda igitur erit animaduersio & diligentia, ne aliquæ eueniant offensiones; si, quantû homini licet, sine casu & prolapsione ijs vijs ingredi cupierimus. Neq; tamé alicui ignominie uertendum, si interdum aberrer; in tanta siquidê corporum uarietate caligat humana imbecillitas, spesq; nonnumquam frustratur; & moritur aliquis, ut aiebat Cornelius Celsus, de quo medicus primo securus fuit. Vnde, & a medicis quandoque deserti cõualescunt; nonnullosque in ipsis funeribus reuixisse memorie peditum est: coniecturalis. n. hæc ars è; eaq; est; coniecturæ ratio ut, quâdo sepius respõderit, non nihil tñ nos fallat. ex quo uir clarissimus Democritus ne satis certas quidê esse, notas, pposuit uite finitæ.


CELSI
MARTINENGI
DE PRAEVIDENDIS
MORBORVM EVENTIBVS,

LIBER SECVNDVS.




Praefatio.

ARTIS praefagiendi fundamenta iecimus; illiusque scopos, atque proposita circumscripsimus. hæc si nulla, nullisque velis obiecta in animi conspectu existerent; nihil aliud esset reliquum, quam eorundem usum frequenti exercitatione subeundo, prauidendi prudentiam acuere, eiusque constantem, & absolutam perfectionem sibi comparare. at, cum sæpius in corpore condita, tamquam in cæco, obscuroque antro, delitescant; monstranda sunt veluti signa, & notæ, quarum interuentu hæc coram proposita, cœque ad solis lumen conuersa, sic illustrentur; ut mentis acie facile, dilucideque perspiciantur.



De differentijs signorum , deq; eorum signifi-
catione. Cap. I.1. de Crisib.
Cap. 7.


H O R V M igitur plura cum sint genera diuerfa ui præ-
 dita, eaque permista, et confusa; ne fucosa similitu-
 dine, fallaciq; confusione decepti in summos erro-
 res delabamur, singula sunt seligenda, vires item sue
 unicuiq; reddendæ: quæ enim futuræ salutis, quæ
 mortis, quæ crisis propria sint insignia proferentibus, inde tota fe-
 re prælagiendi ratio oblitescens emerget. Vt ergo duplices sunt
 morbi, naturæq; status; unus, qui illis obuenit, dum sua initia effin-
 gunt, qualisq; procreantur; alter autem, cum geniti, deincepsq; pu-
 gnantes, & uicissim materiam, qua augeri possint, sibi præbentes, ra-
 dices agunt, propaganturq;: sic duo signorum genera, ut Galenus
 etiam interdum aiebat, exstant, istorum tamquam impressa uesti-
 gia; alterum Pathognomonicum a Græcis nuncupatum, quod mor-
 bi species, sedes nempe affecta, egra ipsa ualetudo, causæq; ueluti
 morbosa initia, & elementa quodammodo signarunt; reliquum au-
 tem Interueniens dictû, idque, ceu huiusce concertationis effectus,
 contententium uicissitudines, commutationesq; describens: Pa-
 thognomonicorum concursus, ueluti ex morbi stirpe oriundus,
 nusquam sine ipso gignitur, illique perpetuus comes adhsit: Inter-
 uenientia autem, cum nisi augescentem, uolubilemq; morbum inse-
 quantur, mutationem habent, separariq; possunt, prioris generis
 exempla sunt paruus, & frequens spiritus, tussis, febris acuta, lateris
 dolor, quasi aculeus pungens, pulsusq; durus; rursus uero assidua,
 inexplibilisq; sitis, adurensq; calor; illa morbo pleuriticos a Græ-
 cis nominato, hæc uero ardenti febri peculiaria, ingenerataq;: po-
 sterioris autem dormire conuiuentibus oculis, turbari mente gra-
 uius audire, sanguinem stillare, urina nubeculam representans, ab-
 ortis iam, crescentibusq; malis uarie tamen, dissimiliterq; per se pe-
 expressa, quamuis autem non nulla sint utriusq; naturæ haud exper-
 tia, interdumque initio, non numquam postea apparentia (de qui-
 bus Praxagoras nobilissimus medicus librum edidit) quæ malorum
 dissimilitudines notant, ueluti sputa rubra pleuritidem ex sangui-
 ne; flaua ex bile orientem, dolor uel ad iugula uel ad præcordia per-
 tingens, cum supera membranæ pars, aut infera ægrotat, ægre, nul-
 loue labore in utroq; latere cubare, nilq; facile uere expuere; quæ in
 ipso pleuritidis ortu existunt; maioris, minorisq; uulgaris magnitu-
 dine

dine formatæ inflammationis indicia: hæc tamen in illis generibus concluduntur, comprehendunturq;. Quæ enim morbosas species, & differentias, sequuntur, ipsarum alicui tamquam affinia germanaq; ad Pathognomonica accedunt; ista uero quæ scilicet magnitudinis discrimina designant ueluti eorum, quæ posterius oriuntur, speciem habentia, Interuenientium natura uestiuntur. Ceterum, Interuenientium neque unus est ordo: quædam enim humorum conuersiones, morbiq; incrementa, & decrementa excipiunt; quædam uero morbosos conflictus, ueluti, excursores ante-eunt, hæc decretoria sunt appellata signa, futura scilicet crisis nuncium perferentia; illa uero natura, aut morbi uictoriam, uel ancipitem horum pugnam pollicentur. Quæ ergo noxiorum humorum aduentitiam uim ostendunt, ab excrementis fere assumpta, cruditatis, coctionisq; signa dicuntur; reliqua uero nullo peculiari nomine donata, communi nomine Salutaria, Mortiferaq; uocantur: ex quibus non nulla omnibus morbis, aut plerisque ueluti acutis, Communia appellantur; quædam, uni tantum affectui, uel uni loco coherentia Propria; ut pus illis sedibus, ex quibus emanat, & sputa Thoraci. Istorum ergo omnium uaria est uis, multiplexq; potestas: nam, & si Pathognomonica uocata indicia, quatenus peculiare morborum formas designant, simulq; suarum uirium principium & quasi seminarium prodant; ad quam tamen magnitudinem ascenderint, aut superiores ne, uel inferiores contra naturam extiterint, nisi longe hi, multumq; distent, nondum in apertum referuntur. Præcipuam uero, exactamq; huius rei notionem suggerent coctionis cruditatisq; (si apparent) & reliquæ naturæ firmitatis, infirmitatisq; interuenientes notæ; ut Galenus etiam assueuerat: ab his enim, utpote qua ratione noxij humores, ualitudinis fomites, ad naturam, sint affecti, morbiq; & naturæ concursus significantibus, de utriusq; robore, alteriusq; excellentia, ceu ante oculos proposito periculo, certi efficiuntur. Vnde illorum uim Hippocrates proferens aiebat: Coctiones celere iudicium, securamq; sanitatem significare; cruditates uero temporum longitudines, acrisias, mortes, aut recidivas. quæ uerba (postquam in eorum mentionem incidimus) ueluti graua, plenaq; singillatim sunt expendenda. Celere ergo dixit iudicium; siquidem cum noxij succi maturescunt, proxima est absoluta coctio, quæ malorum uniuersus, absolutusque est interitus; quemadmodum exaduerso longo interuallo distat, ubi crudi, immaturi que existunt. non mirum igitur, si morbi tunc protrahantur, cum longe a fine sint remoti; aut si discedentes reuertantur, malorum reliquijs, quæ sola coctione conficiuntur, etiamnum manent-

3. Proga.
Com. 395.

1. de morb.
unlg sec. 2.
Tex. 45.

manentibus. Rursus vero acrisias (inquit) nullas scilicet, vel prauas crises excitare; nullas; si quidem natura eorum eiectionem, nisi multum irritata, molitur: malas vero eadem, si laeessita se erigat, forteque sit imbecillis, graui adeo oneri succumbens; vel si paullum firmitatis retinuerit, bonos vnaque & malos succos, tamquam temere exagitata, exturbat. idem quoque his malis, priusquam coctione finiantur, (si vires debiles sint) ægros rapientibus, interitum afferunt. Quemadmodum ergo hæc, tamquam in rei natura inhærentia, secundam valetudinem, aut mortem, eorumque stata spacia, sic decretoria, futura iudicia prænuntiant. num ergo conualiturus sit æger, aut moriturus, in posterum nõ his prospiciemus, perinde vt nec illis, crism sit ne subiturus: hæc enim, si versa, commutataque fuerint, contrarijs etiam euentibus communia, nisi contrahantur, & sua cuiusque fiant, ad veritatem non dirigent; quin sapius nos fallent. Vnde Hippocrates: His, quæ non ex ratione leuant, confidendum non esse; neque formidanda mala, quæ præter rationem eueniunt: plurima si quidem horum instabilia sunt, necdiu consistere consueuerunt. si enim ventriculi, vel capitis dolor, aut delirium, vel tenebricosa vertigo, difficilis anhelitus, anxietas, grauis somnus, huiusmodique iudiciaria signa; quin etiam sanguinis profluvia, alui deiectiones, sudores, vomitus, vrinarum copia, parotides, idque genus, quæ crism efficiunt, eluxerint; neque statim, quasi minas iactent, merore afficere nos debent; neque spe, ac si salutem promittant consolari: hæc enim tamquam ambigua, & incerta, interdum morbosas affectiones leniunt, nonnunquam autem grandæscentes morbos designant. Qua igitur ratione distingui possint, obscuris quibusdam, & flexiloquis oraculis diuus idem Hippocrates docuit, sic scribens; Decretoria non indicantia partim sunt lethalia; partim difficile habent iudicium: eadem enim, si non fiunt, (inquit) difficilis sunt iudicationis; quæ vero contraria significant, malum; non solum si recurrant, sed etiam primarię naturę contraria repentia. quibus inuolutis verbis voluit summus hic vir, cum signa hæc apparent, expendendum esse, num morbum exhauriāt, necne. si enim egrota corpora iuuerint, recreauerintque veluti bona omnia erunt censa: contra vero tristia, si mala in eodem statu relinquant; magisque si adaugeant: tum enim nonnunquam perniciem, interdum autem diuturnitatem prænuntiant; diuturnitatem quidem (vt Galenus etiam interpretatur) vbi nullam solum utilitatem, morbiuē diminutionem attulerint; mortem vero præterea, si subsederint, aut a propria natura desciscētes, ad prauam conditionem deflexerint.

2. aph. 27.

2. de morb.
vulg. sec. 1.1. Prophet.
sec. 3. com.
35.

rint. Huius generis erat apud Hippocratem Philisci acute fe-
brientis sudor: hic enim frigore perfusus, lethale, vt mox dice-
mus, in his malis indicium; neque motum, vt ingenua vi de-
beret, diminuens, sed a naturali eius bono degenerans, necem
minitabatur. huius pariter exempli erant silenii deiectiones spu-
mantes, & meræ, non decrefcentis, sed ingrauescentis mali in-
dices: ex contrario autem noxii humores Horophonti ad lienem,
deinceps ad inguina, mox ad crura illapsi salubres proprieque,
vereque decretorii exstiterunt: ab his siquidem nox faciliior, le-
niorque fuit, vrinaque maturiores apparuerunt. Papulæ itam,
quæ Sileno die octauo effloruerunt, ab horum serie diuelli ne-
queunt: nam quamuis leuationem non attulerint, fuerunt tamen
in causa, vt vir ille inter exitialia versatus indicia, nono die e vi-
ta migraturus ad vndecimum vsque traxerit. Ea quoque sangui-
nis per nares inanitio, quæ Metoni euenit, cum febrem confe-
cerit, naturæ munere, operaque id, quod contristabat, eiicien-
tis, emerfit. Ex quibus exemplis non difficile elici potest, quam
perperam ij sentiant, qui naturæ motus casu, & temere fa-
ctos a iudicialibus, optimaque ratione institutis non vtilitate,
sed crudelitatis indiciis diuidi putant. Quis enim inficiabitur
eam humorum ad viliores partes eiectionem in Horophonte
recto naturæ impulsu exortam fuisse; quando salutis initium
hæc secessio apportauerit? Quis tam pertinax, litigiosusque
erit, vt fateatur Metonis id sanguinis profluuium extra natu-
ræ leges prorsus exstitisse; si morbum ex toto, planeque sustu-
lit? memoratæque Silenii papulæ (quod magis mirum vide-
ri potest) inter propria, germanaque iudicialia (si Galeno
credimus) dinumerantur: hæc tamen singula immaturis e-
tiamnum malis comparauerunt. ad nullam ergo normam præ-
terquam ab Hippocrate expressam hi casus erunt perpenden-
di; an scilicet eueniant, vi quæ nos moderatur, malos humores
rite exinaniens, ad abiectioraue membra extrudente; aut potius,
quod noxiæ qualitatis stimulis irritata præcipitet, vel ob imbecilli-
tatem nequeat continere. hic enim, cum sponte humores vomitio-
nibus, ventrisque inanitionibus effluunt, tales ne purgentur, quales pur-
gari oporteat, ex eo diiudicandum esse censuit; si inuent, & egri leui-
ter ferant; quibus legibus eam regulam non solum exprimere vo-
luit, sed & rectum illius vsum indicare, extenuat siquidem interdum
hæc euenta morbos, vt egros subleuare videatur: his tamē & naturæ
nonnunquam, quemadmodum, & athleticis in curriculo exercetibus, eue-
nit, vt eodē prostrata motu vna concidant. Si ergo nō tantū egrotatio-

1. de mor.
uulg. sec.
3. tex. 18.

Ibidē text.
19.
Tex. 20.

Tex. 24.


1. aph. 2.

F nem

nem minuerint, verum etiam ea ægroti facile tolerare visi fuerint; in aliquam salutis spem nos ponent. Summa quidem, absolutaque iudicia, tamquam omnibus suis numeris, & partibus expleta artificia, numquam fere, nisi morbo consistente, elucet: tunc sane, cum malorum humorum morbosæ redundantia coctione penitus sunt excise, multa tamen inchoata, non planeque perfecta, morbo quoque augescante, quin etiam interdum incipiente, e naturæ manibus excidunt; quæ etsi ab illis absint, genere tamen non differunt. Coctionis itaq; & cruditatis indicij (vt unde digressi sumus, redeamus) & ijs, quæ virium firmitatem, aut infirmitatem ostendunt, quæ si fundo innixis, salutis, & mortis prælagitio erit architectanda; decretorijs vero harere haud tutum erit, nisi huius veritatis iudicia ad expositas regulas graui accurataque obseruatione fuerint directæ. Verum, cum varia sint, quæ maturiores, crudioresque fieri humores naturæque robur ostendant, signorum genera, quemadmodum diuersæ sunt humorum congeries, multis, dissimilibusq; sedibus repositæ multiplicēsque; potentiæ, quæ nos regunt, & tuentur, hæc digeramus, & distinguamus oportet; non vt rudes quidam medici consueuerunt, turpi errore confundamus: præfensiones enim ex omnibus, æqua conditione, non hauriuntur; sed ex ijs potissimū, quæ propriæ singulis partibus affectis & coctionis, & facultatis sunt attributa: hæc enim ægrotationis, naturæque, ceu parentum, & effectricium, faciem, similitudinemque; secum afferūt. quemadmodum ergo, si cordis morbo (vt in febrilibus affectionibus fit) eger periclitetur, vitali facultati plurimum tribuimus; quod ob neruosa membra & sentienti, mouētiq; ex appetitione; pariterque vegetatrici, si propter alimento deferuentia organa grauius ægrotet; sic istarum peculiare, genuinæque notæ tunc magni erunt faciendæ. Eadem ratione, cum venter laborauerit, non quibusuis excretis, sed deiectionibus, cum in venis arterijsue constiterit morbus, vrinis animus erit adhibendus. ita lipitudinum, vlcereumque; statum inutilis ille humor, dum vitia coquuntur, excoquanturue, exsudans, denique; singula a sedibus affectis venientia recrementa, quales nam sint noxij humores, veluti eorum distinctæ portiones, declarabunt. Vnde & interdum euenit, quæ subito deijciuntur, iecoris, corporisq; totius constitutionem indicare; venter enim illius interuentu cum omnibus partibus coheret, & continuatur, per eūque; sua recipit excrementa. Singule ergo hæ notæ ex ea medicinæ parte, quæ signa enarrat, petite in sua genera erūt digerendæ, quidque; vnicuique; conueniat, ex ea copia distribuendæ. sed hæc tandem decretoriorū dierū auctoritate venient obfignanda: quæ enim his diebus eueniunt, rata, certa; alijs vero irrita fere, vanaque; euadunt.

De

De signorum potestate permetienda. Cap. II.



OST QVAM ergo salutaria, perniciofaque signa di iudicauerimus; expendendum deinceps erit, quantū in vnoquoq; virium, potestatisq; insit. etenim, cum futurae Salutis, & Mortis, statiq; diei scientia in nulla alia re fere (vt superiori volumine diximus) nisi in morbi, naturæq; nervorum iudicio, & æstimatione versetur; hos cum inclusi, abditiq; latuerint, nec vlla præter signorum vires aperient. istorum igitur exquisita vis cum nec calamo, nec oratione exprimi queat, conabimur saltem finitimas, iustoq; proximas existimationes certis descriptionibus Hippocratem sequuti designare. hic enim pariter quædam simpliciter bona, alia magis, & minus, valdeque bona, nonnulla simpliciter mala, grauiæque, & grauissima nuncupans, proxime quam fieri potuit, ad eorum vires, facultatesq; nos perduxit. Vt igitur vniuersa morbi, & naturæ virium latitudo tribus primum interuallis distinguebatur, medijs scilicet, & extremis; sic quæ his respondeant, tres primariæ constituentur signorum species, quorum ea, quæ grauioris morbi, naturæq; vulgaris fortitudinis superioris, vel virtutis, quam morbus inter magnum, exilemq; iniectus, infirmioris; aut eiusdem naturæ subactæ sunt vestigia, ceu timorem afferentia, ægrumque in periculo versari significantia, terrificam dicentur. Contra vero bona, & salutaria erunt, morborū etiam communibus peruagatisque naturæ nervis succumbentium, vel moderatricis potentia validioris, victricisque testimonia. Neutra appellabimus inter hæc posita, medios videlicet valetudinis, naturæque conatus, ancipitesque pugnas indicantia: hæc enim animum in deliberando distrahunt, ancipitemque curam cogitandi afferunt. Sed ista sunt prima grãdioraq; discrimina, quæ rursus in minutiora dispertiuntur: nam malorum nonnulla, veluti quæ morbum non summe malum pestiferumque, vel vires non maxime imbecilles, aut non penitus conuictam, superatamq; naturam ostendunt; vt inter quæ proposito timore, aliqua etiam vitæ spes supersit, mala, læthaliaque sincere; quæ vero ad extrema ea deuentum esse nunciant, perniciofa posthac proprio vocabulo dicentur. His apparentibus ita, raro salus euenit, vt si quando audita sit, portento, ac prodigio similis numeretur. euadunt interdum etiam egri e grauissimis his malis; verum id fit, cum pestifera vis a claris membris ad obscura se præter spem, inclinat; vt Horophonti apud Hippocratem accidit; vel

In Paogn.

F 2 præpotens,

3. de mor.
vulg. fec.
3. tex. 80.
sec. 1. ag. 3.

vbi præpotens, singularisque exempli natura morbosas causas, quamuis validissimas, veluti in Heropytho, Dealcisque hortum incolente factum est, vix tandem superauerit. Cæterum in bona spe ægrum esse ostendunt, morbi paullo viribus nostris infirmioris, aut naturæ morbo præstantioris, vel superare iam incipientis notæ. Tutissima vero ea erunt, quæ infirmam ægrotationem, robustam naturam, vel hæc mala subigentem designant. Vsq̃ue autem Hippocrates hæc singula accurate est metitus; vt rursus magis & minus talia, quemadmodum plus, minusue ad vnam, aliamue partem inclinant, peculiari nomine signarit.

Quæ ratio ad inquirenda ea signa sit
sequenda. Cap. III.

1. Prog. tex.
5.



D hæc ergo exquirenda ea via erit rectissima, & compendiaris, quam diuus ille medicinæ parens monstrauit, id enim fudit oraculum: Tantæ rei vtilissimum esse intueri, quo quisque sibi ipsi similis, dissimilisue euaserit. sunt enim morbi, eaque symptomata, quæ ipsos tamquam vmbre sequuntur dissimilitudines, distantiaque a salubri naturalique statu; vt propterea tanto grandiores, horribilioresque assurgant, quanto a naturali ea constitutione recedunt, versusque mortem vltimam rerum lineam tendunt. si ergo cuinam exitione, an salutis ægri proximiores sint, coniectura assequi cupimus; permetiendus est hic recessus, examinandaque corporea illa qualitates, quæ sensus mouent, quæque innata sunt, & insita, cuiusmodique sint vniuscuiusque generis integræ functiones; qualiaque sint naturalia excrementa, tamquam termini, a quibus dissimilitudo, differentiaque sua sumit initia deinceps quantum ab eo habitu abierint, expendendum: grauiissima enim sunt, quæ maxime distant, leuissima vero proxima; magisq; & minus similia, dissimiliaque; magis æque, ac minus salutaria, periculosaque habentur. his igitur viis fere in significatione
num scientiam, observationemque
nos insinuabimus.

In

In iisdem methodis exercitatio; de optimisq; primum, & communibus indicijs. Cap. IIII.

AM uero, cum uniuersæ rationes hæ, magnæq; res absq; frequenti usu, multifariæq; in particularibus exercitatione minime percipi, neque perfectos artifices efficere possint; quod in uniuersum didicimus, in ijs præfensionibus, quas Hippocrates (cui medici omnes præfagij palmam defferunt) longo usu notauit, periclitemur. A maximis autem, & facillimis, ut ipse etiam monuit, exorfi, principio in ingentibus malis faciem ægroti contemplabimur, num bene ualentium uultui, potissimumq; sui simillima permaneat, neque contabescens, neque aliquo prauo colore infecta: saluberrimum siquidem id exstat indicium, innati caloris copiam, uegetatricisq; facultatis robur designans; ut quæ egrotantis substantiam firmiter contineat, ab igneoq; calore dissipatam facile refarciat. Corpus quoque, quod in huiuscemodi malis equaliter calidum est, & molle, salubritatem pollicetur: id enim, & insiti caloris abundantiam (ut qui cito in omnes partes diffunditur) & mittem affectum, non eque ac febris ardens, malignaue inflammatio, illud durum, squallidumq; interiusue feruidum, exteriusq; algidum, reddentem ostendit. Æque uero salutare est hypochondrium quod sine ullo doloris sensu, uno tenore in utraque parte est molle; sique circa umbilicum, & pubem cutis sit plena: nullum enim grauem morbum, neque insignem imbecillitatem, in partibus subiectis, scilicet iecore, uentriculo, septo transuerso, liene, quæ nobiles sunt, subesse significant. Inter hæc etiam indicia in quouis malo sunt animi ualētudo, cupiditasq; cibi, & potus, membra fere omnia, quæ uitam præstant, in uehementi aliqua ualētudine non esse notantia. ut in ens enim sana cerebrum, nervosas partes, ueluti eius membranas spinalem medullam, septumq; transuersum quæ quasi cognatione continuatæ conspirant, nullo malo morbo tentari demonstrat; sic fames & sitis uniuersum uentrem, hepær, uenas, & arterias, quorum uigorem, atq; suctionem sequuntur, nec non cor ipsum, quod uno consensu cum illis iunctum est, atque continens. Non periclitatur etiam æger, quem acuta febris occupat; si in latus dextrum, aut sinistrum, ut ipsi uisum est, cubat cruribus paulū reductis (qui fere sani quoque iacentis habitus est) sique facile conuertitur, resurgendoq; est leuis. Tunc enim non tantum

Ex facie. 1.
Prog. 1. c. 5.

Ex totius
corporis af-
fectus. sec.
2. i. 5.

Ex hypochō-
drio. 1. pro-
gn. 1. c. 27.

Ex animi
ualētudine
& cibi &
potionis de-
siderio 3.
aph. 33.

Ex decubi-
tu. 1. prog.
1. c. 5.

*Exspiratio-
ne lex. 25*

*Ex uena.
2. progn.
Tex. 26.*

tantum ea pars animi, quæ uoluntarijs motibus præest, ad quam pertinet, & corpus firmare, & loco mouere, uerum etiam cor uiget; cuius prospero fauore & cerebrum, & omnes denique partes sua munera obeunt. Inter optima quoque indicia est facilis spiratio in omnibus morbis acutis, qui cum febris sunt, & intra quadraginta dies iudicantur: huius enim operis functio quæ secundum naturam est, nullum ex membris, uitali ui deseruientibus spiritalibus. s. neque uentriculum, iecur, & lienem, quæ per respirationem mouentur, aliquo illius generis graui uitio urgeri; quemadmodum sunt inflammationes, nimij, modiciue calores, quibus semper fit difficilis, aperte notat. longi enim morbi cum mora uires exfoluant, etiam sine his terribiles esse possunt. At ex toto tutus est omnis febricitans, pro eius affectionis ratione, quæ in uenis subsistit; uel sit nuda tantum intemperies; sicuti cum thorax, pulmones, cerebrum, aut uenter aliquo febriculoso morbo tenentur; uel multo magis, si febricitet sine illarum proprio uitio; aut cum inflammatione hepatis, uel renum, uel uesicæ, uel splenis; ubi in urina, quæ uenarum, artieriarumque est excrementum, subsederit album, leue, & æquale, donec morbus fuerit iudicatus: id siquidem, ueluti eius postemæ coctionis, quæ in uasis fit, excrementum, ei, quod a natura est, assimilabile; & uelletatricis, quæ in illis partibus residet, uires antea per febrem debilitatas, recreatas esse, corroboratasque; noxiosque; succos, quorum est pars, pestifera ui exutos, salutarem penitus induisse declarat. Tale igitur album existit, qualis est color earum partium quæ ex semine gignuntur, quibus natura sedem suam credidit; læue autem summis, medijs, infimis, portionibus equabiliter a natura plane superante mutatis; perpetuo autem usque ad finem durat; cum singuli noxij humores uincantur, & maturescant. Æque uero tutum, si biliosus fuerit morbus, idem contentum, etiam si in medio propenderit, aut quasi nubecula innatarit: ij enim succi ueluti leuiiores, non æque ac ceteri, tamquam grauiiores imam partem petunt. Eadem quoque naturæ uictoria denunciatur, quamuis huiusmodi, quæ subsidunt, fuerint subcrocea, aut nigricantia (ut Aetius est auctor) nisi tamen partes aliqua emineant, aliqua uero superentur: nam & si humoribus haud ex toto a natura similibus factis in lucem prodeant, ut quæ adhuc flauam, aut atram bilem redoleant, a quibus ueniunt, deuicta nihilominus sunt & superata. Rubrum quoque lene, si tamen urina inter crassam, tenuemque subsuluam, & flauam exstiterit, inter has notas dinumeratur: leuior siquidem proprie coctis contentis attribuitur; color uero crudis etiam sepius communis esse consuevit. Porro alius, quæ reddit modo mollia

mollia figurata, eodem fere tempore, quo secunda uale tudine assue uit, modo conuenientia his, quæ assumuntur, inter bona pariter in dicia numeratur: hæc enim & uentrein, præcipuam sedem, sanum, integrumq; esse ostendit, & eius uires ualidas; ut quæ probe offi cium suum exsequantur. ei similiter, cuius aluus est cita, secunda uale tudo continget, si contrahitur, meliorisq; sit molis, subrufaque spe ctatur, neque odoris intolerabili feditate sani hominis egestio nē excedit: condensantur enim, quæ concoquantur, tenui humido a calore absumpto; rufaq; bilis in hac succorum coctione progigni tur, quæ aquoso humori admixta eum ad subrufum colorem indu cit. quam minime autem fæter, cum graueolentia putredinis po tius, cruditisq; sit comes. Salus æque ei facilis est, cuius arteria rum percussus moderatus, uehemēs, & equalis existit: hic enim cor nullo graui morbo ægrum esse significat; adhæc, & nim multum ro boris habentem nullaq; humorum sarcina grauata ostendit. Tol lent etiam penitus morbum decretoriæ excretiones, quæ coctis in sensis humoribus superueniunt, morbosasque sedant tempesta tes; tolerabiliterq; feruntur; etiam si liuida, cruenta, fetide, biliosæq; fuerint, aut alijs prauis qualitatibus infectæ, de quacumque item re gione, uel aluo, uel uesica, oreue exierint: tantum enim abest, ut periculum aliquod ostendant, ut in proximo futuram salutē enun tiant. Huius æque generis sunt hi abscessus, qui, morbo maturescen te, ad inferas corporis partes, potissimum ad articulos, pro morbo rum ratione excitantur: sunt enim loca hæc ignobilia, ab illustri busq; membris distantia; ob eorumque laxitatem ad recipienda excrementa maxime apta. Papulæ item, quæ frequenter hac ætate febribus interueniunt, si concoctis morbosis succis exoriuntur, in quauis febris; ex qualibet corporis parte, quocumque numero, & magnitudine, uel cuiusuis coloris erumpant, sine ullo metu sunt. id quoque corpus similiter ad sanitatem uenit, quod æqualiter to tum sudat; & cuius febris eo sudore finitur.

ex de efflu
nibus. 2.
progn. Tex.
13.

Tex. 16.

ex Pulsu.

ex Excretio
tionibus. 4.
aph. 47.

ex Abscess
bus. 2. de
morb. milg.
sec. 1.

ex Papulis.

ex sudore 1.
progn. Tex.
26.

De optimis, proprijsq; notis. Cap. V.

N E Q V E illæ suppurationes, quæ anguste in exte rio rem partem feruntur, & acuiuntur, neque inflamma tiones, si foras tumorem, & ruborem quam maxime uertunt, terrere debent: leniuntur enim hæc mala, mitioraque sunt, morbosis succis a ualente natura ad humiles, abiectasq; partes extrusis. Tuta quoq; est ea febris, quæ

Ex suppur
atione
Tex. 49.

ante

De aqua in
ter cutem
2. Prædict.

De dolore
coxendico
ibidem.

De dysente
ria ibidem.

De Melan
colia 6.
aph. 11.

De leuita
te intestino
rum citato
2. prædict.

De alui pro
flumio ibid.

De Iecino
ris uomica.
7. aph. 45.

De Tabo 2.
præd.

ante alterā accessionē ex toto quieuit sic, ut corpus integrum fiat. Eaue aqua inter cutem salutaris existit, quæ per se initium fecit, aut quartanæ, aut alteri uetusto morbo superuenit; utique si viscera firma sunt sic, ut cibum æger appetat, facileque concoquat; spiritus sit facilis, uenter per se excernat mollia, & figurata; sique nullus est dolor, et corpus ex omni parte æque calet, sineque lassitudine est, in extremisque membris macrum, morbumque facile sustinet; si uenter mollis; si nulla est tussis, nullumque urget potionis desiderium; si lingua ne per somnum quidem exarescit; si alius medicamenti fluit, si extenuatur; si urina, & uini mutatione, & epotis aliquibus remedijs mutatur. Mature quoque, facileque coxæ dolor depellitur, & si magnos cruciatus excitet; ubi torpore, refrigeratio neque lumbi, cruraque fere uacua fuerint: sic enim hæc mala in ipso ortu arctis & breuibus finibus sunt conclusa, ut nequeant ui sua multum se erigere, supraque naturam extollere. Tormina autem salutaria sunt, si sanguis; & strigmenta exeunt; febrisque, ceteræque; huius morbi male notæ absunt; his enim tamquam optimis iudiciarijs uitia, quæ ante erant, submouentur; adeo ut etiam prægnans mulier & conseruari possit, & quod concepit, reseruare. Eadem ratione uarix ortus, oraq; uenarum in ano sanguinem fundentia id genus insanix sanant, quod in tristitia consistit. At intestinorum leuitas ad sanitatem uenit, cum reddi urina, nutririque; corpus incipit; decedente enim frigida intemperie, quasi hyemali tempestate, membra natiuo calore tepesfacta reuiuiscunt, suaque opera exordiuntur. Mitis uero ipsa alui deiectio est, quæ sine febre est; breuique tempore conquiescet, cum attrectato uentre nullus eius motus sentitur; sique ultimam aluum spiritus excipit. Sputa quoque in pulmonis, laterisq; dolore si alba, leuia, interiectaq; inter tenuē, & crassam substantiæ extiterint, securitatem pollicentur. Dum pariter in iecinore est uomica, & ex ea purum fertur pus, & album; uel ex uesica dolente si purulenta urina procedit, in eaue leue, & album subsidet; in tabe etiam si sputum sit album, equale, eiusdemque coloris, ne pituita, huiusmodique quod a capite distillat, metum detrahit: sunt hæc enim excrementa, ut supra ostendimus, concocti, euictique; morbi explorata, minimeque dubia argumenta.

Eono-

Bonorum signorum meditatio. Cap. VI.



ÆTERTVM non eque in tuto positum egrum ostendunt, & si secundæ ualitudinis fiduciam afferunt, de cretorie inanitiones, quæ morbum quidem non finiunt egro tamen laborem detrahunt. Huius etiam exempli sunt coctionis incipientis notæ; ueluti, cum nubeculæ in urina ad fundum non deferuntur, quamuis morbi solutio id exposulât; aut, cum interdum pura redditur, interdum autem subsidet candidum, ac leue quæ aliquos humores esse concoctos, quosdam crudos subesse significat. similiterq; cum pauca expiuntur, ea tamen cocta; uel quando, quæ ex aluo, aut ex palato, naribus, auribus, alijsue locis tenuia exhibant, coacta magis, crassioraque fiunt. In iucundo quoque utilique somno, qui nempe deliria, febres, inflammationes, uel quid simile restinguit, spes futuræ salutis inest. in sternutamento etiam in quauis egrotatione, præterquã in pulmonia; ut quod noxios succos maturari, uigereq; uim nocua excernentem ostendat. Ex uomitu item (si quis incidit) mixto ex pituita, & bile mitis, lenisque morbus notatur; quod insigni calore, frigoreue, ex quibus synceri humores fiunt non affligat. idem quoque denunciatur, si eger noctu dormit, interdiu uigilat; si nulla est sitis, si corpus sine lassitudine est, & morbum facile sustinet. Non difficilis insuper ei salus est, qui lateris, pulmonisq; morbis afficitur, si facile excreat; aut inter initia sputum edit mixtum rufo quodam, & sanguine. ei necnon bene sperandum cui uenæ, arteriæque egræ sunt, si urinam fecerit, in qua pariter subsistant subrubra, & leuia: sunt enim hæc mitis humoris morbum efficientis indicio. In spem adeque uenimus, eos, quos aqua inter cutem male habet, sanabiles esse; ubi plura ex his, quæ supra posita sunt salutaria illius apparêt indicia. Iniens quoq; ætas intestinorum leuitati bono est, ut torminibus progressa: hæc enim ueluti siccor minus putredini patet, cuius iniuria id uitium facile serpit; ea vero ingenito calido abundans uentriculi concoquentem uim eneruatam procluius restituit. Neque difficile iuuenes articulorum uitia, si callum non obduxerint, neque pueri comitalem morbum euadunt. atque utrisque ea maxime emolumentum faciunt quæ quouis modo deiectione funduntur. Tormina similiter lienosis proficiunt:

G in

Ex deiectione
in inanitionibus.

Ex urina.

2. Progn.

26.

Ex secretionibus.

Ex deiectionibus.

Ex somno

2. aph. 1. et

2.

Ex sternutamento

meto 2. pro.

49.

Ex uomitu

Tex. 48.

Ex somno

& uigilia.

Tex. 11.

De lateris

pulmonisq;

affectionibus

Tex. 43. &

44.

Ex urina.

De aqua inter

cutem. 2.

predic.

De leuitate

intestinorum

& Tormi-

nibus. ibidem.

De morbo.

Articulari

& de corni-

tiali. ibid.

De lienosis
6. aph. 48.

in his enim omnibus corpus purgatur; & quod intus aut lædit, aut
læsulum erat, emittitur.

Terribilem indiciorum communium exempla. Cap. VII.

Ex hypoco-
drijs. 1. pro
gno. 27.

A T contra mali morbi signum est ardens hypocon-
drium, aut dolens, aut durum, aut tumidum; ma-
gisq; si hæc dextra, quam sinistra parte sentiantur:
subest enim (nisi musculi in morbo sint) sacer ignis,
vel inflammatio, vel magna obstructio, aut flammea
caliditas hepatis, aut ventriculi, aut præcordiorum, aut lienis, insi-
gnium partium. Malum quoque est, si intenditur: hoc enim uel
ob memorata vitia prouenit, aut ex summa siccitate; vel ubi a se-
pto transuerso, quem affectum eadem mala præhendunt, vicinæ
partes velluntur. in maximo autem periculo æger est, si arteriæ
vehementer ibi adeo agitentur, ut vel ipsi innotescant, vel nobis
ipsis tangentibus sentiantur: id enim vastas dumtaxat consequitur
inflammationes. Timorem quoq; facit id genus febrium, quæ ter-
tio quoque die urgent, neq; ex toto remittunt, hæmitritæon Græci
nuncupant: continua enim molestia hominem affligant; atq; ex
4. aph. 43. pessima ea mixtura pituitæ, & bilis proueniunt. Terribiles item
sunt, quæ grauib; laboriosisq; accessionibus sine intermissione
premunt. Horribiliores, quæ nihil remittunt; sed æque concita-
te continuant. Maxime quoque verendum est, ubi æger desipit;
potissimumq; si modestus sit, suiq; cognoscens: tum enim malum
dilatatur, ad cerebrumq; non obscuram sedem extenditur. Gra-
uis etiam morbi nota est, noctu in vigilia manere; quamuis inter-
diu somno se tradat. Grauius est vigilia, somnoque supra debitum
vrgeri: hunc enim morbosam frigiditas, vel humiditas exaggeratę
perdiu naturalis flammæ aditum ad membra, ad sensusq; interclu-
dens efficit; eam vero cumulata ignea caliditas, vel siccitas foras
magis, quam par sit, eliciens inducit. Grauiissimum vero, si nocte,
dieq; perpetuant; summa enim hæc immoderatio non aliunde pa-
riter, quam ex summo vitio venit: ut enim excubiæ sine perenni
fere dolore, laborene, aut delirio esse non possunt; sic sopor veter-
nosæ affectionis fere initium existit. At in acuta febris incutiunt
formidinem interrupta labia, aut glutinosus humor dentibus inhæ-
rens, vel arida lingua, clangens, acutaq; vox, neruorum pariter di-
stentiones: eueniunt enim hæc, membris, aut humoribus præ ni-
mio

ibidem.

Ex febr. 1.
de morb.
vulg. sec. 3.
tex. 5.
4. aph. 43.

Ex delirio.

Ex somno,
vigilia
2. progn.
tex. 14.

4. aph. 53.
ex labijs,
ex dentibus,
ex voce, ex
lingua, ex
convulsio-
ne.

mo ardore torrescentibus. Neque iniuste exulcerata: fauces terrent, si cum malis notis coeant: illis enim maligni, rodentesque humores, causae sunt. in difficili autem res est, ubi aeger agere spirat: magnus enim creberque spiritus ex spiritalium partium flagrantia provenit: brevis verò, & densus ex eorum dolorifica afflictione, aut ventriculi, iecoris, lienis; quæ, cum homo anhelat, pariter agitantur. is autem, qui longe, lateque raro trahitur, turbata mentis est indicio. Vehementer etiam periculosum est agrum anxium, & inquietum esse, brachiaq; & crura nudare, inaequaliterq; ea dispergere; tametsi igneus calor illis non subsit: id enim vel oris ventriculi vitio fit, aut propter virium infirmitatem. Malum similiter est signum in ipso morbi acuti impetu relidere: quod quidem evenit, vel ex vehementi spirandi difficultate, vel ob delirium, aut inquietationem. Ex mali quoque morbi notis sunt vix excreare, dolorem habere continuum, morbumq; toleratu difficilem; somni etiam noxam afferentes, ut timores, convulsionesque; noxios enim succos ad cerebrum propagari declarant. At in visceribus grauis inest inflammatio, ubi in acuto morbo, ventre, & lateribus calentibus, caput, pedes, manusq; algent. infirmam autem vitalem vim ostendunt pulsus parui, & languidi; infirmiore adhuc, qui decurtati nuncupantur: exoriuntur enim ea sic morbi vi afflicta; ut neq; leue digitorum onus queat sustinere. ex his tamen deteriores sunt in eodem statu manentes, quam qui reuersionem faciunt: in istis enim facultas se erigit, recreatq; in illis vero iacet. Mali quinetiam sunt inaequales pulsus; ut qui oppressam a morbo succis vim consequantur. Sed inter hos tolerabilius est, si infirmos, & exiles, magni, & vehementes numero superauerint. Si quando quoque aeger grauis sibi videtur reliquo corpore, manibusq; & pedibus; quemadmodum etiam post cibi cupiditatem, postue longas febres hunc fastidire, periculosissimum est indicium; ut, & ultra quam febris magnitudo, aut tempus, vel agrotantis natura; aut aeris temperies; vigiliae, cura, inedia, motus, euidentesque inanitiones; idq; genus reliqua expostulent, emacrescere: partim enim ob vegetatricis potentiae, partim ob mouentis appetitu infirmitatem eveniunt. ea vero deiectio, quæ in febribus frequenti surrectione hominem exagitat, ex malis adaeque iudicariis est: si pariter quod descendit, perliquidum existit, vel albidum, vel pallidum, vel spumans: nocentem enim humiditatem, ut quæ nullis finibus conclusa immoderate fluit, crudam penitus, invidiamq; esse significat. item impense fulua a bile intemperata, puraque; hacque peior viridis ex porracea, vel eru-

Ex fauile
3. prog. 13.
Ex spirati
ne 1. prog. 2.
tex. 14.

Ex decubi
tu ibidem
tex. 16.

Tex. 20.

Ex secreta
ne & tole
rantia 2.
prog. 56.
Ex somno
2. aph. 1.
Ex frigidi
tate excre
morum. 2.
prog. tex. 4.
ex pulsu.

2. prog. tex.
7.

Ex cibi fasti
dio 7. aph.
6. et 2. in
f. dem 33.
Ex corpe
ris macie
ibid. 28.
Ex deiectione
ne. 2. prog.
tex. 14. &
20.

ginosa prodiens. id quoque, quod post has, quemadmodum, & a longis febribus ab vniuersa ichorum admixtione vacuum, fyncerumque excernitur, pessimi morbi, qui ingenitam omnem humiditatem fere consumpsit, est testimonium. Similique ratione exiguum, glutinosum, candidum, aut suppallidum, læueque ex pinguedine ob febris ardorem colliquefcente dimanans. At exigui vomitus inter timoris causas eo sunt; quod quæ hoc modo funduntur, vel non queunt ob eorum abundantiam, inimicamque qualitatem sufferri, vel ob naturam noxia excernere conantem, sed præ imbecillitate nequeuntem. Vbi vero sincera pituita, aut bilis per os eijcitur; hæc intolerabilis caloris, illa vero nimij frigoris sunt argumenta: his autem peiores sunt virides, aut nigra, tamquam ex corporis incendio venientes. Omnes item putidi odores in vomitionibus mali sunt, quod cum ea, quæ in secunda valetudine vomuntur, ne paululum quidem, iniucundum, grauemque odorem oleant ex graueolentia noxios succos a natura multum recessisse connotent.

Vbi quoque post vomitum singultus est, vel oculi rubent, valde auctæ, exaggeratæque sunt cerebri, ventriculiue inflammationes. sed valde flauæ vrinae timorem iniiciunt; quia ignescentem, auctæque bilem sequuntur: duriores his sunt virides, sic a viridi similiter bile colorata: huiusmodi sunt, quæ tamquam nubes nigras, aut ex farina crassiori, vel fursuribus factas, rubeas tamen nobis representant. Durissimæ vero, in quibus similia ad imam sedem descendunt; illæ enim ad summum calorem, frigusue nigrescunt; hæ vero ex tenellarum carniū, aut crassioris sanguinis allatione delabuntur. Periculosissima item sunt tenuia contenta, spumæque speciem præferentia, si in acuta febrī visuntur: notant enim naturam malos humores leui solum brachio mutare. Vbi quoque simili morbo iam progresso, vrina tenuis fuerit, crudum adhuc esse morbum ostendens, periclitatur æger, ne vsque trahere possit, quo morbus decreseat. summe autem mala est tenuis, & perlucida, ex summa pariter cruditate existens. Visuntur vero in vrinis innatantia quædam, veluti aranearum telæ, quales sunt maxime continuæ, atque velamini subtili similes. Interdum etiam feruntur in superficie vrinae quasi puncta olei; quæ cum ex flammeo pariter calore adipem colliquante eueniant, inter graues morbi notas dinumerantur. Periculosum item est ante septimum diem, vel si hypochondrium dextra parte obduruerit, arquatū morbum oriri: hic enim graui icoris morbo, vt inflammationi obstructioni, duro

uc

Ex Regio
morbo. 4.
aph. 62. &
64. 1. de
morb. vul.
sec. 119. 64

de tumori insequens est. releuantur tamen ægri, vbi alia ratione, veluti per vrinas, alui excretiones, sanguinis e naribus effluentiam natura retrimmentum excreuerit. Multum item sudare, maximeque frigido sudore, aut post sudorem inhorrescere, vel habere sudores non per totum corpus æquales asperioris morbi notæ sunt: etenim summam vel humoris copiam, vel reiectricis virtutis infirmitatem ostendunt. Calidis tamen idcirco frigidi peiores sunt; quod ex morbo illi calfacto, exusto, attenuatoque

Ex sudore
4. aph. 42.

hi autem eo adhuc integro prodeunt. si nares æque sanguine stillant, in periculo res est: conata siquidem est natura collectam in cerebro humorum abundantiam

expellere; sed nequiuir. Huius etiam exempli sunt papulæ, quæ malignis febribus incipientibus elucet; neque tamen eas minuunt, aut con-

Ex papulis

ficiunt. inter has tamen peiores, quæ interna occupant,

vel foris faciem, plures paucioribus, maiores minoribus, arduentes pruriginosis, violaceæ rubeis; quæ aluo fluida, reddente, vel vomitu frequenti in conspectum ve-

niunt: aut enim naturæ vires imbecilliores, aut noxii humoris maiorem affluetiam, aut nequiores naturam enunciant.

Periculum autem intendunt urinæ turbatæ, quales iumentorum, si v-

na cum his constiterint: bilis siquidem, & pituita infestum congestum designant.

Sed hæc quidem communes sunt notæ.



ΣΚΟΡΜΑ

Suorum cuiusque morbi signorum quæ metum afferunt
commentatio. Cap. VIII.De pulmo-
nis & pleu-
ritida.

2. prog. 45.

Græuedine
& sternu-
tamento.

2. prog. 49.

Ex alui li-
quida. 6.

aph. 16.

De suppu-
rationibus,


1. prog. 40.

De hydro-
pe. 2. prog.

Tex. 1.

De apople-
xia. 2. aph.

42.



N pulmonis autem morbo, laterisque dolore non procul discrimine æger est; si sputum primis diebus non expuit; si septimo die, ultraue incipit; si agre excreat: tum enim crudior est affectio facileq; accidere potest, ut vi sua hominem præripiat, antequam mitior fiat. Peius vero est, si syncerum editur, vel flauum id sit, vel cruentum, vel album, glutinosumue, ac rotundum, aut viride, & spumans; nigrum vero deterrimum: illa enim torrerit noxios succos, hoc vero allatos iam esse demonstrat. Quauis autem secretio in vniuersum dolorem non minuens, ut ex decretoriis, quæ adiumento non sunt, terrere debet. Neque in pulmone grauedo, sternutamentumque (quamuis alias consolationem afferat) metum leuant; quin potius maximum faciunt: tantum enim id malum dilatatur, ut noxam cerebro etiam impartiat. Huiusmodi est aluius liquida, si memorata vitia sequatur, ob affectionem ventriculo, aut iecori communicatam eueniens. At inter suppurationes grauissimæ sunt, quæ intus eruptionem faciunt sic, ut externæ quoque cutis colorem vitient ex his autem, quæ foras exeunt late patentes, æquabilesque deteriores: augentur enim illæ amplæque fiunt, ad nobiliores sedes sese vertentes: hæc vero a primo satū grandiores ex crudioribus humoribus procreantur. Hydrope quoque ex morbo acuto orsus, raro, insolenterque ad salutem redit: huius siquidem mali causa in iecoris, ventriculi, aut tenuium intestinorum graui inflammatione consistit. Vbi pariter neruorum resolutio totum corpus infestat, quamuis mediocri sit, vix aliquid spei relinquit. Ut enim agre, tardeque crudi, crassique humores idipsum efficientes discutiuntur, sic ipsi pectus motu priuantes, vitam festinatione præripiunt.

Signorum nullarum partium imagines. Cap. IX.

Ex sudore

4. aph. 31.

Ex abscessi-

bus apho.

51.

2. aph. 28.



N T E R hæc autem interiectus est sudor, qui febri non exhaurit, aut ubi frigidus in febre non acuta emanat; vel, quod inter febres abscessum fecit, ad sanitatem non reducitur; aut cum æger pro tempore leuiter extenuatur; vel ubi corpus modicis interuallis

uallis friget, caletque, aut varijs coloribus inficitur: hæc si quidē multorum, crudorum, dissimiliumque humorum indicia cum viribus infirmis futuram mortem cum valentibus salutem prænuntiant. Inter magnum quoque, pusillumque morbum sunt febres quotidie eodem tempore reuertentes, ex frigida, vel saltem crassa materia, quæ difficulter euincitur, enatæ. Si autem, supinus ager iacet porrectis manibus, & cruribus; sique pulsus nec tactum fortiter impellunt, nec ab eo retardantur; cum graui morbo hominē periclitari cum miti uero in bona spe esse argumento erunt: illud quidem impetu animi mouentis facultatis, hoc vero vitalis medias vires attestando.

4. aph. 42.

De febre 4.
aph. 30.

Ex decubitu. 1. progn.
tex. 14. ex
pulsu.

Imperniciosi indicij communibus exercitatio. Cap. X.



T certæ mortis notæ sunt inter morbi initia nares acutæ, oculi caui, lapsa, contractaque tempora, frigida, in angustumque deductæ aures, infimisque partibus flexæ, cutis circa frontem dura, & tensa, color, aut niger, aut viridis: hæc enim forma (nisi externa res eam exprefferit, ut vigilia, fluens alius fames, huiusmodique ex quibus interdum existit, sed vno die finitur) & summi index est mali (ignei nempe caloris carneas, humidasque spirituales partes consumentis) & summa ingeniti caloris egestatis, ut qui ad extremas regiones non diffunditur, sed in medijs inhaeret. Quæ admodum enim humida, mollioreque portione dissipata terrestris, & ossæ mortis imaginem repræsentat; sic insiti caloris interitu remota membra algent, decoloranturque. verum in morbo triduanus, aut vetustior, præter hæc alia quoque signa sunt consideranda, potissimum autem, quæ in oculis apparent: hi enim totius corporis conspirationi consentientes non ægre illius affectionis participes facti; eius notas, & signa continuo deferunt; si igitur lucem fugiant; si contra uoluntatem illachrymant; si alter altero minor fiat; si in ipsdem venulæ liuent, aut nigricant, pituitaque ab his defluens angulis adhæret; si in somno palpebræ non coniunguntur, sed inter has ex albo oculorum aliquid uisitur (nisi alius sponte, aut medicamento fluxa causam dederit;) si eadem, labra, & nares liuent, (quæ propter ultimam virium debilitatem obtingunt,) si oculi valde subsident, aut in tumore sunt, vel alba pars rubescit, sique iidem, aut palpebræ, aut nares, aut supercilia cōuelluntur, quæ amplissimorum malorum uestigia sunt, interitus periculum

Ex facie
1. progn.

Ex oculis
1. progn.
tex. 10. &
11. & 12.

Ex sensu 4.
aphor. 49.

Ex decubi-

tu. 1. progn.

15 & 17.

Ex ore. ex

spiratione

ex ulcere

Tex. 17. 22

& 24.

Tex. 18.

Ex gestu-

latione ma-

num. ibi d.

Ex spiratio

ne Tex. 24.

Ex capitis

dolore 3.

progn. Tex.

11.

Ex paritiu

internarum

ardore &

externarum

frigiditate

4. aph. 48.

Ex colli per

uersione

aph. 35.

Ex tumore

hypochondrii

1. progn. 29

Ex somno

2. aph. 1. &

4. aph. 67.

periculum ostendunt. Cum uero eger non audit, uel non uidet neque id, humoribus, aut uaporibus ad caput sublatis, sed ob imbecillitatem eueniat in proximo mors est. sed nec is in uita manere potest, qui ad pedes delabitur; aut ubi dormiens continenter hiat; ubique ungues, digitique liuent, frigidusue est spiritus; aut cum ulcus, quod ante, aut in ipso morbo natum est, liuidum, & siccum, aut pallidum, & siccum existit: summæ enim hæc aut animi, cuius munere mouemur, aut uitalis potestatis, aut naturæ infirmitatis sunt argumenta. illa pariter mortis sunt indicia. supinum cruribus admodum contractis, distractisque cubare, in acutaq; febris, uel phrenitide, uel pulmonia, capitis uero dolore manus ob uultum ferre, aut frustra uenari muscas, festucasque colligere, uel e ueste pilos euellere, aut in proximo pariete stipulas carpere, uel etiam, cum falsis his uisionibus uehementer intentus, earumq; actionum, quæ propter uitæ necessitatem sunt, ueluti oblitus spiritum magnum quidem, sed ex multo interuallo trahit: grauissimi siquidem, perniciosique sunt hi morbi, qui tantam cerebri offensionem concitant, ex qua tam ualde ægri desipiant. Capitis item dolores uehementes, & continui cum febris, si una etiam aliquod ex lethaliibus signis exstiterit, ob maximum cerebri damnum euenientes inter huiusmodi indicia recensentur. Tam quoque pestiferum est si, febris non quiescente, exterior pars friget, interior sic calet, ut etiam sitim faciat: maxima si quidem in nobilissimis internis sedibus, inflammatio subest, quæ, quasi cucurbita, totum fere ex proximis partibus spirituum, & sanguinem allicit, non sine etiam naturæ, quæ solidis corporibus hæret, interitu. Is, quoq; cui uehementer febricitanti collum repente sic peruertitur, ut uix possit deuorare, nullo tumore neque in faucibus, neque in ceruice apparente, e uita cedit: id enim euenit, conuulsis neruosis partibus, quæ ad gulam sunt, irreparabili humilitate a febrili incendio dissipata. Pestiferus item est durus, & dolens tumor, qui in uniuerso hypochondrio inest: notat enim iecur, uentriculum, lienem, quæ sub cartilagine sita sunt (membra ob maximum, quem cum corde ineunt consensum, nobilissima) graui inflammatione tentari. Perniciosus quoque est somnus, qui incommoda, ut neruorum distentiones timores deliria somnificas affectiones, febrium, dolorumue incrementa excitat; siq; maxime in accessionum remissione id fecerit: eo enim tempore insitus calor ad interna collectus, ubi noxias causas non subigerit, quin potius augeri permiserit, qui de ægri salute non desperabimus: sic enim sortes, inuictiq; sunt noxij succi, ut nec omnibus naturæ uiribus cedant; sed uel magis effervescentes, tetræ exhalationibus illu-

stres

stres partes inficiant, uel furētes ad eadē impulsī, morbosos affectus longe, lateq; diffundant. Cēterum, neq; is seruari potest, qui dentibus stridet; nisi id suæ consuetudinis sit: significat enim summum esse cerebri ardorem, cuius cōsensu maxillarū musculi torrentur, conuellunturq;. Quod si, qui id efficit, mentē iam amisit, cum, & extrema morbi uis, & ultima infirmitas coitionem faciant, in propinquo mors est. Eadem quoq; ratione arteriarum motus qui etiā, quod diu tractentur, imbecillimi, creberrimi; sentiuntur, non procul a supremo die egrum abesse denunciant. At minimi, qui perpetuant, uel prorsus deficiunt, seseq; non colligunt, adstricta, prostratq; uitalis facultatis sunt indicia. Tardissimi autem una & languidi, rari quoq; si in maligna febre uisuntur, cum refrigerente nativo calore eueniant, dissolutionem adēque naturę designant. Hos sequuntur interrupti; qui cum motus sint cessationes, mortis imaginem referunt. Ex istis tamen deteriores illi sunt, qui in uno pulsu, ex quibus etiam est Caprizans uulgo nuncupatus, quam in pluribus intermittentes: in his enim natura simplices saltem motus efformat, in illis autem, ne eos quidem; sed statim opprimitur. atq; tales in iuuenibus, ut quorum uitalis facultas est præpotens, rata interitus indicia existunt. ubi tamen plurium ictuum est inter capedo, nec ullus cuiusuis ætatis euadit. At, is cui in morbi principio, uti sanguis niger per aluum profluxit, aut atra bilis supra, uel infra se ostendit, in nulla spe salutis habetur: hos enim humores tunc temporis natura extra corpus, non ex proposito præcipitat; sed quia ad id, uela ualde hostili qualitate impellitur, uel quia præ nimia infirmitate nequit detinere. Vter uero illorum si deiectione effundatur, corpore iam ex quouis morbo attenuato, summo mali impetu, summaque imbecillitate congregientibus, proximus est uitæ occasus. Alius quoque uiridis, uel nigra, uel pinguis, uel liuida, quibus insuper ualde grauis odor adiugitur, effrenatę morbi uolentię est testis; sed hæc proximum exitium affert. Paulisper autem differt uaria, quę strigmentum, sanguinem, bilem uiridem, atramq; modo diuersis temporibus, modo simul, & in mixtura quadam, discreta tamen, emittit: in hac enim diuersorum humorum confusione mitiores asperiorum malignam qualitatem obtundunt. At uomitus pestiferus est, qui uariis est, & multorum colorum, plures itidem succos, quasi multos hostes ostendens. In præcipiti uero iam esse denunciat liuidus, si grauitè oleat: indicat enim & pessimam humorum affectionem, & innati caloris interitum. Vbi pariter urina fuerit nigra, crassa, maliq; odoris, flamma febrilis ex insigni putredinē orta totos humores fere consumpsit.

H hæc

Ex frigore
dentium. 1.
progn. 21.

Ex pulsa.

Ex deiectione
nib. 4. aph.
22. & 23.

2. Prog. 21
& 27.

Ex uomitu
ne ibidem
Tex. 4.

Ex urina
Tex. 32.

Ibidem.
Tex. 28.

Ex sudore
1. prog. 26.

hec tamen in uiris, & mulieribus ceu dissimillima, ut quibus a natura tenuis existit, deterrima est. in pueris uero, si acuta febris laborauerint, tenuis, & diluta: hæc enim, cum ea quæ secundum naturam est crassior existat, in magna cruditate esse consuevit. pessima quinetiam est, in qua laminis, aut furfuribus similia subsident. mortifera autem præcipue, quæ similæ speciem gerunt: eueniunt si quidem hæc ardentissimo calore e solidis partibus, primum quidem laminis, folijsue similes portiones, deinceps quales crassiusculas furfures, posthæc ad crassioris farinæ formam corradente. Minus malum est, quamuis & id lethale, si duras carnes depauerit: tum enim dissecantur frustula quædam erui similitudine, quæ ima sede consistunt. cum peste quoque proficiscitur sudor (etsi calidus) qui in acutis febribus circa caput tantum, & ceruices oritur: hic enim fluit, uitalibus spiritibus ad interitum ruentibus: æque uero exitiale signum est, frigidus in eodem morbo, quamuis toto corpore erumpat: monstrat enim innatum calorem, simulq; & febrile interire. censetur uero omnium deterrimus, ut prostrata iam natura, exoriens, qui & frigidus, & circa caput tantum, uultum, ceruicemq; apparet. Ex horum etiam numero est atrii sanguinis stilla, præcipueq; in ardente febre, tamquam ex succis summe tostis, in atramque bilem uersis, naturæque summa infirmitate proueniens. Abscessus item, exanthemataq; subsidentia, cum ex sedibus, quæ extra sunt, ad internas nobilissimas retrocedant, interitus periculum afferunt, sed hæc omnibus malis, aut plerisque communia sunt.

Propria indicia perniciofa.

Cap. XI.



De Angina
3. Progn.
Tex. 16.

De Pulmo-
nia & ple-
uride 3.
prog. 16.

NGINÆ uero proprium, peculiareq; est, si nec in ceruice, nec in faucibus conspicuum aliquid ederit, multumq; doloris effecerit; sique spiritus nisi erecta ceruice trahatur, in breui necē afferre: ex his enim ea gutturis inflammationis granditas indicatur, quæ paullulum ingrauescens, animam est interclusura. In pulmonis quoque morbo, laterisq; dolore nigra scretio, quæ dolorem nō mitigat, uniuersam salutis eripit expectationem: assatos enim esse penitus noxios succos ab aduentitio calore demonstrat. sputum pariter biliosum, & purulentum, ubi memorati affectus suppurauerint, siue separatim ista, siue mixta proueniant, mortis est nota: notat enim mali humoris crudissimam, ueneficamque portionem superesse.

peresse. Mors quoq; sequitur, si ne rupta quidem uomica, aut pure effuso febris desierit, aut quamuis quieuerit, redit tamen: itemq; si egri sitiāt; si cibū auersantur; si aluus immoderatus fluit; si pus, est liuidum, aut uiride; aut nil e pectore, nisi pituita spumans educitur: hæc enim omnia, ut iam est ostensum, uel uehementissimam egritudinem, uel cadentem naturam designant. In tabe itidem ubi capilli defluunt, ubi spiritū grauem olet odorem, maximeq; ubi posthæc orta alui deiectio est, aut ex toto spuere desijt, mors est p̄p̄inqua: ex his enim maxima uirium imbecillitas significatur. At tenuioris intestini morbo si uomitus, delirium, uel neruorum distentio accesserint, si lateris dolori pulmonis inflammatio, huic autem si phrenitis, iecoris vero inflammationi singultus; magnos hos affectus adeo auctos esse significatur, ut inde certum periculum notetur. illi quoque ea de causa intereunt, quibus e iecore, dum vruntur, aut secantur, quasi amurca effluxerit. Exitiaia similiter sunt tormenta ab atra bile, tamquam a pestifero succo, exorta. in eodem quoque morbo si febris interuenit; si inflammatio iecinoris, aut præcordiorum, aut uentris, si immoderata sitis, si uarij humores excernuntur; si summi dolores, cruciatusque accidunt, ob uitij uehementiam salus est desperanda. puerique maxime usque ad annum decimum intereunt; relique uero ætates facilius id malum sustinent. Diffidimus æque in leuitate intestinorum, si æger continuo, diuque afflictatur; si uenter omnibus horis nocte, & die profluit; si deiectio ualde cruda est, aut nigra, adhæcque leuis, & grauis odoris, si molesta est sitis, neque a potione urina fit; si os exulceratur; si facies rubet, & maculis diuersorum colorum notatur; si uenter est mollitus; sordidus, ac rugosus; si neque ægri appetant, neque sua munia exequi possint. eo autem longius a spe absumus, quo illi seniores existunt. Insanabilis uero est aqua inter cutem, quam diuersa ab his, quæ in bona spe eam esse supra monstrare diximus, indicia subsequuntur. Tusis quoque si adiungitur, spem tollit: tum enim id uitium radices agit, propagaturque. hi pariter, quibus liē per multos dies eger est, in perditis habentur, si diu torminibusprehendantur. ex his enim factis infirmis intestinis, aut iecinore debilitato, leuitas intestinorum, aquaue inter cutem oriens mortem affert. A profluuio autem sanguinis, si æger delirat, neruisque distenditur, certa est desperatio: altius enim ingeneratus humor est exhaustus, viresque infirmata, quam ut refarciri, restituique possint. Qui quoque per omnia membra uehementer sunt resoluti, sic ut stertant, intra septē dies pereunt; nisi febris subsequens noxios humores discutiatur: hinc enim ea morbi granditas notatur, quæ spiritus magnam angustiam

H 2 efficiens,

De tabe.

De uoluntate

7. aph. 10.

De lateris

dolore pul-

monia & ie-

coris inflam-

matione ibi.

11. 12. 17.

& 45.

De Dysente-

ria. 4. aph.

24. & 2.

præd.

De leuitate

intestinorum.

2. præd.

De hydropse

ibidem.

De lienosis

6. aph. 43.

De sangui-

nis proflu-

uio. 7. aph.

9.

De apople-

xia. 6. aph.

51.

De vesicæ
inflammatione. 2.
progn. 21.

De doloribus
qui circa lumbos
infeſtans.
tex. 70.

De dolore
Aurium.
2. progn. 13.

efficiens, celeriter hominem rapit. Vbi etiam in vesicæ regione tumor est, ingēsque dolor; si continuata febris accedit, aliusque dura, eaque nisi coacta reddit; is morbus mortiferus existit: summa enim est illius vis; tum quia longe, lateque porrigitur; tum quod ea est affectæ partis natura, ut facile grauem eam affectionem insignibus membris impertiat. Dolores etiam, qui una cum febre circa lumbos, inferasque sedes affligentes subito desinunt, ad præcordiaque ascendant, si terribilium signorum comites erunt interitus periculum afferent: deportantur enim noxij succi ab obscuris partibus ad præcipuas, qui eas pessundant. Auris quoque dolor acutus, cum febre continua, ac vehementi, pestiferus habetur: delirij enim, & mortis minas iactat, vehementissimus siquidem ab ortu hic morbus existit, utpote feruens, non obscuræque regionis, quippe nervi cerebro proximi vexator; quæ ad fortissimi vitij summam euadunt. Sed quia lubricum est id præsagium, attendenda pariter erunt alia indicia. hoc autem malum iuuenem septimo die, citiusque occidit; senem vero tardius: hic enim, cum minus febribus, delirioque tentetur, ut qui frigidos succos habet, contra illius iniuriam diutius obdurat. Verum exitiosorum signorum concursus, quæ in pestilentia quadam morituris oriebantur, pulchre Lucretius hoc carmine cecinit:

Multaque præterea mortis tum signa dabantur
Perturbati animi; mens in mæiore, metuque:
Triste supercilium; furiosus vultus, & acer;
Sollis ite porro, plenæque sonoris aures;
Cribet spiritus, aut ingens, raroque coortus;
Sudorisque madens per collum splendidus humor;
Tenuia sputa, minuta, croci contacta colore;
Salsaque per fauces rauca uix edita tussi;
In manibus uero nervi trahere, & tremere artus,
A pedibusque minutatim succedere frigus
Non dubitabat. item ad supremum denique tempus
Compressæ nares; nasi trimoris acumen
Tenue, cauati oculi, cana tempora; frigida pellis,
Duraque, in ore iacens, rectum frons tenta mecabat,
Nec nimio rigida prostrati morte iacebant.

Sunt

Sunt igitur hæc cuiusvis signorum generis exempla, a quibus uir prudens, & solers excitatus, innumera uel obseruatione notabit; aut uirorum illustrium animaduersione notata, facile colliget, sub unoque subijciet aspectu.

Signorum Vfus. Cap. XII.



HUIUSMODI igitur singulaq; in ægris erunt accurate animaduertenda; neque quidquam, etsi minimum, tenueq; uideatur, dissimulandum: ex horum enim accurata animaduersione, non solum quinam e morbo euadent, quiq; extinguentur; uerum etiam stata salutis, mortisq; spacia prope diuinabuntur: ubi igitur ægrum in serijs saltem grauibusq; rebus sui similem prima die reperierimus, nihilq; adesse, quod nobis terrorem iniiciat (cum hinc significatio fiat & infirmissimi affectus, & firmissimæ naturæ) non modo conualiturum, sed insuper breui tempore, primo scilicet quaternione, dubio procul expectabimus. Contra uero mortiferis dissimilissimisque notis ex omni parte elucescentibus, quid aliud quæso ex his, tamquam grauissimum morbum, ultimamque infirmitatem indicantibus, quam exitium idq; primo pariter quaternario coniectabimus? At utrum quarto die, qui ex primo naturæ instituto decretorius existit, uel tertio anticipante, aut quinto excipiente, hi fines sint uenturi; accessionum forma, pugnantiumque acris, lenisue contentio, ut proximo libro ostendimus, aperte ferent: siquidem, si morbi sine ulla commotione, continuato, similiq; cursu transigentur; natura tunc proprijs periodis eos uoluens, quadriduo conficiet: quod si tertio quoq; die agitati accessionem fecerint, optimis indicijs ad bona aut perniciosius potius ad mala accedentibus (quæ morbi, aut naturæ occasum subesse denūciant) tertio die extrema persequentur; quinto autem his in eodem statu subsistentibus. sic ergo summa, asperimaq; uitia desinent; at molliora non tam angustis, sed latioribus finibus continebuntur. nā, ubi prima dies non saluberrima quidē, aut pestifera signa, sed simpliciter bona aut mala attulerit (cū non æque magnam

magnam hi certatores eo tempore vim habeant) diutius se sustinebunt, pugnaeque exitum usque ad secundum quaternionem producent. ultra autem non esse progressuros, inde assequemur; si optima iam memorata indicia, aut contra maleficientissima quarta die, quae est septimi index, euenerint: ea enim vel morbi solutio nem, vel naturae dissolutionem prope accedere declarant. Verum septima ne, an sexta supremi sint futuri ad modo expressam regulam pariter iudicabitur: ubi enim morbi imparibus diebus, grauiore fieri consueuerint, septimo, paribus vero sexto, maximeque tertio die, & quarto mortiferis signis auctis, multiplicatisque conficientur. Quod si ab initio, nec bonae, nec malae spei notae comparuerint, sed ancipites, neutraeque vocatae; sub his non erit facile praesentire, an morbi ipsi finiantur, vel potius interimant; quin incertius adhuc erit spacium, quo hi exitus eueniant: similia siquidem, cum sint eorum initia, obscurum etiamnum est, in quam partem se voluant; & celerit ne, an tardo cursu moueantur. animum itaque attendere oportebit singulis additis quaternionibus quonam se conuertent; neque enim id mente comprehendere difficile erit: nam si quarta die, quae diximus, vestigia videntis naturae, aut morbi expressa fuerint; vndecima aegrum conualiturum, aut moriturum non temere expectabimus; idque futurum magis confidemus, cum septima, quae vndecimam indicat, ea signa aucta, exaggerataque fuerint. Tandiu ergo differenda erit praedictio, quamdiu futurae incolumitatis, exitique significationes tectae, obscuraeque manebunt; quas, cum in acutis, quaterniones, in medijs septeni, in diutinis autem viceni producant, in singulis eius generis morbis illi dies accurate obseruabuntur, plurimique fient. At si & fausta, & horribilia signa simul emerferint, inuoluta magis res erit, maioremque afferet dubitationem. iterum ergo ratione, & animo lustrandum, numquid haec indicia numero, vique paria, vel imparia potius existant: ubi enim equalem vim, simileque pondus habere comperta fuerint; tunc, cum ex eo aequalis pugna, ancepsque fortuna designetur, haud temere, inconsiderateque praedictio est effutienda, sed usque reseruanda, quoad vnius generis signa accrescant, alteroque superiora euadant: eo enim tempore in quam partem victoria inclinet, apertum, perspicuumque fiet. Verum, si pugnae huius spacium praesentire in animo erit, altius rem intueamur diligentiusque meditemur oportet, quantum vnius speciei notae excedant, emineantque; ex certaque exsuperantia id erit colligendum: tantum enim salus, aut mors in longius ducetur, quantum aut mala magni morbi, vel infirmæ

firmæ naturæ signa malorum dissipationi, aut bona mitiorem affectum, robustioremque naturam describentia, naturæ exitio quasi obistere fuerint inuenta. Ad hæc igitur instituta, communesque regulas salutarium terribiliumque signorum usum, quem frequentem huius rei magnitudo desiderat, subibimus: certas enim, præfinitasque prorsus præfagiendi rationes assidua exercitatio, multaque in artis operibus meditatio suppeditabit.

*Notæ ad horam mortis prævidendam.**Cap. XIII.*

AD horam autem mortis præsentendam, quæ res in maxima gratia est, & gloria; cum verisimile sit eo tempore hominem e vita migraturum, quo a morbo maxime opprimitur; erit animaduertendum; in qua potissimum accessionis parte grauis, insensusque existat: nam, si ea inuadente, æger adeo refrigescat, ut vix ad calorem possit reuocari, diuque sine calore persistat; arteriarum autem percussio exilis, aut nulla, vel mala tactu percipiatur; pigerque legnis aut somniculosus appareat; ea maximè hora morituræ suspicionem habebimus. quod, si id quidem accessionis, spacium temperatum, miteque euenerit, status autem tempore grauis somnus, aut inquietatio hominem præhendat, insignisque ardor torreat; sique caput, aut cor illi doleat; id extremum vitæ tempus futurum esse in opinione erimus. verum, si horum nulla compareat, sed commotione declinante, animi defectio, sudoresque frigidi, vel e pectore solum, et ceruicibus, aut e capite prorumpentes, pulsusque exigui, & imbecilles appareant; tum è vita discessurum non leui suspicionem attingemus.

*De iudiciarijs signis.**Cap. XIIII.*

SALUTARIIBVS, mortiferisque signis hæcenus expositis, iam, quemadmodum in decretorijs notis versetur, paucis differendum. igitur hæc cum (vt superius volumen ostendit) ex morborum, qui ex humoribus fiunt, magnitudine, forma, natura forti, vt efficiente, præterea ex illius propensione, & apparatu dimanent (etsi hæc postrema veluti propria, & quasi

quasi germana sola decretorum nomen obtinuerint) ad hæc initia, vaticinationes quas de his Hippocrates edidit, referentes, nō modo huius artis vsum, verum & scientiam (vt maxime res ferret) aucupari conabimur.

Futuri vomitus indicia. Cap. XV.

Ex Hippo-
crate 3.
prog. 30.

N salutarī ergo febrī si caput in dolore erit; sique deinceps tenebricosum aliquod oculis obuersabitur; & stomachus, quasi morsus dolore, afficietur, biliosus vomitus eneniet: sunt enim hæc vergentis bilis ad eam regionem indicia. caput siquidem dolet, vaporibus a bile illuc inclinata excitatis, eius naturæ continuationem tensione, caloreque interrumpentibus: oculis obscura simulachra representantur, iisdem cristallinum humorem insipientibus: cor autem tristi sensu afficitur, eodem humore idipsum excruciente; hæc tamen in terribili morbo, vel nullum, si natura languet, vel prauum, si viget, iudicium præsignant. Idem quoque vertigines internascentes, inferiusque labrum tremens ostendunt: voluntur enim cerebri spiritus ab eadem exhalatione, commoti, agitatique: labrum vero contremittit; tunica, quæ ipsi, & ventriculo communis existit, (vt nocentem bilem eiciat) tremulo quodam motu quassata. Tenuis item, multæque salivæ effluxus vt ab iisdem humoribus, ob eandem tunicæ continuationem in os ascendentibus proueniens, idipsum præmonstrat. Pulsus quoque altus, & vehemens, vt in vniuersum assurgentis naturæ index, si præterea durus existat (quod euenit ore ventriculi naturæ consensu arterijs ipsis iniuriam faciente) huic præfensionis testimonium tribuet. Cæterum occlusus huiusmodi excretio eueniet, si æger rigore prehendi incipiat, inæque iam hypocondrij partes algant: ex his enim non sola naturæ inclinatio, sed conatus, incæptioque monstratur: fit siquidem rigor bile multum impulsæ, agitataque; frigiditas autem tota fere natura ad superas regiones commota. Quam celerrime vero voment ægri, si per id tempus aliquid escitauerint, aut biberint: ingestus enim cibus, vel potus vna cum bile corruptus, acrius ventriculum ad id munus exequendum impellit. interuenit autem id potissimum ætate progressis, cum tertianis febribus laborauerint; bilioso siquidem humore hi maxime cumulantur: iunioribus autem rarius; nisi eodem morbo sed

fed sincero, alijs uero acutissimis malis teneantur: sanguine enim isti magis, quam bile abundant.

*Venturi profluuij sanguinis e naribus
argumenta. Cap. XVI.*



SANGVINIS e naribus profusio illustris, famosa-
que crisis adueniet, ubi eius generis febris dolor in
gens frontem, & tempora affliget; pro tenebricis
spectris caligo, splendidae uero imagines ante oculos
versabuntur; pro morsu uero ventriculi in hypo-
condrio dextra, aut sinistra pars sine dolore, aut inflammatione
extensa fuerit: ex his enim huius humoris multitudinem sursum
ad caput vergere significatur. id autem iuuenibus ut qui sangui-
nis magnam habent copiam maxime eueniet: nec non iis, qui in
simili febris, praecipueque ardente contra voluntatem lacrimae ef-
fluunt. Dolor pariter colli, temporumque grauitas, quae cum
memoratis notis, aut cum rubore oculorum, maxillarum, narium-
que apparent, id ipsum ea ratione praenunciant. Pulsus quinetiam
alti, & magni in distentioneque celeritatem adhibentes; tamquam
naturae ad corporis ambitum nocua eiicientis, indices inter haec si-
gna connumerantur.

Futura crisis per sudorem indicia. Cap. XVII.



QUOD si pulsus alti, & magni, in distentioneque ce-
leres undosi insuper videantur, arteria mollis, ac ve-
luti humecta sentiatur, prurigo, & mollities, in-
terdumque rubor in toto corpore nascatur; mor-
bus sudore exhauriatur. In febris item ardente, il-
lius iudicio appropinquante, ubi nulla ratione alius, urinaque
supprimatur; aeger rigore corripietur, qui nullis harum excretio-
num neque vomitus, aut profluuij sanguinis notis substantibus, fu-
turum sudorem indicabit. nihil autem res habebit dubitationis;
si, cum accessio constiterit, aegri mente moti fuerint, extraque cali-
diores facti, uapor quidam, qualis recenter lotis consuevit, e cor-
pore eruperit. Inter haec quoque sunt somnia ad balnearias res,
ut sudori similes, attinentia: anima enim in quiete sensibus, cu-
risque vacua, pulsu imaginum, quas corporei affectus etiamnum
pullulantes,

*Ex Galeno
3. de Chri-
stib. cap. 11.*

pallulantes exsuscitant, eiusdem speciei uisa intueri sibi uidetur.

Iudiciorum ad inferas partes significationes. Cap. XVIII.

Ex Galen.
3 de crifib.
cap. 11.



QUATERVM, cum nullę sint naturę deorsum noxios succos eijcientis certę notę, probabiles aliqua coniecturę & rationes erunt eliciendę. ubi igitur futurum quident in vniuersum iudicium cogitatione præceperimus: nulla autem vomitus, aut fluxus sanguinis e naribus, vel sudoris notę comparuerint, ad inferas partes erit expectandum. verum, cuiusmodi sit venturum, non alijs regulis, quam mox dicendis, interstinguetur: menstrua enim effluent illis mulieribus, quibus grauitas lumborum insignis, imique ventris, & dolor, & tensio diuexant, hemoroides ijs fere solis, quibus ea excretio suę consuetudinis est; at deiectiones, si nulum horum interuenerit; sique illę iam accrescere, nec minimeque vrinę diminui inceperint. hæc enim naturam ad eam regionē vergere significationem faciunt.

Euenturi abscessus insignia. Cap. XIX.

Ex Hippo-
crate. 3.
prog. 23.



VERVM si febris, quę continuat, vltra vigesimum diem non ex dolore, aut inflammatione, manifestaue causā protendetur; sique vrinę perpetuo tenues, & crudę fient, abscessum efficiet: tum enim magna est, longaue sit ob humores crudos; & crallos; qui abscessibus (vt diximus) causā præbent. In primis autem oculique nondum trigesimum annum agentibus accidet; minus autem senioribus: illi enim viribus pollent, quas ad id genus humorum eijciendum necessarias esse supra explicuimus. Cæterum ad superas sedes, ad aures scilicet, venturus expectabitur; ubi obortam repente disicilem spirationem dolor, grauitasque capitis, profundus somnus, surditasue consequentur: ad infernos vero articulos, si & morbus diuturnior exstiterit, circaque partes illas, vel grauitas, vel tensio, vel calor, vel dolor (humorum ad eas tendentium argumentum) eluxerint.

CELSI

CELSI
MARTINENGI
DE PRAEVIDENDIS
MORBORVM EVENTIBVS,

LIBER TERTIVS.




Praefatio.

UNIVERSALIBVS vijs, communibusque praec-
 ptionibus, quae ad vniuersam praefagiendi rationem
 attinent, iam expositis; nobis nunc munus susce-
 ptum explentibus istorum omnium vsus est subeun-
 dus, in singularibusque ipsis periculum faciendum.
 Quamuis enim instituta haec certas vias dent, rationesque praesa-
 giendi; nemo tamen vel magno praeditus ingenio, innumerabili-
 busq; praecceptis eruditus, sine frequēti exercitatione absolutus um-
 quam artifex euadere, quidquamue magna laude dignum conse-
 qui poterit. praeterquam quod & haec, ceu vniuersalium exempla, il-
 la magis confirmabunt, stabiliēq;. Aegrorum igitur historias ab
 Hippocrate memoriae proditas assumentes, iterum in illis velut in
 veritatis luce, Cognitionis Cruditatisque indicia Decretoria, & quae
 Pathognomonica vocantur, contemplabimur; inter haecque metu
 vel periculo vacua, tursus terribilia, mortiferaue, eaq; tum pura, tum
 mixta intuebimur; ex quibus deinceps morbi, naturaeq; vires, ho-
 rumq; quo alter altero sit fortior, elicientes, ingenii aciem ad salu-
 tem, vel exitium, earumque fatales terminos diuinandum exa-
 cuemus.

I 2 Aegrotus

*Aegrotus vi. tertio Epidemiorum libro post tempe-
statem descriptus, Cap. I.*



PERICLEM *Abdere febris corripuit acuta, continua cum dolore; multum suiebat; fastidiosus erat; potum non poterat continere; erat sublienosus, grauatoque capite. Primo die ex sinistra nare sanguis serupit multus tamen febris increfcebat: minxit multum, turbatum, album; reposita vrina non confidebat. Secundo die omnia exacerbat sunt: ac vrine crassæ quidem erant; verum magis subsidebant: fastidium leuatum est; dormiuit. Tertio febris emoluit a fuit: vrine multa, & concocta; in quibus multum subsidebat: nocte quieuit. Quarto circa meridiem sudor prorupit toto corpore multus, & calidus: sine febre indicatus est; neque redijt.*

EXPLANATIO.




NARRATVRVS Hippocrates morbi, naturæque pugnam, iure quales essent ab initio morbi conatus, exponere incipit. quantum autem roboris in natura eo tempore existeret; vt quæ singulare quiddam, rarumq; haud haberet, ea breuitate, quæ in antiquorum cõsuetudine fuit, silentio obuoluit. **PERICLEM febris corripuit continua, acuta.**] Ambigua, multiplexque apud Hippocratem est huius nominis significatio. interdum enim id, quod acris, mordaxque, sonat; vt tertio, sextoq; de morbis vulgaribus liquet. quibus locis febres mordaces, acutas nominat: nonnumquam autem, quod impetu, magnaue celeritate suum cursum cõficit; veluti de Ratione victus in acutis morbis vsurpat. ad quamlibet autem harum notionum illud traxerimus, magna morbi vis eo nomine notatur, grauis enim est acris, aculeataque febris, vt quæ calidioris, immoderateque bilis exhalationem insequatur: terrorem quoque facit violenta, incitatoque motu irruens: cum, & cor nobilissimam sedem magna, continuaque molestia diuexet. hinc Archigenes clarissimus medicus non alia descriptione illius generis vitia signabat, quam quod incitata conuersione .

*Señto 3.
72. & 74.
6. eiusdem
señto 1. sex.
28.
1. de Rat.
vic. in ac.
m. 7. 8.*

uersione momentum haberent, minasque iactarent. Hippocratesque pariter eos effectus acutos dicebat, qui non interrupta febris hominem vexare, et vitæ eripere consueuerunt. **Cum dolore.** Non erat sane hic dolor proprium, perpetuoque inhaerens huius mali signum sed assidebat, illius pariter vehementiam ostendens, nimium scilicet ardorem, naturæ continuationem diuellentem. **Multum sitiebat; fastidiosus erat: potum non poterat continere.** Eius generis ista quoque sunt ex putrida bile ad os ventriculi diffusa enascentia. hæc igitur erat oriens, primæque vis morbi. **Erant subleues.** Non uno morbo, sed duplici Pericles tenebatur: durum enim pariter iamdiu lienem habebat. sed huiusmodi vitium vitæ periculosum esse non admodum consuevit. neque enim pars oppressa suo munere insignis existit; neque morbus veluti frigidus nisi raro, in multisque diebus ad præcipua membra dispergitur. **Gravatoque capite.** Composite rem enarrat. ut enim multa sitis, nullaque cibi cupiditas, potusque vomitio febris granditatem; sic grauitas capitis lienis vitium consequebatur: decretorium enim illius erat indicium, sanguine ex liene ad caput transfuso proueniens. **Primo die ex sinistra nare sanguis erupit multus.** qui ergo lienem offendebant humores sanguinis profusione, eaque e nare sinistra eiiciebantur: dextra enim dextris, sinistraque sinistris cognatione continuata conspirant. **Tamen febris increfcebat.** rudi, indoctoque medico timorem forte fecisset id febris incrementum; ut quod ab ea inanitione veniret; verum gnari; scientisque curam contra potius aliqua ex parte leuasset: hæc enim haud erat nata tollere, minueret febre, sed lienis affectionem. febris autem non ideo augescebat, quod grauior euaderet, sed quia ætate procedebat: maiores enim dolores, & accessiones adueniebant, natura coctionis rudimenta ponente. Vnde **Minxit multum, turbatum, album: reposita tamen urina non confidebat.** Id enim locum indicio erat innatum calorem noxios venarum humores agitare, nondum tamen eos obtinere. hæc ergo prima die euenerunt, quæ neque desperationem, neque bonam spem iniiciebant. **Secundo die omnia exacerbatæ sunt: ac urina crassa quidem erant; verum magis subsidebant, fastidium leuatum est; dormiuit.** Hæc dies salutis expectationem commouit: neque enim ea mala maiora fiebant, quod morbus ingrauesceret; sed quia ex vi sua, & natura eo tempore accessionem ciebat. cum enim urina crassa existerent, hoc est inter tenues, & pleniores interiectæ (huiusmodi siquidem Hippocrates collatione cum tenuibus, quæ crudæ sunt,

sunt, crassas nuncupare consuevit) in ijsq; contenta magis subsiderent; naturam morbosis causis non obscure dominari demonstrabant. ex quo non solum conficiendum esse morbum; uerum etiam breui tempore id futurum antef sentire licebat. primo enim die obscure, secundo manifeste coctionis signis apparentibus, clare affectus ad maturitatem appropinquabat. maior autem spes salutis fiebat; cum cibi satietas, uigiliæq; desissent: hæc enim morbum itidem mitescere consuebant. Ex his similiter non pertenui argumento declarabatur crism esse subitum: magni enim affectus, fortisq; naturæ, ut quæ morbum strenue oppugnaret, signa dabantur. Verum excretionem, non abscessum magnam eam mutationem esse futuram, morbi acies, ueluti ex bile enascens indicabat. Vnde, cum tertio die urinæ naturam subitam coctionem moliri significarent, ueloxq; adhuc esset morbi motus, accessiones quoq; paribus diebus euenirent, in promptu erat quarto die crism impendere. Eo igitur tempore factum est, ut sudore multo, calidoq; e toto corpore erumpente Pericles secundæ ualeitudini sit restitutus.

*Aegrotus iij. tertio de morb. uulg. post tempestatem
descriptus. Cap. II.*



PHRENITICVS primo, quo decubuit, die uirulenta uomuit, & multa, & tenuia: febris horrida: copiosus sudor, assiduus toto corpore: capitis, & colli dolorifica grauitas: urinae tenues, suspensiones parua, dispersæ non residebant. aluus stercus affatim reddidit: multum delirauit: nihil dormiuit. Postridie mane uocem amisit: febris acuta: sudauit; non intermisit. palpitaciones per totum corpus: nocte conuulsiones. Tertio die cuncta exacerbata sunt. quarto defunctus est.

EXPLANATIO.



NON sine ratione Phreniticus hic quarto pariter die occubuit; cum primo in plurimis, serijsq; rebus sui dissimillimus euaderet. unde & maxima morbi uolentia, & minimū naturæ robur designabatur. [PHRENITICVS.] grauisimum uicium est phrenitis, tum quia cerebrum ob magnam eius cum corde sympathiam nobilissimum,

num, in morbo est; tum quod feruens, putridaq; censetur affectio quæ seipsam facile, celerrimeq; ad cor principium uitæ diffundit. **PRIMO**, quo decubuit, die uirulenta uomuit, & multa, & tenuia: febris horrida: copiosus sudor, assiduus toto corpore. Id decretoriæ notæ id genus erant; quæ cum de Phrenitide non decernerent, uel laboriosi iudicij, uel mortis significationem faciebant. ceterum, cum uiridis ea uomitatio existeret, mali scilicet morbi index, metum mortis potius afferebant: ab his enim humorum feritas notabatur, quæ naturæ ad eos intempestiue effundendos uim faciebat. **CAPITIS**, & colli dolorifica grauitas. Exitiosum quoq; id erat indicium: latius enim hunc morbum, ut ad neruofas etiam capitis, colliq; partes dispersum, manare monstrabat. **VRINÆ** tenues, suspensiones parue, dispersæ non residebant. In acuto morbo tales item urinæ terere solent, ut quæ altricem uim maxime per febrem esse debilitatam ostendant. **ALVVS** stercus affatim reddidit. uegetatricem hoc, & eam animæ partem, quæ uoluntarijs motibus præest, ad quas alui excrementa detinere spectat, ad summam infirmitatem deuenisse designabat. **DELIRAVIT**: nihil dormiuit. Ista uero ueluti phrenitidis propria signa, aucta, magna q; facta, eum etiam affectum, quem conuequebantur grauiorem euasisse notabant. Ex his ergo tot pessimis signis planum fiebat egrum primo quaternione e uita esse excessurum. **POSTRIDIE** mane uocem amisit: febris acuta: sudauit, non intermisit. palpitationes per totum corpus: nocte conuulsiones. Necem asserre maturabat hic affectus: sic enim ea signa dilatantur, ut, & summam illius uim, & extremam naturæ infirmitatem declararet: obmutuit siquidem ea animæ parte, quæ sensum, & motum habet; sudor uero continuo effluxit retinente ui ex toto effracta: at conuulsiones perustis in phrenitidis ardore neruis euerunt. **TERTIO** die cuncta exacerbata sunt. Quarto defunctus est. Quarto, iudiciario die superata plane natura periit.

Ægrotus viij. tertio de morb. vulg. ante tempestatem descriptus. Cap. III.



DOLESCENTVLVM, qui in Mendacium foro decumbebat, corripuit ignis ex lassitudinibus, laboribus, & cursibus insolitis. primo die turbata aluus erat biliosis multis, tenuibusq; urinæ tenues, subnigræ: non dormiuit: sitibundus. Altero die omnia exacerbata sunt: deiectiones plures intempestiuiores: non dormiuit; mente turbatus.

tus; aliquantum exsudauit. Tercio grauiter se habuit, sitibundus, fastidiosus, multum se iactauit: perplexus erat: delirauit. extremae partes liuidæ, & frigida: hypocondrij utrinque submollis contentio. Quarto non dormiuit: malum in peius procedebat. Septimo obiit: annum ætatis circiter vigesimum agebat.

EXPLANATIO.



DOLESCENS hic ad septimum usq; uitam protendit, cum & a principio morbus mollior esset, & uis ætatis ratione robustior. **C**ORRIPUIT ignis. Ignē Hippocrates uehementē, immoderatamq; febrem appellat. **P**RIMO die turbata aluus erat biliosis multis, tenuibusque. urinae tenues, subnigræ: non dormiuit. sitibundus.] Magnus quidem hic morbus initio erat; non is tamen, ut uniuersam uitæ spem eriperet: hæc siquidem notæ, quæ primo die extiterunt, te errorem sane inferebant; uerum tamen a naturali statu non summe recedentes, definitam perniciem non designabant. **A**LTERO die omnia exacerbata sunt: deiectiones plures intempestiuiores. non dormiuit: mente turbatus.] Ingrauescebat affectus: siquidem & relati primi diei casus maiores secundo die fuerunt, & nuper delirium ignea caliditate inualecente eluxit. **A**LIVANTUM sudauit.] Id quoque mali morbi erat index; quod ne vlla siquidem eorum, quæ e corpore effunduntur, modice excerni conueniat, ut Galenus etiam prodidit. ab his tamen, ut quæ nec summum affectum, nec ultimam imbecillitatem indicarent, certa mors non significabatur. **T**ERTIO grauiter se habuit. sitibundus, fastidiosus: multum se iactauit: perplexus erat: delirauit.] Illius quoque ordinis hæc erant. **E**XTREMÆ partes liuidæ, frigida.] At liuor hic, frigiditasq; in iuuenili potissimum ætate, quæ calore abundat, & vastam internarum sedium inflammationem, & insiti caloris extinctionem ostendentes mortem subesse nunciabant. **H**YPOCONDRIJ utrinq; sub mollis contentio.] Hoc septi transversiflammati perspicuum erat argumentum. **Q**UARTO non dormiuit: malum in peius procedebat: septimo obiit.] Fortis erat natura; unde potuit usque ad septimam diem tantis vitij obsistere. **A**NNVM ætatis circiter vigesimum agebat.] Ætatem apposuit, ut per eam, quales esset virium status, nobis indicaret.

Aegrotus

*Aegrotus viij. tertio Epidimiorum descriptus post
tempestatem. Cap. IIIL.*



ADERÆ Anaxion, qui ad Thracias portas decumbe-
bat, in febrem acutam incidit. dextri lateris assiduus
eum dolor cruciabat: tussim habebat aridam; neque
primis diebus expuit: sitibundus erat, & insomnis:
vrinae boni coloris multae, & tenues. Sexto die delira-
bat; foribus nihil remittebatur; septimo magis laborabat; quippe fe-
bris intendebatur, nec imminuebantur dolores; simulque tussēs infe-
stabant: difficulter etiam spirabat. Octauo cubitum secui; mul-
tum, ut debebat, effluebat: leniores ibi euaserunt dolores; sed tussēs ari-
dae permanebant. Vndecimo febres succurrunt mitiores: aliquantum cir-
ca caput sudauit; etiamnum tussēs durabant; & quae a pulmone exi-
bant, liquidiora erant. Decimo, & septimo cepit pauca concocta ex-
puere. Vigesimo sudauit: febris liberatus est: a iudicio rectius habuit.
Si.iculosus erat; & a pulmone non bonae purgationes. Vigesimo septi-
mo redijt febris: tussit; multa excreauit concocta: in vrina multa sub-
sidebant alba: defuit sitire; bene spirans. Trigesimo quarto toto suda-
uit corpore: cessauit febris: in totum est iudicatus.

EXPLANATIO.



ERIT hæc historia earum ægritudinum schema, que
multos dies trahunt. cum enim anceps morbi, na-
turæq; pugna vsque ad decimum septimum duraret,
iure morbus hic in longius est ductus; neque quid-
quam eo tempore de futura salute, aut morte pro-
certo haberi potuit. **ANAXION** in febrem acutam incidit:
dextri lateris assiduus eum dolor cruciabat: tussim habebat aridam;
neque primis diebus expuit. Sunt hæc propria, peculiariaq;, ut li-
quet, pleuritidis indicia: in nullo enim ex omnibus morbis isto-
rum accidentium concursus adest, præterquam in lateris dolore.
hunc autem affectum solertissimus Hippocrates non nomine (ut
in alijs consueuit) sed notis descripsit; ut vna, & morbi formam, &
illius raram, ingeneratam tamen, vim designaret: non erat enim
hæc pleuritis ex ijs, quæ passim videri solent; sed peregrinam, in-
fuetamq; faciem præseferbat. illius ergo signa peculiari descri-
ptione finiuit; ut simul nos, & ad morbi speciem, & ad eius insoli-
tam vim, naturamq; adduceret. Sed eius verba sigillatim expendam.

K nus.

mus. ANAXION in febrem acutam incidit.] Hoc est, acrem, mordacemq; febris quidem omni pleuritidi perpetuo inhæret; vt quæ seruida sit affectio, sedemq; cordi vicinam infestet: hæc tamen, cum fere pleuritis ex sanguine fiat, mitis esse consuevit. nunc autem quasi aculeis manum pungebat, vt pote, quæ non ex puro sanguine, sed cui multa bilis esset admixta, originem duceret.

DEXTRI lateris assiduus eum dolor cruciabat.] Dolor item, qui nisi dum spiritus trahitur, vexare solet, modo assiduam tristitiam iniiciebat. TVSSIM habebat aridam; neq; primis diebus expuit.]

Tussis etiam præter consuetudinem nil e pectore educebat. grauis ergo erat Anaxionis morbus, tum, quia non obscuram sedem cordi vicinam infestabat, tum, quod ardens erat, inflammataq; affectio seipsam ad cor cito dispergens; grauior adhuc, quia grandior primo ortu erat procreata. SITIBVNDVS erat & insomnis.] Non ex ijs sunt hi casus, qui pleuritidem ex necessitate consequuntur, sed circumstantium, interuenientium tamen vim subeuntium, euenerunt siquidem ea magnis inijs orsa: ex bilioso enim sanguine prognata cerebro, ventriculoq; acres fuligines subministrans, vigilias, sitimq; concitabat. VRINÆ boni coloris, multæ, & tenues.] Præter memoratum vitium tenebatur quoque Anaxion (quantum coniectura assequi possumus) feбри, ex putrescentibus in venis humoribus oriunda. urinæ ergo, quæ venatum, arteriarumq; sunt recrementa, solo colore ijs, quæ a natura sunt assimilatæ, eos obscure maturescere denunciabant: at copia excedentes, cum tamquam decretoriæ causæ morbosam eam affectionem non sedarent, diurnam fore indicio erant. SEPTIMO die delirabat.] Fuligines illæ, quæ prioribus diebus vigilias conciebant, nunc auctæ cerebrum veluti mordicantes, mentem turbarūt.

4 de. caus.
pul. cap. 8.


id ergo magnæ quidem pleuritidis, non tamen lethalis erat argumentum. Familiare enim est lateris, pulmonisq; inflammationibus, vt Galenus asseuerabat, caput, quod excipiat putrium humorū fauillas, offendi. FOTIVS nihil remittebatur.] hoc quoque relatum est ab Hippocrate, vt eius vehementiam indicaret, vigentis siquidem pleuritidis (vt Galenus etiam scripsit) notæ sunt, perpetuus dolor, calidisq; foribus nihilum cedens. SEPTIMO magis laborabat; quippe febris intendebatur; nec imminuebantur dolores; simulque tusses infestabant: difficulter etiam spirabat.] Crescebat malum; febris enim augebatur; reliqua vero accidentia in eodem statu perstabant. id tamen incrementum non maturescantium, aut torrescentium succorum erat affectus, sed morbi adhuc quasi formam assumentis, confluentis scilicet etiamnum ad sedem affe-

ctam

1. de rat.
vie in hac
morb. com.
33.

Etiam sanguinis. OCTAVO *cubitus secui: multum, ut debebat, effluebat; leniores ibi euaserunt dolores; sed tussis arida permanebat.* Ex his huius mali lenitas apparuit: medicis enim auxilij obsequabatur. Verumtamen non ex eo, quod dolores extenuarentur, in eam sententiam (ut imperiti medici facerent) eundem erat, has aggritudines veluti atate decrescere: nondum enim viuendi curriculum eis a natura datum confecerant: nil siquidem expuere, vrinæque tenuitas, cruditatis argumenta, etiam nunc non earum principia præterisse aperte monstrabant. imminuebantur igitur dolores; quia noxiarum etiam caussarum, ex quibus continuo fiebant, exhausto sanguine, diminutio facta erat. VNDECIMO *febres fuerunt mitiores.* Febres quoque, adempta earum fomitis portione, decreuerunt. ALIQUANTVM *circa caput sudauit.* Hic sudor, ut ex iudicio efficientibus, nullo tamen terrifico signo notatis, æque ut commemoratæ vrinæ, longinquitatem præmonstrabat. ETIAMNVM *tussis durabant: & quæ a pulmone exibant, liquidiora erant.* Decima septima *cæpit pauca concocta expuere.* Obscurum illud extitit maturescantis pleuritidis indicium; hoc vero perspicuum. vnde ex his, iam in futuræ salutis spem inducebamur. VIGESIMO *sudauit: febre liberatus est a iudicio rectius habuit.* Irritata a morbi acumine natura, noxiarum humorum eiectione est aggressa: verum, cum ante summam coctionem id attentauerit, confidendum haud erat, hac vna opera ægrum corpus a noxijs humoribus vacuum esse facturam. SITICVLOSVS *vero erat: & a pulmone non bonæ purgationes.* Qui reliqui erant humores, sitim excitabant; immaturi; nunc etiam existentes, non recte e pulmonibus tussi eiciebantur. Vnde extimescendum erat, ne rursus efferuescentes, ægrum in easdem angustias impellerent. VIGESIMO *septimo rediit febris.* Natura reliquos humores mitigante, septimoque supra vigesimum iudicario die maiore opere id attentante, febrem iterum commouit. TVSSIT *multa excreauit concocta: in vrina multa subsidebant alba.* Hæc vtriusque affectionis ex toto maturescantis erant testimonia. DESIT *sitire, bene spirans.* Nocuis enim pleuritidis succis excretis, vna quoque sitis, impediri quoque spiritus illius comites euauerunt: verum supererant, qui in vasis putrescentes alterius febris erant auctores. Hos igitur affectus veluti vehementes, septimo ab hoc die magna pariter, citraque transmutatione e conspectu omnium abstulit. Trigésimo enim quarto die, sudore e toto corpore manante, febris conquieuit, singulaque vitia ad nihilum reciderunt.

*Aegrotus primus primo de morb. uulg.
descriptus. Cap. V.*



PHILISCVS propter moenia habitabat: hic morbo decubuit: primo die febris fuit acuta; sudauit, laboriosam noctem habuit. postridie omnia exacerbata sunt: uespere a clysteri alius bene reddidit: nocte quieuit. Die tertio mane, & ad meridiem usq; febris uisus est liber esse: sub crepusculum uero febris eum acuta corripuit una cum sudore: sitibundus erat: lingua præterea exaruit: nigrae urinas reddidit: noctem grauem habuit: non dormiuit: omnino delirauit. quarto cuncta exacerbata sunt: urinae nigrae: nox tolerabilior: urinae melioris coloris. Quinto ad meridiem parum de naribus, idq; merum stillauit: urinae uariae, in quibus erant suspensiones quadam, rotundae, geniturae similes, dispersae; non residebant: subdito balano pauca retrimenta flatuosa exierunt. Nocte se grauiter habuit: somni pauci, uerba, deliramenta, extremitates undequaque frigeabant; nec iam ad calorem ille amplius redibant: minxit nigra; aliquantum dormiuit: sub diem obmutuit: frigida sudauit: extremae partes luescebant. Die sexto ad meridiem est defunctus. spiritus huic erat perpetuo, quasi reuocato rarus, & magnus: lien in tumorem rotundum elatus erat: sudores perpetuo frigidi accessiones diebus paribus.

EXPLANATIO.



OBSERVATIONE digna est huius aegrotationis memoria; tum quod digeste, absoluteque plurimos casus, qui huic aegroto acciderunt, enarret; tum ob diem, quæ eidem ipsi exitium attulit cum enim morbus paribus diebus accessiones faceret, sexto illius ordinis die naturam extinxit. **P R I M O** die febris fuit acuta.] morbus, quo Philiscus detinebatur, erat febris ex putridis succis in arterijs, venisque existentibus enata; eaque grandis; tactum siquidem maxime mordens, celeriterque feriens, multum a multa similiter putrida bile procedentem exhalationem indicabat. **S V D A V I T.**] Hic sudor, cum, ut in fine exponit

ponit, frigidus esset, perniciem præmonstrabat: vna enim cū graui, continuataq; febris apparens innati simul, aduentitiiq; caloris extinctionem ostendit. *LABORIOSAM noctem habuit.*] quod sudores naturam nō leuassent, quin potius afflixissent; quod postero die secutura esset exacerbatio, duram ideo noctē traduxit. *POSTERIDIE omnia sunt exacerbata.*] altero die, & eo pari morbus exagrabatur. quod animaduersione dignum erat, vt hinc statim mortis dici prænotio elici posset. *VESPERI a clysteri aluus benedidit, nocte quieuit.*] hæc quidem salutaria erant argumenta (illud ventris firmitatem, id vero morbi benignitatem aperiens) verum inualida; cum, & malo inchoante, quo tempore omnia sunt leuiora, adhæc & accessione remittente elucerent. *DIE tertio mane, & ad meridiem vsque febris uisus est liber esse.*] sic febris, accessione remittente, imminuta fuit; vt ex toto integrum corpus fieri videretur. *SUB crepusculum vero febris cum acuta corripuit vna cum sudore: sitibundus erat: lingua exaruit: nigras vrinas reddidit: noctem grauem habuit: non dormiuit, omnino delirauit.*] At maiore impetu febris rursus inuadens, grauiiores accessiones, perniciosioresque casus commouit: ardor enim tam, vt in proximo die, erat insignis, illique etiam exitiosus sudor comes erat. cæteraque ardentem calorem ad stomachum, ad linguam, ad cerebrumque dilatatum, noxiorumque succorum perfectam exustionem designabant. *QUARTO cuncta exacerbata sunt: vrina nigra, nox tolerabilior, vrina melioris coloris.*] vt enim crescente febris casus maiores fiebant, sic nocte insequenti de crescente minuebantur. *QUINTO ad meridiem parum de naribus, idque merum stillauit.*] conata est natura, quæ ipsi iniuriā faciebant, exturbare; verum præ infirmitate nequiuit. ex quo interitus periculum ostendebatur, eoque magis, cum sanguis ille esset mœrus, scilicet ab omni alterius humoris admixtione vacuus: id enim indicio erat sanguinem a flammeo calore penitus fuisse exustum. *VRINÆ varia.*] videlicet modo tenues, modo crassiores, partimque vnius coloris, partim alterius; quæ vltimos naturæ conatus indicabant: parum siquidem firmamenti, ac virium habens confusos, perturbatosque motus ciebat. *IN quibus erant suspensiones quædam rotundæ, geniturae similes, dispersæ; non residebant.*] Debilis enim calor hæc nubeculas cogere non potis erat, sed dispersas, diffusasq; sinebat. *SUBDITO balano, pauca retrimenta, flatuosa exierunt.*] irritanti quoq; pharmaco nō respondebat excretrix intestinorū uis idcirco modica exercebatur eaq; spirituosa, flatibus nimirū ab infirmo calore excitatis immixta.

NOCTE

NOCTE se grauiter habuit; somni pauci: verba, deliramenta, extremitates vndeque frigebant; nec iam ad calorem illæ amplius redibant.] Naturæ dissolutio erat in proximo, cum iam extremi artus natiuo tepore eos deferente, nec amplius repetente moribundi essent. MIXIT nigra: aliquantum dormiuit: sub diem obmutuit.] Vitali enim potestate, a qua cætera uim, roburque recipiunt, intereunte, vna quoque ea, quæ voluntarijs motibus præest, defecit; propterea vocem non misit. FRIGIDA sudauit,] Et si numquam, vt mox Hippocrates affirmat, sudores frigidi non existerint; nunc tamen expresse id apposuit, forte quod essent alterius naturæ; quippe qui non ex malis succis, sed primogenio humore (contentrice facultate prorsus dissipata) effluente prodirent. EXTREMÆ partes lineescebant.] vt enim ab igneo elemento, sic a splendore, nitoreque destitutæ, liuore decoloratæ remanebant. DIE sexto ad meridiem est defunctus.] Perfractis itaque eius viribus natura sexti diei impetum sustinere non potuit; vnde occubuit. SPIRITVS huic erat perpetuo quasi renocato rarus, & magnus.] Postquam autem Hippocrates varia, commutabiliaque sicut euenerant, accidentia retulit; nunc, quæ eandem omni tempore speciem habuerunt, vt iniucunde non repeteret, ommissa enarrat. inter hæc erat rarus, vehemensque spiritus, infantiæ, vt in Prognosticis scripsit, nota: animus enim delirantiū falsis visionibus intentus spirare veluti obliuiscitur; continuo autem ab illius muneris necessitate impulsus, ad id opus se renocans, raram at longe, lateque patentem molitur respirationem; vsum quippe ventilandi caloris mora auctum eius officij magnitudine delens. LIEN in tumorem rotundum elatus erat.] extra febrem ex putrescentibus in venis, arterijsque succis enatam, lienis quoque aderat inflammatio, quæ globosæ formæ existens, crudam, confusamque humorum, ex quibus oriebatur, congeriem indicabat. SVDORES perpetuo frigidi: accessiones diebus paribus.] sed hæc iam sunt interpretata.

Aegrotus secundus primo de morb. vulg. descriptus. Cap. VI.

ILENVM, qui in Platamonis adibus prope filios Eualcidis habitabat, ex lassitudinibus, potationibus, & exercitationibus intemperatius ignis corripuit. cepit simul ex lumbis laborare, & capitis gravitate tenebatur; collumque contendebatur. Primo die aluus biliosa, mæta, spumosa, assatim colorata, multa reddidit: vrinæ nigræ, in quibus

quibus nigra subsiderent, sitibundus erat; lingua arida. nocte nihil dormiuit, altero die febris acuta: recrementa plura, tenuiora, spumosa, urina nigra: nox grauis; aliquantum delirauit. Tertio cuncta exacerbabantur: hypocondrij contentio submellis, vtrique promissa ad umbilicum: deiectiones tenues, subnigrae: urinae turbidae, nigrae. noctem insomnem duxit: multa verba; risus; cantus: moderari sibi non potuit. Quarto die eadem erant. Quinto deiectiones mæra, biliosa, leues, perquam pingues: urinae tenues, per lucidae, paucae: mente constetit. Sexto caput parum exsudauit: extremitates algebant, liuescebant: multum sese iactauit: alius nihil excreuit: urinae resisterunt, febris acuta. Septimo die obmutuit: extremae partes non amplius redierunt ad calorem: nihil minxit. Octauo frigidus toto corpore sudor, pupulae cum sudore rubentes, rotundae, paruae, varis similes permanebant; nec abscessum efficiebant: alius paruo irritamento stercora tenuia, veluti incocta, multa cum labore reddidit: urinas reddebat cum dolore mordaces: extrema parum recalescebant: somni tenues: comatosus obmutescibat: urinae tenues, perlucidae. Nono nihil mutabatur. Decimo potum non sumebat: comatosus, & somni tenues: similia alui excrementa: minxit multum quod subcrassum in matella euadebat, quod subsidebat erat simile farinae crassioris, album, extrema membra iterum frigeabant. Undecimo obijt. a primo hic ad finem usque spiritum magnum habuit, & rarum; hypocondrij perpetuam palpitacionem. annum ætatis agebat circiter vigesimum.

EXPLANATIO.

NON iniucunda erit huius historiarum explicatio, si cum ea, de qua proxime dictum est, comparetur: in his enim intuebimur morbos viribus æquales cum naturis tamen robore dissimilibus pugnantes imparibus æque interuallis occidere. Silenus siquidem a principio graui perinde ac Philiscus ægrotatione correptus, plus tamen roboris habens, diutius quam hic impetum morbi sustinuit. Silenus igitur ægitudini obnoxius defatigationum frequentium poculorum, intempestiuarumque exercitationum impulsu, in putridam febrem, eamque vehementissimam incidit. **COEPIIT** simul ex lumbis laborare, & capitis grauitate tenebatur, collumque contendebarur.] nocui, qui in venis, putridique erant, humores continuam febrem, in capite vero eius copia grauitatis sensum excitarunt. verum lumbi eo dolebant, quod ardentissimus calor neruosas

neruofas eas partes siccaret, conuelleretq; , quæ mali morbi significationem faciebant. *PRIMO die aluus biliosa, mæra, spumosa, affatim colorata, multa reddidit: urinæ nigra, in quibus nigra subsidebant: sitibundus erat: lingua arida: nihil dormiuit.*] hæc omnia ingentis similiter ardoris erant effectus. hic enim omnium humorum ichorem absumpsit, ex quo aluus erat syncera, urinarumq; substantiam, quodq; in ijs subsidebat, atro tinxit colore; sitimq; linguæ ariditatem, uigiliaq; conciuuit. quæ pariter cum naturali eorum conditioni dissimillima essent, mortem subesse testabantur. ex his tamen statâ, certâq; exitij dies non designabatur. cum enim nullæ infirmitatis notæ in conspectu existerent, obscurum adhuc, incognitumque erat, ad quod tempus naturæ uis esset duratura. *ALTERO die febris acuta, retrimenta plura, tenuiora, spumosa: urinæ nigra.*] Grauior continuo morbus siebat: siquidem febris ualde mordax apparuit; aluusq; abundantius reddidit, eaq; crudiora, præ magnoq; estu spumantia; urinæ autem in summa ea prauitate perstabant. *NOX grauis.*] numquam magis nocte, quam die labores, doloresq; dulcem utpote somnum interpellantes, nullisq; animum ab huiusmodi acerbo sensu retrahentibus oblectamentis deliniti grauiore esse consueuerunt; cum ad hæc eo tempore noxij succi minus discutiantur: hæc tamen nox, grandescente morbo, iusto etiam odiosior fuit. *ALIQUANTVM delirauit*] Auctæ item humorum putrescentium fuligines, ad cerebrumq; delatæ, delirium concitarunt. *TERTIO cuncta exacerbata sunt.*] præter id quoq; quod morbus assidue, uehementerq; Silenum afflictabat, imparibus insuper diebus accessionem faciebat. *HYPOCONDRII contentio submollis utrinque promissa ad umbilicum.*] inter tot deniq; mala, ceu auctarium, uenit septi transversæ inflammatio, a qua id membrum intentum una etiam extimas, sibiq; continuas hypochondrij partes ad se trahens, submollem eam (scilicet nullo ei subdito tumore cedentem) tensionem effecit. *DEIECTIONES tenues subnigra.*] tenues erant cum nulla natiui caloris, ueluti in febrili flamma languescentis mutatione concreuerent: subnigra uero atræ bilis portione permixta. *VRINÆ turbida nigra.*] locia quoq; in prauo eo colore persidebant; ad hæc, ingenti putredine omnia confundente, conturbabantur. *NOCTEM insomnem duxit. multa uerba risus, cantus: moderari sibi non potuit.*] ardens ea obliqui septi affectio ob molles, multosq; nervos, quibus id membrum a natura donatum est, ad animi sedem facile diffusa cum inualesceret, magnam insaniam commouit. *QUARTO die eadem erant.*] leuiori etiam die

die iidem casus continuantes vehementissimi morbi erant argu-
 menta. *QVINTO deiectiones maræ, perquam pingues.*] eo usq;
 tandem processerat adurens calor; ut & humores, & omnem pin-
 guedinem affatim colliquaret. *VRINÆ tenues, perlucida, pauca.*
 tenues, ut diximus, fiebant, insito calore flaccescente; exigua, sero-
 so liquore fere exhausto: splendescentes autem, flauæ bilis, ceu ru-
 tilantis, portione commixta. *MENTE constitit.*] ac sane tam
 aberat, ut hic ad mentem reditus salutare esset indicium, ut po-
 tius proximam mortem enunciaret: intempestiuum enim ex-
 traque rationem erat, quod non modo non decrescere malo,
 sed ad interitum ruente hi casus remitterentur: id ergo eue-
 niebat natura intereunte, pugnamque cum morboris succis am-
 plius non committente. *SEXTO caput parum exsudauit.*]
 tam graui morbo diutius moderatrix vis non potuit obsistere;
 ideo virium enascente ruina, exigui sudores circa caput efflu-
 xere. *EXTREMITATES algebant, liuescebant.*] vitali vi
 emoriente ab extremis membris gradatim frigus succedebat.
MVLTVM sese iactauit.] id quoq; inter infirmæ naturæ signa
 adnumeratum fuit: ea enim vis, quæ impetu quodam mentis, & vo-
 luntate hominum membra mouet, ossa, musculosq; ægre sustentans
 multis, variisq; motibus accubationem dolore carentem, (quam-
 uis inutiliter) indagabat. *VRINÆ resluerunt.*] quoniam quan-
 tum etiam roboris, & neruorum in vegetali erat, ad nihilum fere re-
 cisum erat urinæ ideo stercorisq; excretio cessabat. *SEPTIMO*
die obmutuit: extremæ partes non amplius redierunt ad calorem: nihil
minxit.] parum defuit, quin septimo impari, accessionisq; die mo-
 reretur: & sane periisset; nisi fortissimæ, quæ erant, vires, vberiusq;
 calidum ingenium, aliquantulum adhuc restitissent. *OCTAVO*
frigidus toto corpore sudor: papulæ cum sudore rubentes, rotundæ, par-
uæ varis similes permanebant; nec abscessum faciebant. alius paruo ir-
ritamento stercora tenuia veluti incocta, multa cum labore reddidit.]
 extremos natura octauo die edidit conatus, totisq; eius viribus in
 vnum coactis morbificos succos profligare cõtendens, sudores, eos
 tamen febrili, insitoq; calore iutereũte, frigidos, papulasq; profudit;
 pluraq; per aluum eiecit. *EXTRÊMA parum recalescebant.*] ab his
 leuata natura, sed papulis potissimum, quæ non subsidebant, sum-
 mæ partes concaluerunt. *SOMNI tenues.*] obdormiscebat etiã,
 sed leuiter, igneo calore non sinente natum ad interna redire.
COMATOSVS obmutescibat.] at vespere eius diei reuenit natu-
 ra ad vltimam infirmitatem, ex quo vigilatium munia obire nequi-
 bat; neque enim surgere, neque oculos erigere potens erat; sed

L grua-

grauabatur, ut spem faceret, si ei permissum esset, fore dormituum: tamen nec obdormiscebatur, nec eam fiduciam seruabat. *NONO nihil mutabatur.*] Expirasset quidem hac die animam, cum septima fere occubuerit, nisi decretorij illi casus a natura ceruicibus tanta molis mali aliquid depulissent. *DECIMO potum non sumebatur.*] Iam penitus mouens ex appetitione, & voluntate vis erat dissoluta; unde, nec potionem glutire valuit. *COMATOSVS, & somni tenues: similia alui excrementa: minxit multum, quod subcrassum in matella euadebat: quod subsidebat, erat simile farinae crassioris album.*] Id, quod ardentissimus calor a solidis membris colliquarat excretum in vrinis subsidebat. *EXTREMA membra iterum frigebant.*] Moribunda enim ab insito calore destituebantur. *VNDECIMO obiit.*] Accessionis sane die. *PRIMO hic ad finem vsque spiritum magnum habuit, & rarum; hypocondrij perpetuam palpitationem.*] Post ea, quae multiformem speciem obtulerunt, accidentia more suo immutabilia, perenniaq; exponit. hic igitur perpetuo spiritum a pulmonibus rarum, lateq; patentem duxit; arteriaeq; omni tempore in hypocondrio vehementer attollebantur; quae furoris, maliq; morbi notas esse proximo volumine ostendimus. *ANNVM aetatis circiter vigesimum agebat.*] Adscripta autem aetatem, quod non fecit in Philisco; ut tacite, ne mireremur, innueret; cur hic, &que ac Philiscus, a principio, quemadmodum diximus, inter mortifera versatus indicia, ad vndecimum vsque diem vitam protenderit.

Aegrotus iij. primo de morb. vulg. descrip. Cap. VII.



*H*OROPHONTEM febris acuta corripuit. Per initia aluus pauca, & cuiusmodi in tenebris solent, deiecit; deinde tenuia, biliosa, subcrebra: non dormiebat: vrinae nigrae, tenues. Quinto die mane obsurdescebat: omnia exacerbabantur: lien intumescerebat: hypocondrium contendeatur: pauca, & nigra aluus excreuit: desipuit. Sexto delirabat: sub noctem sudabat; frigebat; in delirio perseuerabat. Septimo circumfrigebat; sitiebat; desipiebat: sub noctem ad mentem redijt; obdormiuit. Octauo febricitabat: lien residebat: omnia intelligebat; doluit ei inguen, primum secundum lienem; deinde in utramque tibiā dolores migrauerunt. noctem facilem habuit: vrinae erant melioris coloris, & residebant in ijs pauca. Die nono sudauit; indicatus est; intermisit. Die quinto redijt; simulque splen intumuit; febris acuta; surditas

surditas iterum. Post recidiuam tertio die residebat lien: imminuebatur surditas: crura dolebant. nocte sudauit: indicatus est die septimo decimo: neque in recidiua delirauit.

EXPLANATIO.




PRÆSENTABIT huius ægri historia admirabilem, paradoxâq; nominatâ vnius affectus conuersionem. hic enim tristibus sic initijs exorsus; vt merito quiuis credidisset interitum esse secuturum: post hæc tamen forti natura noxios succos a claris membris ad obscura exturbante contra omnium opinionem secundos habuit exitus: ingens ergo erat id malum, febris nempe putrida manum maxime mordens, dies, noctesq; affligens. *PER initia aluus pauca, & cuiusmodi in tenebris solent, deiecit: deinde tenuiua, biliosa, subcrebra.*] Tam prauis præterea succi erant, vt statim in initio crudissimi etiamnum scilicet existentes naturam ad eorum excretionem irritarint; vnde deijciebantur primum mucosa, pituitosaque, & ea pauca, deinde biliosa, cruda ægrum frequenti surrectione vexantia. *NON dormiebat: vrina nigra, tenues.*] Feruens etiam adeo erat ascititius calor, vt violenter genuinum in externis partibus detinens ægrum in vigilia manere cogeret: sicq; humores impense exurebantur, ut vrinam nigro inficerent colore. Hæc igitur singula cum vastum, supraque vulgares vires affectum indicarent, ægrum in discrimine vitæ positum esse notabant. *QUINTO die mane obsurdescebat: omnia exacerbabantur: lien intumescebat: hypocondrium contendebatur. pauca, et nigra aluus excreuit; desipuit.*] Exustos, attenuatos, calidoque spiritu repletos humores, doloresq; propterea, ac titillationes afferentes huc, illucque quinto die (quo etiam morbo accessionem faciente in motu, agitationeq; erant) lacessita natura dispulit. partim igitur ad caput impulsæ surditatē, desipientiamque; partim vero ad lienem tumorem in eo, indeque contentionem in hypocondrio concitarunt: ad aluum vero prolabentes nigras deiectiones effecerunt. Cum ergo, qui ad cerebrum, tamquam ad nobilissimam sedem, ferebantur, morbum adaugerēt: qui vero ad lienem ceu humiliorem extenuarent, animum ancipiti cura distinebant. *SEXTO delirabat.*] Feruidi, mordacesque illi humores in cerebro consistentes delirationem ingiter conciebant. *SUB noctem sudabat; frigeat; in delirio persurrabat.*] Angebatur a prauis id genus succis natura, varijs, contrarijsq; motibus agitata. illi ergo vndique nativo calore, quasi subsidio venien-

L 2 te,

te, externa membra algebant: foras autem rursus erumpente, sudores item manabant. *SEPTIMO circumfrigebat: sitiebat: desipiebat.*] eadem signa septimo die persistebant. *SUB noctem ad mentem redijt, obdormiuit. octauo febricitabat: lien residebat; omnia intelligebat: doluit ei inguen primum secundum lienem: deinde in utramq; tibiam dolores migrauerunt. noctem facilem habuit.*] turgidis his succis e capite, lieneq; nobilioribus sedibus ad inguen, hinc ad crura exturbatis, mens ad sanitatem redijt: quæq; terrebant indicia præter spem e uestigio euauerunt. *VRINÆ melioris coloris, & residebant in ijs pauca.*] detrusis enim humoribus, qui naturæ ornatu uestiri non poterant in humiles partes benigni concoqui, mitigariq; cæperunt. *DIE nono sudauit. iudicatus est: intermisit.*] præpropere nono die irritata a morbi acumine natura, iudicium attentans, illud solum inchoauit. *DIE quinto redijt; simulq; splen intumuit: febris acuta: surditas iterum.*] qui igitur residui erant humores, rursus putrescentes febrem, ad splenemq; delati, eius partis tumorem, ad cerebrum uero surditatem concitarunt. *POST recidiuam tertio die residebat lien: imminuebatur surditas: crura dolebant. nocte sudauit: iudicatus est die septimo decimo.*] Iterum ergo natura a præcipuis his membris ad ignobilia, per corporisq; inuisos meatus eos extra corpora exturbans decimo septimo die, iudiciario, quartoq; a quartodecimo morbum penitus confecit. *NEQVE in recidua delirauit.*] non delirauit in hoc postremo conflictu, cum priori iudicio mordaciores, acrioresq; succi fere essent exhausti.

Aegrotus vi. primo de morb. vulg. descrip. Cap. VIII.




L EONACTIDEM, qui supra Heracleum decumbebat ignis corripuit erraticæ. a primo caput ei, & sinistrum latus dolebant; cæteraq; laborabant, perinde ut laffa. *Febrium accessiones alias aliter inordinate erant: modo sudabat; modo non: fere accessiones inuadebant decretorys diebus maxime. circa diem vigesimumquartum extremas manus dolor affecit: romuit flaua, biliosa, subcrebra, & paullopost virulenta: cuncta remissa sunt. circa diem trigesimum ex utriq; naribus prorumpere sanguis cepit; idq; erraticæ paulatim usque ad iudicium: non abhorrebat a cibo; nec sitibundus erat toto tempore, neque insomnis: urinæ tenues, non decolores. circa diem quadragesimum subrubra minxit, cum subrubro sedimento multo: lenius habuit.*

post

post variarunt vrina: interim sedimentum habebant; interim non. Sexagesimo multum habebant sedimentum vrinae, album, & laue. omnia sunt remissa: febres intermiserunt: vrina iterum tenues quidem, sed bonicoloris. Die Septuagesimo febris intermisit decem dies. Octogesimo riguit: acuta febris inuasit: multum sudauit: vrinae sedimentum rubrum, leue habuerunt. prorsus indicatus est.

EXPLANATIO.



RÆHENDIT hunc uehemens febris, sed nullo certo circuitu constituta: unde huius morbi semina erant putridi succi, ijꝫ diuersi; qui cum uarijs temporum spacijs ab una sede ad aliam confluerent, (ut uarijs eque temporibus gignebantur) inordinatas accessiones faciebant. Grauis igitur erat morbus, febris quippe magna, continuaq; , eaq; ex putrescentibus, dissimilibusq; humoribus enata. **A PRIMO caput ei & sinistrum latus dolebat.**] Extra febrem humores etiam in capite exuberabant; qui per uim illud distendentes tristem sensum excitabant; adhæc & sinistrum latus dolebat, ex lienis id forte aliqua affectione proueniens. **C O E T E R A Q U E laborabant, perinde ut lassa.**] ex se, non extrinsecus commota erat hæc lassitudo, multis pariter, vitiosisq; humoribus progenita. **M O D O sudabat; modo non. februm accessiones alias aliter inordinatæ erant.**] ut plures erant succi ex diuersis partibus effluentes, uarijꝫ; eorum ortus; sic febris aliter, atq; aliter, modoq; cum sudore, modo sine sudore accedebat. **F E R E accessiones decretorij diebus magis inuadebant.**] ex eo etiam huius mali magnitudo notabatur; quod iudiciarijs diebus, in quibus firma, rataq; magis sunt euenta, naturæq; uis eminentior, grauior fieret. **C I R C A diem vigesimum quartum extremas manus dolor affecit: vomuit flua, biliosa, subcrebra; & paullopost virulenta: cuncta remissa sunt.**] præualuit tamen natura; decretorioq; die biliosos humores primum, utpote qui facilius coquuntur, magno emolumento eiecit. manus autem ori uentriculi, per quem nocentes succi exhauriebantur, sympathia quadam condoluerunt. **C I R C A diem trigesimum ex utrisque naribus prorumpere sanguis cæpit, idque erratice paulatim vsq; ad iudicium.**] Iudicij hoc efficiens erat; quod tamen cum morbum non tolleret, nec minueret; neque præterea in eo mortiferæ notæ apparerent, morbi diuturnitatem ostendit. **N O N abhorrebat a cibo: nec sitibundus erat toto tempore; neque**

inso-

insomnis.] Hac etiam inter bonæ spei notæ erant, ut quæ iecur, ventriculum, cor, cerebrumque primaria, nobilissimaque membra in graui aliquo vitio non esse monstrarent. *VRINÆ tenues, non decolores.*] crudi etiamnum perstabant nocui humores, nique leuiter, obscureque maturefcebant: quod etiam morbi finem in multum adhuc tempus tractum esse significationem faciebat. *CIRCA diem quadragesimum subrubra minxit cum rubro sedimento multo. post variarunt vrinæ: interim sedimentum habebant; interim non.*] Aliquos tandem natura secundo viceno concoxit; nonnulli hæcenus crudi perstiterunt: qui tamen cum sanguinis naturam tenerent salutarem quidem, at diuturnum fore morbum pollebantur. *SEXAGESIMO multum habebant vrinæ sedimentum, album, & laue; febres intermiserunt: vrinæ iterum tenues quidem, sed boni coloris.*] Eā humorum portio, quæ maturefcebat, magis ad mutantis naturam accessit: ex quo alba, leuique contenta apparuerunt. *DI septuagesimo febris intermisit decem dies.*] Infida, instabilique erat hæc morbi abitio, cum etiamnum hic affectus naturalem circuitum non confecisset. *OCTOGESIMO rigit acuta febris inuasit: multum sudauit: vrinæ sedimentum rubrum laue habuerunt prorsus indicatus est.*] octogesimo igitur iudicario die affatim morbificis succis mitigatis, eiectisque humoribus, qui ad nutriendum idonei non erant, morbus penitus desijt.

Aegrotus septim. tert. de morb. vulg. post tempest. descript. Cap. IX.



*B*DERÆ virginem, quæ in sacra via decumbebat, febris cæpit acuta, & ardens: siticulosa erat, & insomnis: menses autem ei primum profluxerunt. eam sexto die multum cæpit fastidium: rubuit, horrebat, languebat. Septimo die eadem erant: vrinæ tenues, sed boni coloris: venter non vexabat. Octauo surditas, febris acuta, insomnis, fastidiosa, horrebatque; mentis erat compos; vrinæ similes. Non nihil est mutatum; nec proximis diebus; mansit item surditas. Quartodecimo mens perturbata fuit; febris remissior. Septimodecimo multum fluxit ex naribus: surditas nonnihil est imminuta. Sequentibus diebus eam fastidium, surditasque tenebant; eratque delira. Vigesimo ei pedes dolebant: surditas, & delirium eam deseruerunt: aliquantum e naribus erupit; sudauit; febre fuit liberata. Quarto, & vigesimo repelyt: redijt surditas: pedes assidue dolebant: mente excidit.

Vigesimo

*Vigesimo septimo multum sudauit: febre caruit: surditas eam reliquit.
restabat pedum dolor: cetero fuit exacte indicata.*

EXPLANATIO.



PRÆTER maligna, & salutaria decretoria quoque huius virginis historia nobis exhibebit indicia. HÆC FEBRIS *cæpit acuta, & ardens.*] Magna quippe, ut quæ impendio & mordax esset, & calida (talem enim in præsentia illæ notæ designant.) **SITICVLOSA** *erat, & insomnis.*] Flammeum pariter eum calorem, & illum quidem late diffusum sitis utpote frigidi, humidique desiderium, vigilæque veluti sentientis facultatis redundantes motus luculente monstrabant. **MENSES** *autem ei primum profluxerunt.*] Magna humorum erat copia, a qua natura grauata ad illorum eiectionem assurgens per vteri venas expellere tentauit. verum, cum morbus ab ea neque ex toto, neque ex parte desineret, illius diuturnitas designabatur. **EAM** *sexto die multum cæpit fastidium: rubuit, horrebat, languebat.*] Hac primum die terrificæ apparuerunt argumenta; multa scilicet cibi satietas, & corporis ad munera fungenda veluti torpor; illud vegetatricis facultatis, hic vero mouentis imbecillitatem ostendens. at rubor, vehementi calore sanguinem fundente; horror autem mordacibus excrementis corpus traicientibus, euenerunt. **SEPTIMO** *die eadem erant, vrinæ tenues, sed boni coloris.*] Inierunt modo noxiæ humores coctionem, sed obscuram vrinis solo colore naturalibus assimilatis. ex quo etiam perspicuum erat citra vigesimam non esse finem facturum, cum nisi septima die leuia hæc maturitatis signa exstarent. **VENTER** *non vexabat.*] Laborabat forte hæc mulier in pestilenti eo statu tertio de morb. vul. ab Hippocrate descripto; cui, cum præcipuum id, peculiareque esset agros ventris vitio interimere, tamquam rarum, quodque salutem ostenderet, apposuit, alium non effluxisse. **OCTAVO;** *surditas febris acuta; insomnis, fastidiosa, horrebatque; mentis erat compos; vrinæ similes.*] Ferebantur mali succi, præcipueque frigidi ad audientes meatus illuc a febrili calore impulsæ, qui grauem eum auditum effecerunt. **QUARTODECIMO** *mens perturbata fuit: febris remissior.*] Id quoque vergentium humorum ad caput, sed calidorum mordaciumque indicio fuit. iudicium ergo hæc signa prænunciabant, quæ tamen num denunciatione periculi, terrent, aut spe salutis consolatio-

ne

ne aliqua sustentarent, dubia adhuc erant, & suspiciosa. SEPTIMO DECIMO multum fluxit ex naribus, surditas est nonnihil imminuta.] Decima septima die, cuius decima quarta erat index, natura sanguinem e naribus effundente, surditateque propterea remittente, metus mortis diminuebatur. SEQUENTIBVS diebus eam fastidium, surditasque tenebant, eratque delirium.] Rursus hæc erant futuræ crisis testimonia. VIGESIMO ei pedes dolebant surditas, & delirium eam deseruerunt. aliquantum e naribus erupit, sudauit, febre fuit liberata.] Curam omnem fere sustulit magna hæc, repentinaque conuersio: sanguine enim e naribus erumpente, sudoreque e toto corpore manante, febris protinus euaniuit: surditas autem, & ipsa nunc discessit frigidis, qui eam efficiebant humoribus, ad pedes detrusis. infidus tamen erat hic morbi abitus, cum incocti etiamnum morborum humores existerent: unde timendum erat, ne reuersionem faceret. QUARTO, & vigesimo repetijt, redijt, surditas: pedes assidue dolebant; mente exiit. vigesimo septimo multum sudauit, febre caruit, surditas eam reliquit. restabat pedum dolor, cætero fuit exacte iudicata.] Ille morbosæ causæ, quæ a reliquo corpore ad pedes abscesserunt, vt a mala affectione id eripuerunt, sic crudæ adhuc existentes, post id tempus etiam pedes vexarunt.

Aegrotus nonus tert. de morb. vulg. post tempest.
descript. Cap. X.



B DERÆ Herophyto caput dolebat, nec decumbebat, quod tamen fecit paullo post. Hic ad superiorem viam habitabat, captus est febre ardente, & acuta. Primo vomuit multa biliosa, sitibundus multum implacidus: vrinæ tennes, nigra, suspensio sublimis interdum, interdum non: noctem habuit laboriosam: febris alias aliter exacerbatur, sed fere inordinate. Circa diem quartumdecimum surditas: febres creuerunt; vrinæ eadem fuerunt. Vigesimo multa delirauit; item que sequentibus diebus. Quadragesimo multum ex naribus sanguinis erupit, menteque constitit magis: surdus quidem, sed non perinde fuit: febres fuerunt remissæ. Proximis diebus crebro ex naribus sanguis, & paulatim, erupit. circa diem sexagesimum e naribus quidem subsisterunt, eruptiones; sed dextra coxendix admodum dolebat. febresque increuerunt. Haud multo post partes inferiores omnes dolebant. fiebat autem, vt vel febres maiores essent, maiorque surditas, vel hæc qui dem

dem remitterentur, alleuarenturq;: uerum partes inferiores ad coxendices sua uehementius dolerent. iam uero circa diem octogesimum cuncta remissa sunt; nihil tamen destitit: & enim urinae boni coloris, & copiosiores subsidentias habentes exierunt, deliriaq; imminuta sunt. Circa diem centesimum alius fuit turbata multis biliosis, durabantq; diu multa talia, deinde dysenterica cum dolore. reliqua leuia fuerunt. in summa febres cum reliquerunt; discessitq; surditas. Centesimo & uigesimo est absolute indicatus.

EXPLANATIO.



PROFERET nobis huius ægri casus illustrem, admirabilemque morbi, naturæque pugnam, hic enim fortissimus eius viribus grauem ægritudinem alioquin præcipitaturus sustinuit, tandemque confecit. primo scilicet die, quo febricitare, non quo capite dolere cœpit, aut decumbere: neque enim capitis dolor nisi consueta munia impediat, inter ægrotantium signa iure censetur, multominus cubare, vir enim fortis, vel negotijs distentus tardius; ignauus uero, timidusque celerius decumbere confreuerunt. **VOMUIT multa biliosa.**] Decretoriæ hæ vomitiones statim, simulque præterea cum aliis malis indiciis apparentes malum æque morbum designabant. **SITIBVNDVS; multum implacidus, urinae tenues, & nigrae: suspensio sublimis interdum, interdum non.**] Huiusmodi etiam hi casus erant: inquietudo enim grandem affectum, urinae uero ardentem calorem succos exurentem insequebantur. **NOCTEM habuit laboriosam.**] Grauis quoq; nox graue pariter malum monstrabat. **FEBRIS alias aliter exacerbabatur: sed fere inordinate.**] Ut varij erant humores varie, diuerseque putrescentes, sic diuersas, inordinatasque ciebant commotiones. talia ergo accidentia multum quidem dissimilia, at non dissimillima, timendum sane esse, haud tamen penitus desperandum admonebant. **CIRCA diem quartumdecimæ surditas: febres creuerunt. Urinae eadem fuerunt.**] Hactenus nullum nouum signum præter surditatem apparuit; quæ ex iudiciariis signis existens noxios succos ad caput inclinare monstrabat. **VIAGESIMO MULTVM delirauit, itemque sequentibus diebus.**] supra etiam ostendimus delirium ex his esse, quæ crissim portendunt: unde, num hæc fausta, aut terribilia essent indicia, deliberationem habebat. **QUADRAGESIMO MULTVM EX naribus, & sanguinis erupit; menteque constitit**
M magis

magis surdus quidem, sed non perinde fuit. febres fuerunt remissæ. proximis diebus crebro ex naribus sanguis erupit, & paulatim erupit.] Quadragesima dies, quam vigesima monstrarat, dubiam, obscuramque rem euoluit: sanguinis enim ea effusio cum morbosos affectus mitigarit, salutare notas fuisse proposuit. C I R C A diem sexagesimum e naribus quidem subfluerunt eruptiones; sed dextra coxendix admodum dolebat, febresque increuerunt.] Calidis tenuibusque humoribus exhaustis, crassi ad purgationemque inepti in infernos articulos abscederunt. H A V D multo post partes inferiores omnes dolebant, fiebat autem, ut vel febres maiores essent; maiorque surditas, vel hæc quidem remitterentur, allenarenturque; verum partes inferiores ad coxendices sitæ uehementius dolerent.] Huc, illucque noxi succi cum impellerentur, modo ad infernas partes delati tristem ipsis sentum rursus autem ad caput recurrentes surditatem maiorem, maioresque, febres concitabant. I A M vero circa diem octogesimum cuncta remissa sunt; nihil tamen desierit etenim urinae boni coloris, & copiosiores subsidientias habentes exierunt, deliriaque imminuta sunt.] Superior tandem esse cepit morborum causis fortissima natura: unde dolores ac febres, & deliria, quæ ijs maturescentibus, quasi umbræ consequebantur, in nihilum fere reciderunt. C I R C A diem centesimum alius fuit turbata multis biliosis; durabantque diu multa talia, deinde dysenterica cum dolore, reliqua lenia fuerunt. in summa febres eum reliquerunt; discessitque surditas. Centesimo & vigesimo absolute est indicatus.] Quos natura humores in sui naturam conuertere nequiuit, quamuis ad amicam, similemque qualitatem deduxisset tamquam onus superuacuum multo tempore deiecit, qui etiam cum calidi, mordacesque existerent, non iniuste tormina excitabant; centesimoque, & vigesimo die iudicio penitus disiectis, expulsi que victoriam plane reportauit.



In crissum

In crifum præfagitione exercitatio. Cap. XI.



V M iam hiftoriæ hæ vberem fignorum falutarium, terribiliumque copiam fuggellerint, exhauriendus eft hic fermo; ad Decretoriaſque notas conuertendus. Harum enim cum rariffima in ijs agrotantibus habeantur exempla, vt in illis quoque noſipſos ſatis commode exerceamus, traducendi ſunt quipiam ex Prognofticis morbi, in quibus ueluti in clariffimis documentis diuus Hippocrates nonnullos iudiciorum modos perſpicue, dilucideque ſic expreſſit; vt quaſi oculis intueri videantur. De inflammatione igitur hypocondrii tractans hæc ſcripta reliquit.

Ex Hippocrate primo prognoflicorum. De hypocondry tumoribus. Cap. XII.



E D E M A in hypocondrio durum, ac dolens peſſimum eſt, ſi fuerit circa totum hypocondrium: ſi vero fuerit in altera parte in ſiniſtra minus periculoſum eſt: ſignificant autem huiusmodi ædemata in principio periculum moris breui futura, ſi autem febris perſeuerans vigefimum diem transgrediatur, & ædema non ſubſiſtat, in ſuppurationem uertitur. Accidit his in primis circuitionibus ſanguinis naribus fluor, atq; admodum iuuat. Sed requirẽdum eſt, num doleant caput, an hebetudines ſubeant oculorum: ſiquid enim horum fuerit, eo tendet; magis tamen in iunioribus quinto & trigefimo anno ſanguinis fluorem, expectare oportet. Quæ uero mollia ſunt ædemata, & indolentia, & preſſa digitis cedunt, diuturniorem efficiunt indicationem at minus illis graua ſunt. ſi uero prætereat ſexageſimum diem, & febris detineat, nec deſiſtat ædema fore ſuppurationem hoc loco, & reliquo uentre ſignificat.

E X P L A N A T I O.

E D E M A in hypocondrio durum, ac dolens peſſimũ eſt, ſi fuerit circa totum hypocondrium.] Grauiſſimum (inquit) vitium eſt vniuerſarum partium, quæ charilagini ſubſunt, ventriculi nempe, rectoris, lienisq; inflammatione, hanc enim Hippocrates durum, & dolens ædema appellat) calida ſiquidem eſt affectio, quippe ex calidis humoribus, iisq; putreſcentibus oriens, longeq; præterea, lateq; patēs; nobiliſſimas adhuc ſedes, utpote cordi vicinas, arteriarũq; & uenarũ

M 2 interuentu

interuentu cum eo societatem habentes afflicti. *SI VERO in altera parte fuerit, in sinistra minus periculosum est.*] Mitior est, ubi sinistram solum regionem prehenderit: tunc enim solus lien inter enarrata membra obscurior afficitur. ex quo liquet inter utramque esse, si dextra tantum pars, cui iecur est subiectum, laborat. *SIGNIFICANT autem huiusmodi ademata in principio periculum mortis brevi futura.*] Cum enim huiusmodi inflammationes a continuis febribus nequeant diuelli, causæque earum magna vi nobilissimas corporis partes dissoluant, merito subitum terrorem incutiunt. *SI autem febris perseverans vigesimum diem transgrediatur, & adema non subsistat, in suppurationem vertitur.*] Acutiorum morborum, qui scilicet excretionem confici consueverunt, terminus est vigesimus dies. ubi ergo intra id spacium neque substiterint, neque conquieverint, nec inflammatio tenuiori portione in auram dispersa, in scirrum fuerit versa, vel prorsus digesto humore id ipsum efficiente, dissiecta (quod febris, tumorisque continuatio dilucide demonstrant) abscessum efficiet; nequeuntibus noxijs succis, vel ob eorum crassitiam, vel ob vias obstructas effundi. *ACCIDIT is in primis circuitionibus etiam sanguinis e naribus fluor atque admodum inuat.*] Merito quoque sanguinis e naribus eiectione hi iudicari consueverunt; cum & morbum conficiens humor sanguis sit, vel sanguine commixtus; prætereaque feruens ex se ad superas regiones inclinans; affectæque partes naribus iunctæ sint, & continuatæ. frequentissime autem id fit prima septimana, calidissimis tunc, qui iudicantur, existentibus humoribus: rarius secunda: rarissime sequentibus; morbis a seruido eo calore sensim, ut progrediuntur, declinantibus. *SED requirendum est, num doleant caput, an hebetudines subeant oculorum: si quid enim horum fuerit, eo tendet.* Minime dubiam hanc præcognitionem facient decretorij casus: ubi enim capitis dolor, ubi oculorum hebetudines, ubi lachrimæ inuadunt, ubi maxillarum, nariumque rubor mox apparuerit, sanguinis id profluvium, quasi certo futurum, expectabitur: eueniunt enim hæc, sanguine iam illuc irrepente. *MAGIS tamen in iunioribus quinto, & trigesimo anno sanguinis fluorem expectare oportet.*] Per hanc enim ætatem & sanguis, calorque abundat, & natura præterea viget. *QUÆ VERO MOLLIA sunt ademata, & indolentia, & pressa digitis cedunt, diuturniorem efficiunt iudicationem; ac minus illis grauiæ sunt.*] Non æque periculosi sunt molles tumores, qui digitis pressi in foueam excauantur, a posterioribus proprio nomine ademata appellati:
hi

hi enim ex pituita miti, frigidoque humore progenti, mitem quidem, sed diuturniorem, utpote succi visciditate, lentore, frigiditateque maturanti calori valde obstitentem morbum efficiunt. Si vero prætereat sexagesimum diem, & febris detineat, nec desistat oedema, fore suppurationem hoc loco, & reliquo ventre significat. Iure quoque ac merito hi tumores diuturniori tempore suppurantur, cum ut diximus difficilius multoque pariter intervallo mutationem suscipiant. Haftenus de hypocondrij inflammationibus; de capitis autem dolore hæc litteris consignavit.

Ex tertio prognost. De Capitis dolore. Cap. XIII.



CAPITIS dolores vehementes, & continui cum febris, si quod ex indicij exstiterit exitiosis, lethales admodum sunt. Si vero sine talibus indicij dolor vigesimum transeat diem, & febris detineat, sperare oportet sanguinis e naribus eruptionem, aut alium quempiam abscessum ad inferas sedes. Sed, quoad dolor fuerit recens, expectare oportet consimiliter sanguinis e naribus eruptionem, vel suppurationem, præsertim si dolor circa tempora, circa frontem fuerit.

EXPLANATIO.



HIVS orationis compositus sensus est. Ingens capitis dolor æque concitatus continuans cum febris, si una cum lethaliibus signis aduenerit, penitus mortiferus censendus: tunc enim non futurum aliquod iudicium, sed grauissimam cerebri affectionem ad cor itidem diffusam designat. at, si una cum salutaribus signis eluxerit (magni eo tempore morbi ex humoribus geniti, venturaque crisis nota) dum recens fuerit, sanguinis e naribus eruptionem, progressâ vero, & eam quidam, sed & suppurationem (sanguine ea mora ad pus conuerso) præmonstrabit. Verum si ultra vigesimam protrahatur, cum id nonnunquam ob succorû abundantiam, sæpius vero ob crassitiem, & cruditatem etieniat, interdum etiam huiusmodi profluuiû, frequenter autem suppurationem, aut abscessum portendet: potissimum vero sanguinis fluxus eueniet cum circa frontem,

frontem, & tempora vehemens, pulsansq; dolor affligerit: id enim illius regionis arterias feruido sanguine repletas esse demonstrat. *MAGIS autem oportet expectare sanguinis eruptionem in iunioribus trigésimum quintum annum agentibus; in senioribus vero suppurationem.*] Ductum est hoc argumentum, vt & in hypocondrij inflammatione, & noxi humoris natura, virumq; præterea robore: merito enim in illis, vt qui bilioso sanguine abundant, multumq; roboris habent, sanguinis fluor, in ijs autem contrarijs rationibus suppuratio, expectatur. De peripneumonicis adæq; commentatus, quæ via futuri abscessus præsentiantur, hisce verbis palam fecit.

De pulmonis inflammatione, ex secundo prognost.

Cap.

XIIII.



QUIBUSCUNQUE ex pulmonia abscessus circa aures fiunt, & suppurantur, vel ad inferas sedes & fistulantur, ij liberantur. Considerare autem oportet talia hunc in modum: si febris detinet, & dolor non cessauerit, & sputum non excernatur secundum rationem, neq; biliose fuerint alui deiectiones, neq; dissolutæ, atq; syncera, neque vrina valde multa, ac plurimum continens sedimentum: promittitur autem salubris ab omnibus alijs salutiferis signis; in his oportet huiusmodi abscessus futuros sperare.

EXPLANATIO.




SUNT omnes hi scopi, quos ad præuidendos futuros abscessus intuendos esse notauit, a natura morbi desumpti: magnus enim morbus est pulmonis inflammatio, vnde grandem æque, subitamq; mutationem efficere potest. Vbi igitur febris perpetuo affligit, nec dolor desistit (certa indicia ægrum adhuc graui eo morbo detineri) futura crisis spes ostenditur. Verum abscessum ne sit euentura, his rationibus definietur. Si enim sputum, vt par est non emititur, neq; biliosæ sint alui deiectiones, neq; dissolutæ, aut syncera, quæ excretionis significationem faciunt, in abscessum desinet. *Nec vrina valde multa, ac plurimum continens sedimentum.*] Inspectandæ etiam sunt vrinæ; nam lubricum est propositum morbi magnitudo, cum morbi prorogantur, ad præmonstrandum futurum abscessum: interdum siquidem euenit coctione etiam e conspectu

specu omniu auferri, illiusq; reliquias per urinas excerni. unde & in aphorismis Hippocrates scriptum reliquit: abscessum futurum ad articulos remouere urinam multam, crassam, albam factam. Si ergo urina quoque diu tenuis, crudaq; feratur, quæ crudos, crassos, ad excretionemq; ineptos esse humores ostendit, prælagitionem confirmabit. *PROMITTITVR autem salubris ab omnibus alijs salutaribus signis.*] Apposuit Hippocrates postremo hanc conditionem, vt ratam, penitusq; definitam præensionem efficeret. nam quamuis prædicta signa adsint, nisi quoque morbus a periculo tutus existat, fieri potest, vt huiusmodi crisis non eueniat. Vbi enim inter malas notas infirmæ naturæ signa existant, nullum morbus subibit iudicium. Cæterum, quæ sequuntur, inter decretoria signa habentur. *FIUNT hi eadem in partibus inferioribus, quibus circa hypocondria flammeus color innascitur.*] Hic enim eo confluentium humorum est initium. *IN superioribus vero, quibus hypocondrium flaccidum, ac sine dolore perscuerat.*]

Id siquidem, cum infernas pulmonis regiones nulla affectione tentari designet, ad supernas ferri demonstrat. *SI vero aliquando difficulter respirauerit, sine alia manifestâ occasione cessabit.*] Hæc item spirationis difficultas, quæ subito innascitur, definitq;, sine euidenti excretionem humorum per pulmones traicientium est argumentum.


F I N I S.



97

C E L S I
MARTINENGI
DE METHODIS

COMMENTARIVS,
AD PERILLVSTREM
COMITEM
VM
FRANC. MARTINENGVM.



CVM PRIVILEGIO.




V E N E T I I S,

Apud Ioan. Baptistam Somaschum.

M D XXCIH.

A D
PERILLVSTREM
 ORNATISSIMVMQVE
 COMITEM
 FRANC. MARTINENGVM.



*M*agna, & admirabilis est Virtutis uis, Comes ornatissime; ut quæ mortales ex terrenis his sordibus ad Diuorum similitudinem extollens, gloriam ipsis, cuius gradibus uidentur in cælum ascendere, paret; eximiaque eius forma uiros etiam nulla consuetudine coniunctos, quin penitus inuisos, in amorem sui rapiat. id ego in meipso expertum ingenue testari possum; qui cum bonorum incorruptam uocem de magnis, clarissimisque tuis Virtutibus iudicantium audiuissem; mirum; quos mihi igniculos tui colendi, amandiq. excitarit. Magnifica enim ea liberalitas, difficillima grauitatis cum humanitate coniunctio, fortitudinisq; & temperantie suauissimus ille concentus, quibus maxime fulges, sic animos non solum multitudinis, uerum etiam Principum admiratione permulcent; ut & Te mirifice diligant, summisque honoribus afficiant. Horum igitur uestigia & ego longe sequu-

a 2 tus,

tus, ut aduersus tam excellentem Virtutem, quam possum, & debeo, reuerentiam adhibeam; hæc publica mea monumenta dico, & dono: quæ si minus magnis tuis meritis respondent; at certe non erunt a grandi tuo animo aliena, cuius est parua, æque ac magna libenter, prompteq; accipere. Ea gitor uelut in quibus immortalis nominis tui memoria consecratur; ceuq; meæ in Te obseruantie expressa argumenta, benignus accipias, foueasq;. Ista enim honesta, grataq; uoluntate ad maiora me studia incensens, digniorem in posterum efficies, qui debitas Virtuti tuæ laudes possim exsoluere.



5

C E L S I

MARTINENGI

DE METHODIS

COMMENTARIUS.




Praefatio. Cap. I.



A quidem humanam mentem & intelligentiam consequitur ratio, ut ingenitis quamvis desiderij contemplandę veritatis igniculis sit accensę hanc tamen, seu magnę naturę obscuritate inuolutam, varijsque labyrinthis implexam, vix sine certarum artium auxilio e latebris eruere, atq; in lucem reuocare queat: illis enim, tanquam rectissimis semitis, errare non patientibus, cum tortuosos veritatis peragrat recessus, ingressa, minime vagatur, sed recta ad eam statim contendit via. Vnde non immerito Hippocrates, vir diuinus, eius generis rationes, vias rectas, posteriores Methodos, Cicero autem instituta, artesque agendi quidpiam nuncupauit. Sicut hęc olim maiores nostri progredientes rudes adhuc, vulgaresque scientias excoluere, fereque absoluerunt, ut propterea secuta ætas diuinos ipsis habuerit honores, eorumq; vestigia, velut quorundam numinum, sit consecrata. Hanc ergo frugiferam, oppidoque fructuosam rem cum & obscuram illustrare, & dispersam colligere in animum induxerim meum, initio vniuersam Methodi naturam vestigās eam deinceps in certas species diducam: subinde vniuscuiusque pręcepta, certasque vtendi vias, atq; eorum demum vsum subiiciens inceptam ad suscepti muneris finem orationem perducam.

Quid

Quid sit Methodus. Cap. II.



ED, quoniam Methodi vis est inuoluta ac plena controuersæ, altius res est inchoanda; huiusque inuentionis apertum aliquod, communemque initium statuendum; inde sensim, ac sensim ad minus commune, & ad proprium genus usque perueniendum. Principio igitur, cum omnium consensu detur, Methodum existere; consequitur vel esse quid per se subsistens, vel eius naturam in alijs possidere. at cum liqueat Methodum non esse in genere per se existentium, siquidem in animis nostris insedit, relinquitur in accidentium genere reperiri. Sed ex accidentibus quædam cum simplicia sint, Quanta nempe, Qualia, & quæ ad alterum referuntur; quædam vero compositionis speciem præferant; quia scilicet ex simplicium connexionem ortum ducunt; Methodus in horum pariter genere haud est collocanda. nam, cum ex corpore, & Quanto duo exoriantur rerum genera, Quando nimirum, & ubi; sub horum nullo Methodum reponi euident est: neque enim formam significat ex temporis infidentia illitam, neque circumscriptionem corporis a circumscriptione loci prodeuntem. Cum etiam ex substantiæ, & Qualitatis coniunctione duo alia rerum attributa emanent, quippe Actio, & Passio; in his quoque Methodus nec suam obtinet sedem. nam, quod non sit aliqua Actionis illatio, tam clarum est, ut nulla prorsus indigeat probatione. quod vero factum aliquod censendum non sit, quandam requirit ostensionem: quandoquidem cum distribuendo, componendo, finiendo, demonstrando, via quadam, & ratione progredi asseueremus; ex eo autem aliquid agere denominemur, non iniuria hæret animus, an sub hoc genere sit statuenda. Verum, si rem acius intueamur, nobis apertum fiet dissimilitudinem adesse: nam, si dispartientes, constringentes, terminantes Methodo progredimur, non ergo actio illa Methodus est, sed aliud quid. Hinc expresse Galenus asserbat Methodum communem quandam viam esse; eam tamen absque exercitatione artificem bonum minime posse efficere: quin alibi Methodum in vniuersalibus, exercitationem vero in singularibus consistere attestabatur. is igitur usus, eaque tractatio non est requisita Methodi vis: ex quo sub Actionis natura collocari iure non potest. iterum autem, cum ex substantiæ, & Relationis contextu ea forma gignatur, quæ ex quadam partium dispositione emergit,

ex

ex cuiusque, & alicuius rei arte constructæ compositione. Habendi modus existat, nullius istorum æque generum esse luce clarius apparet. Reliquum ergo est, ut cum in nullo compositorum consistat, in simplicium aliquo sit reponenda. simplicia autem accidentia cum partim absolute, partim in respectu considerentur; dubium aliquod potest insurgere, an de Relatiuorum natura existat: siquidem Methodus, ut Galenus memoriæ prodidit, ordinem habet; ordo autem est quædam prioris ad posterior relatio. Cæterum, quamuis ea, quæ Methodus concludit, ordine quodam sint disposita, dum scilicet primum aliquod tractandum proponitur, aliud secundum, tertium, & quartum; attamen ea dispositio Methodus non habetur, sed aliquid ipsi inhærens. Quare, cum de eorum, quæ in respectu sunt, serie non existat, relinquitur aliquod esse absolutum. absolutorum autem cum alia sint Quanta, alia Qualia; perspicuum etiam magis est, quam dici possit, aliquod quantum non esse. unde fit Methodum Qualitatis generi esse subijciendam. At, cum Qualitas adhuc sit aliquid commune nimis, ulterius progredientes, cum quædam animæ, quædam corporis sit, dubio procul Methodus animæ qualitas est, non corporis; neque vero totius animæ, sed eius tantum, quæ rationis, & consilij particeps est, intelligentiæ nimirum. nam, cum ex Galeno sit quoddam vniuersum, & absolutum; vniuersale autem nulli bi, præterquam in mente, subsistat; efficitur Methodum quandam mentis ipsius haberi qualitatem. Rursus autem, cum affectio hæc vel sit manens, & absoluta, quam habitum vocant, vel mouens; iure Methodus sub habitu erit reponenda. non enim, qui leuem obtinent Methodi cognitionem, Methodicos appellamus, sed qui in ea iam sint studiose versati, theorematibusque propositis, ex Methodo respondere facile possunt. Hucusque igitur Methodum mentis habitum esse, quod & Græci senserunt, intelligimus. Neque huic veritati, quæ tamquam in clarissima luce versatur, non ui quidam Philosophi tenebras obducunt; dum ea ratione mentis habitum non esse probare contendunt: quia, nec scientia, nec sapientia, nec intellectus, nec ars, nec prudentia censeri possit; hos enim solos esse Aristotelem Ethicorum sexto existimare siquidem neque animi constantes, & absolutæ perfectiones eo solum numero concluduntur; neque Aristotelis consilium eo in loco fuit singulas enumerare, sed eas solum; quibus animus res affirmando, aut negando, ut ipse fatetur, illustrat. at Methodus huiusmodi non est, sed ea forma, figuraue in animo insidens, ad quam aliquid, aut docetur, aut efficitur. Talem archetypum effinxit Plato in Philebo.

Philebo his, qui dicendi artem Methodo tradere cupiunt, hunc in modum perscribens. Quomodo scribere oporteat, si arte scripturi sumus, quo ad fieri poterit, exponam. Postquam dicendi facultas quædam animi tractio est, & oblectatio, futurum oratorem necesse est, quot species animus habet, cognoscere: hæc vero tot, talesque sunt, unde tales alii, alij tales efficiuntur. His ita distinctis, sermonum quoque tot, talesque sunt species. tales igitur animi talibus quibusdam sermonibus certa quadam de causa ad talia quædam facile persuadentur; aliter vero affecti aliquam ob causam minime. Galenus etiam singularum corporis humani partium usus vestigare proponens similem quandam formam sibi designauit: Et est primum totius corporis munus reperire; secundo quo modo grandiora membra ad illud conueniant; post hæc vero istorum quoque actionem deprehendere, quaque ratione ad eam pusillæ conspirent, inuenire; deinceps cuiusque instrumenti opus, officiumue meditari; postremo ex particulis, ex quibus illa coagmentantur, quamnam sit functionis initium, quæ vero solû usum quendam, utilitatemque afferat; scilicet, ut apte, tutoque suum officium exequi possit, commentari. Ad hanc normam singula in vniuersa ea tractatione dirigit, atque metitur. Vnde recte Quintilianus scribit Methodum breue esse compendium, scilicet totius operis paruum, contractamque descriptionem. Methodus igitur habitus ille mentis est, quem insequentes ad id, quod quærimus, recta progressum facimus. Ex hac autem affectione non in animo ea veritas gignitur, quæ affirmando, aut negando emergit: & ob id in eorum habituum numero aliqua ratione connumerari non potest. Ceterum, cum in omni meditationis genere, omnique cum nobilitate, tum obscura docendi uia, & ratione alio sint habitus, ut Aristoteles memoriæ prodidit, quorum alter experientia per varios singularium usus reperta, alter uero rei scientia nuncupatur; & est, ut testabatur Plato in Gorgia, qui per rationem est comparatus, ut proinde ex eo quisque causam eorum, quæ agit, vel efficit, uel commentatur, rationemque assignare possit; Methodus profecto rei naturam, rationemque magistram habuit. hinc aiebat Galenus cauendum esse, ne simul utraque & Methodum, quæ rationi innititur, & experientiam, quæ ratione non utitur, agitemus: male enim commisceri, & confundi. inde etiam empirici probabilis coniectura fatentur, nec inueniendi, nec docendi apud ipsos ordinem, uel Methodum necessariam esse: nam, neque arte ulla, rationeue experientiam niti, immo unius fortunæ fauorem ad ea, quæ quærit, inuenienda requirere: quemadmodum,

modum, qui rationem eorum inquisitionis caput statuere, ordinem, unamque viam, quæ deduceret, quo illi intendunt, sibi proposuerunt. Vnde Plato cuiusque rei naturam, de qua artem aliquam constituere volumus, accurate indagandam esse præcipiebat: quia, cum Methodis connexionem consensumque habet. Huiusce ergo rei summam colligentes asserimus Methodum cum esse mentis habitum ex rei natura comparatum, quem intuentes non aberramus, cum occultæ rei cognitionem inquirimus; siue eam solius veritatis amorem, siue alicuius operis gratia exquiramus hoc modo finiebat Cicero esse viam, artem, rationemque agendi quidpiam. Quare id tanquam consecrarium eliciendum, veram, solidamque Methodum necessariam quandam constitutionem habere. quodcunque enim a rerum natura emanat, fatalem ueluti quandam consequentiam tenet. & propterea illæ procedendi viæ, quæ uel a frequentius euenientibus, uel a cognitu facilioribus, uel a dignioribus exordium esse notant; quemadmodum in libro de partibus animalium affirmabat Aristoteles se prius hominis, ueluti diuinitatis participis, quam aliorum animantium particulas tractasse; nisi præterea inter se nexa, & iugata fuerint, haudquaquam intelligendi, faciendiue rectæ rationes appellabuntur. non enim ea, quæ frequentius accidunt cum his, quæ raro, uel faciliora, aut digniora cum difficilioribus, minusque honestis sunt continuata, ex necessitateque nexa. Mirabilis ergo utilitatis Methodus fructum affert, quid enim præclarum re ipsa faciet, qui aliquod opus efficere molitur; nisi aliquam illius speciem intueatur, atque eam sibi proponat exemplar? Memoria præterea lumen præstat: quæ enim Methodo sunt designata, ita inter se apta sunt, & coherentia, ut uno perspecto reliqua etiam fere in mentem ueniant.

De Methodi differentijs. Cap. III.



ERUN, cum Methodus diuidua existat, non est desistendum, quamdiu ad ultimas illius species non peruenimus. Vnde singula, quæ ab uniuersa eius natura continentur, inspectantes primæ, latissimeque patentes in conspectu se dant dissimilitudines hæ: quod nonnullæ Methodi cōmunes, quædā propriæ, & quasi germanæ existant. Vna siquidē Methodus est, quā Galenus, ut diximus, sibi proposuit in libris de usu partium, ad uenandos singulos membrorum corporis humani usus. Ab hac distāt ī libris de locis affectis ad morbos,
 b eorumque;

eorumq; sedes uestigandas editæ; singulisque morborum speciebus proprias medendi methodos esse propositas idem Auctor asseuerabat. quin innumeræ fere uarijs in locis ab eo traduntur. cum enim ex natura rerum ortum trahant, pro earum uarietate dissimiles quoque illas exsurgere est necessum. Ceterum priuatæ hæc uia a communi quadam suum habent ortum, uniuersasque præterea rationes requirunt, ad quas ea, quæ arcte, obscureq; ab ipsis sunt proposita, fuscæ, aperteque explicentur. peculiare igitur Methodos proprijs quoque artificibus relinquentes, communes nunc tractandas suscipimus. In his ergo, si quæ insunt, uarietates contueamur. Duas autem primum insidere agnoscimus. quemadmodum enim ea, quæ uestigantur, uel una sunt, ut lunæ defectus; iustum natura ne, an lege potius, & institutione hominum steret; uel multiplicia, ut quæ multa præcepta, pluresq; notiones concludunt, comprehenduntque; sic duo prima genera exstant, quæ sitas has res, obscurasq; aperientia. Rursus autem cum unum id, quod quærimus uel sit rei substantia, uel quod illi inhæret, accidens; inde etiam duæ pariter Methodi prodeunt, Demonstrans, & finiens; hæc quidem ad rei alicuius proprias potestates breuiter, absoluteque exponendas; illa uero ad ea, quæ substantiæ insunt, cum sunt occulta, argumentis, & quasi notis quibusdam indicanda. Non dissimili ratione multis notionibus una coniunctis euoluendis, duæ uicissim rationes adhibentur. quædam enim uni rei, ueluti coherentes, ut ad unum finem relatæ; sicuti omnia præcepta medica sanitati insidere dicuntur, Resolutoria uocata methodo ex rei quæsitæ uis, tamquam ex clarissima indice eliciuntur; quædam uero naturæ affinitate coniunctæ, aliæq; ex alijs nexæ; & omnes inter se aptæ, & colligatæ certis alijs uis exponuntur, & separantur. vna siquidem ab ea potestate, qua inter se conueniunt, incipiens seriatim ad unius cuiusque proprias progressum facit; alia autem contra a peculiari ui ad communem adscendit; tertia quædam est ex utriusque compositione facta simul, & unum, quatenus dissimilitudinem in se comprehendit; distribuens, & quæ multa sunt, quantum similia, in unum constringens. Hac igitur illæ sunt, de quibus diuinus Plato in Philebo memorabat: Vnum, ac multa rationibus idem facta omnem ubique orationem, & quondam, & nunc peruagari: quod, ut numquam futurum non est, ita nunc primum haud cœpit, sed est in hoc disputationum genere immortalis quædam, inquit, & numquam senescens, insitq; nobis ratio. eam cum primum adolescens aliquis gustauit, secum ipse cōgratulatur, quasi quendam thesaurum sapientiæ nactus, & uoluptate plenus exultat, ac furit; omnemq; disputationem prompte

prompte pertentat, atque sermonem vndiq; discutit, tum quidem in alteram partem reflectens, & in vnum commiscens; tum vero explicans iterum, & in multa distribuens. Proportionem ergo cōparationemque habent Methodi hęc multiplices res excogitantes cum his, quę vnas illustrent. Resolutoria enim ex rei vestigatavi, tamquam ex origine agenda, consuetariaque quamuis citra ratiocinationem, colligens nullam aliam vim præter Demonstrantem obsidet: istæ vero, Diuidens scilicet, Componens, similiaq; & dissimilia Distinguens, plurium rerum communione quadam inter se iunctarum potestates discrete explicantes; veluti multas definitiones coniunctim expromunt. Tot igitur Methodi species existunt.

De Demonstratiua Methodo. Cap. IIII.

SE d eas expressius designaturi a Demonstrandi via initium sumemus: hæc enim omnium est nobilissima: huic, tamquam fundo, reliquæ fere innituntur. ea igitur est habitus intellectus ex rei natura cōparatus, quem intuentes non erramus, vbi eorū, quę latent substantiæ inhererent, veritatem inquirimus. Duorum enim generum cum sint, vt superius diximus, ea vna, quę in hominum ignoratione versantur, rei scilicet vis, & ea, quę illi insident, accidētia; Demonstratio ea est, quę substantiæ inherētia plana facit, vt Definitio subiectam ipsis naturam: illa enim cum sæpius natura in profundo sic abscondat, vt ex se animos nostros ferire non possint, ratio quædam excogitanda erat, quę ex euidentibus, perceptisque rebus, quasi ex notis, & signis, ad ea obscura, & inuoluta nos deduceret. natura enim nobis paruas quasdam rerum maximarum notitias, tamquam scientiæ fundamenta, aperuit; quibus sine vllō animi motu, sineq; demonstratione fidem adhibentes in illorum deinde cognitionem deueniamus. Vnde Academici illi, & Pyrronij, tamquam fatui, procul abigantur, qui nihil certo comprehendī posse asseuerabant. hinc æq; illi deridentur, qui de euidentibus rebus sententiam non sensibus, sed demonstratione ferre conantur. ex quo & Democritus, quando perspicua, aperta q; vituperabat, vbi dixisset, lege color, lege dulce, lege amarum; vera autē atomus, & vacuū, finxit sensus aduersus cogitationem in hunc modum loqui: Misera mens, quę cum a nobis fidem assumpseris, nos deicis; at, cum nos deijcis, tu ipsa cadis. Vnde Lucretius:

b 2 Inuenies

*Inuenies primis absentibus esse creatam
Notitiam Veri, neque sensus posse refelli:
Qui, nisi sint ueri, ratio quoque falsa sit omnis.*

CETERVM non quælibet euidentia, neque singulæ notæ promiscue ad unaquæque declaranda conueniet. cum enim uaria, dissimiliaque sint rerum genera, sola ea, quæ ex sua ui assumuntur, uelut certa, & peculiaria signa, quasque proprii termini quæsitam notionem ab uniuersis alijs separantes ad uerum nos dirigunt, atque deducunt. Id Plato uoluit, cum omnis inuentionis unum optimum esse initium affirmauerit rei propositæ cognitionem. Id etiam passim Galenus attestabatur; caput unum fore inueniens, ad quod, tamquam ad scopum, uniuersa singularium perquisitio dirigitur; ab ipsa nempe quæsitæ rei substantia accommodatas ad rem sumptiones esse hauriendas; ut scilicet finitione rei, quæ in controuersiam uenit, explicata, ea, tamquam regula, & norma rerum omnium, quæ sigillatim erunt dicendæ, utamur. Vnde hac ratione necessariæ sumptiones ad dialecticis, oratorijs, & captiosis distinguuntur. quæ enim ab his, quæ propositæ rei accidunt, sed foris assumuntur, dialecticæ, siue locales, aut exercitatoriæ nuncupantur. quæ uero ab his etiam sunt remotiores, maximeque exemplis, inductionibus, testimonijs innitantur, oratoriæ; quod si uocabuli figuris, nominisque communibus ad fraudem callide sint concinnatæ, captiosæ dici consueuerunt. Multus igitur usus adhibendus, ut probabiles a demonstrantibus inter noscamus. similitudinem enim inter se habent; ex qua Medici, ac Philosophi in magna uarietate, ac dissensione sunt constituti; dum scilicet nequiuertunt ea, quæ in sola posita sunt coniectura, ab his, quæ necessitate quadam adstricta res consequuntur, aut repugnant, interstinguere. imitantur etiam sæpe, quæ solo mentis sensu finguntur, nullamque ab euidentibus fidem accipiunt, ea, quæ necessario demonstrant. cauendum igitur erit ueritatis inquisitione, tamquam certa, habeantur, aut in quibus nulla possit esse dubitatio. ex quo Plato in Thimoco physicam rationem, auspicaturus, Ne memineris, inquit, o Socrates, si cum multi de Dijs, deque Mundi generatione multa iam dixerint, rationes de ijs exactissimas adferre non possim: satis enim factum putare debebis, si non minus probabiles, quam quæ uis alius, rationes adducam. æquum enim est meminisse, & me, qui disseram, & uos, qui iudicabitis, homines esse; ut si probabiliora dicentur, nihil ulterius requiratis. ita etiam, quæ de anima disputauit, probabilitatem, uerique similitudinem habere affirmat;

sic

sic scribens : Quid igitur anima mortale, quid diuinum habeat, & ubi, & quibuscum, & quare hæc inter se disunctæ sint, diximus: at, quod re vera ita sit, vt diximus, ita demum asseremus, si diuinum affirmaret oraculum. quod uero uerissimile sit, ita esse, & nunc, deinceps diligentius etiam inuestigando asseuerare non dubitamus. Quare mirari sæpe Philosophos istos mihi subit, cum ea, quæ coniectura tantum assequuntur, tamquam certa, & minime dubia mor dicus tenent. vnde non raro uel a diuinitus relatis, uel ab euidentibus ipsis redarguuntur. Non aliunde ergo firma ueritatis opinio in animo est constituenda; quam ex euidentium testimonio, & consensu. ubi autem hæc ei fidem non fecerint, quolibet excogitatio veri solum consentanea erit existimanda.

In eadem Methodo exercitatio.

Cap. V.




MÆc sunt præcepta, & quasi viæ, quæ nos ad Demonstrationem ferent; sed vsus his, consuetudoq; adhibenda. hæc enim, vt multorum ingenium, artemque sæpe vicit, sic ne vlli vnquam, qui vniuersas has rationes assidua meditatione tractare neglexerunt, ad hominum existimationem latius demanarunt. Exempli igitur gratia quæsitum illud tum Medicis, tum Philosophis peruium discutiendum proponamus. Est autem: Quanam in parte corporis animæ principatus existat; animæ, inquam, quæ sensum, quæ motum, quæ appetitum habet. in quo theoremate, vt constat, res quæsitæ est Principatus. Principatus autem, vt omnes consentiunt, animæ est; vnde & sensus, & motus, qui voluntatis impulsu fit, initium existit: hæc enim est quæsitæ rei potestas. Qui ergo membrum aliquod in se eundem principatum habere necessaria ratione concludere voluerit, non ex alia conficiet, quam, quod motio, quæ cum appetitu fit, in reliqua animantium membra ex eo emanet, atque in id sensus omnis redeat, ac reflectatur, cum autem facultatum harum dispensatio idonea, aptaq; quibus fieri valeat, instrumeta requirat; velut vti tali facultati arterias natura dedit; hinc fit, vt huius quæsitæ veritas, præterquam ex animalium dissectione euidentius colligi nequeat, in quibus, oculis ipsis, a quanam parte facultatum harum conceptacula, tamquam a fonte, deriuët, licet intueri. vnde & Aristoteles ad probandum harum virium sedem in corde existere, huiusmodi usus est argumento; quia scilicet neruorum copiam in se habere conspicitur. quamquam fallum hoc esse ab Anatomicis. ipsis
sine

sine vlla dubitatione sit animaduersum, hi enim cerebrum eorum
 valorum, quæ sensum, & motum in omnia animantis membra
 traducunt, neruos appellant, caput, initiumque esse assenerunt.
 Quare ad probandum harum facultatum cerebrum, vt Hippocra-
 ti, Platonique visum est, sensus, motusque esse principium, vna
 ex necessarijs assumptionibus hæc erit. Quod, videlicet, sicut ar-
 teriarum cor, ita cerebrum neruorum omnium caput existit. Ac-
 commodatas etiam ad hoc ostendendum ex euidenti illo propo-
 sitiones hauriemus: Quia, sicut, corde affecto, arteriarum percus-
 sio ab ipso exorians iniuriam patitur; in toto vero animanti offen-
 siunculam aliquam factam esse non apparet; sic, cerebri ventricu-
 lis collisis, vel vulneratis animal repente, quasi profundissimo som-
 no, comprehensum arteriarum, cordisque motu ille so, collabi-
 tur: perspicuum sane argumentum ex his tamquam ex fonte, sen-
 tientem, mouentemque vim omnem prodire. Ex morborum pa-
 riter manifestario testimonio hoc potest comprobari. nam, si cere-
 brum in morbo sit, sensus, motusque priuatio subsequitur; si cor
 laboret, nil huiusmodi euenit; sed syncopen vitalis facultatis
 affectum, eius incommodum excipit. Cæterum, quia Aristote-
 lis asseclæ suis sententijs addicti, & consecrati, vt ipsum tueren-
 tur, (etsi inepte admodum; cum hæc eius minime fuerit opinio)
 asseruerunt, cerebrum, quamuis omnium neruorū origo sit (hoc
 enim rei euidentia fateri coacti sunt) vim tamen, facultatemque
 sentiendi, ac mouendi a corde accipere, vt quasi magni regis præ-
 fectus secundam quandam, non primariam obtineat originem.
 Huius etiam rei cognitio ex apertissimis in anatomicis administra-
 tionibus obseruatis perspicue prometur. siquidem, arterijs omni-
 bus (facultatis enim vniuersæ a corde prouenientis semitæ sunt)
 ad caput tendentibus laqueo adstrictis, arteriarum tantum mo-
 tus supra compressionem existentium spoliatio, nulla autem pror-
 sus sensus, aut motus voluntarij lesio eueniet: quam tamen, si quæ-
 admodum arterijs pulsum, ita & sentientem, mouentemque ex
 voluntate cor cerebro impertiret, consequi esset necesse. Hæ
 ergo sumptiones omnes, quia mouentem sentientemque vim
 totam a cerebro prodire demonstrant, iure ac merito necessariam
 consecutionem efficiunt: a quæsitæ enim rei natura, nempe Prin-
 cipatus, suum duxerunt ortum; prætereaque apertæ sunt, ante
 oculosque positæ. contra vero Peripateticorum rationes, & quia a
 quæsitæ rei natura, & quia ab euidentibus non assumuntur, ineffi-
 caces, falsæqueprehenduntur; quemadmodum, exempli causæ
 dum tali vtuntur argumento: Vnde principium alimenti est, ibi
 quoque

quoque animæ principatus; in corde alimenti principium est, ergo & animæ principatus. quælibet enim harum assumptionum inanis existit: nam, dum inquirunt. Vbi principium est alimenti, ibi quoque est animæ sentientis, & mouentis principatus. hoc tamquam falsum inficias inus: quinetiam, cum sit ex se obscurum, quomodo alijs lumen, claritatemque adferet? insuper assumptum hoc a perspicuis reuincitur. nam iecur altricis facultatis esse principium, cum omnium venarum sit initium, re ipsa conuincitur, tamen nec ipsi, nec quiuvis alij vnquam sensus, aut motus principium esse asseuerarent. Redarguemus necnon alteram propositionem. In corde nempe nutritionis esse principium: quæ cum itidē sit suspiciosa, qua via rem dubiam, manifestam, apertamque faciet? præterea, cum hoc in controuersiam cadat, ipsi nihilominus quæsitum tamquam concessum assumunt. pari etiam ratione dum tale adstruunt argumentum: vnde spiritus suppetit, ibi animæ est principium; ex corde autem suppetit; in corde ergo animæ primæ existunt. Dum, inquirunt, spiritum ex corde prodire; si animale ipsum intelligunt, id ipsam, quod in quæstionem venit, assumunt; si vitalem, nulla est illatio. En igitur quo pacto a recto tramite, nempe a quæsita rei natura, ab evidentibusque deflecentes, perinde ac cocci, longius a veritate recedunt. Quodcumque ergo extra hanc rationem accipitur, inane, & a proposito alienum existimari debet.

Definiua Methodo. Cap. VI.



DE finientem Methodum prosequamur; cuius singularis utilitas, eximiaque pulchritudo in eo elucet, quod quæuis. inueniendi, ac docendi recta via ex definitione originem ducit: non enim diuidere, non componere, non resolueret, nec quæ similia sunt, vnire, distinguereque dissimilia, neque demonstrare tandem citra hanc Methodum valemus; ut propterea in re omni disquirenda a quæsita rei natura, quæ finitione exprimitur, semper inchoandum esse Plato existimauerit. At vniuersam illius vim explicantes, asserimus habitum esse mentis ex rei natura comparatum; quem imitamur ad rerum inuolutas notionem euoluendas. Verum quid per notionem est intelligendum? notio est infra ea, & ante percepta cuiusque formæ cognitio, quæ alicui verbo est subiecta, enodationis indigens. homo enim exempli gratia, nomen est confusam quandam intelligentiam significans,

significans, quam de eo verbo omnes habemus. hanc igitur in singulas, simplicesque illius potestates diffiniendo dissoluimus; per definitionem enim minimæ, elementaresque definitæ rei cognitiones sic distinguuntur, ut & discrete, & coniunctim propositæ illius perfectam, absolutamque scientiam apportent. si ergo per finitionem vniuersam rei vim, & speciem comprehendimus; per formam autem res vna vi, atque vna consensione naturæ sunt constrictæ; sequitur ea tantum, quorum est vna naturæ ratio, posse finiri. unde non vna definitione describuntur, quæ non vnā habent speciem, licet vno nomine notentur. sic Aristoteles aiebat: ad tollendam finitionem nos argumentari posse; si plurium rerum quæ vno vocabulo appellantur, vnā definitionem quispiam assignauerit. alibique, ea, quæ ex diuersis connexa sunt intelligentijs, definiri non posse asseuerabat; quemadmodum Album. Albū enim, cum & albedinem, & corpus in diuersis rerum attributis existentibus designet, haudquaquam finiri potest. siquidem, quæ ab eo notantur, ad vnā quandam vim, & significationem reduci nequeunt: separatim igitur finienda veniunt. Quod, si notio aliqua sit, cui necessario aliquod alterius generis commiscetur; quemadmodum fæminæ cognitio; quæ non, ut Albedo sine corpore, sic & ipsa sine animali finiri potest. huiusmodi quidem definitur, sed quadam ex parte, & per additamentum, ut Aristoteles aiebat: non enim in totum illius vis per ea, quæ inherent in rei natura, exprimitur; sed per ea, quæ foris insunt, designatur, perinde ut accidentia pureque res, ut anima quæ ex his, quæ ipsis sunt subiecta, describitur. Rursus, si hæc notio, quæ definitur, est plurium intelligentiarum coniunctio, & confusio, sequitur solitarius, simplicesque res propriæ non definiri; cuiusmodi sunt summa rerum genera: solam enim, apertamque possident significationem. unde nullum errorem, nullamque perturbationem animis afferre possunt; ideoque nullam Methodum, nullamque intelligendi vim expostulant; nec item indiuidua in eo, quod indiuidua non enim propriam aliquam habent vim, quæ finitione indigeat. ea propter Aristoteles asseuerabat finitionem non secus, ac Demonstrationem vniuersalium esse. solius igitur speciei, siue generis, modoque alijs subiiciatur, est definitio: hæc enim ex communi, & propria quadam notione, quæ genere explicantur, & differentia coagmentantur. Cum ergo quorum sit finitio, iam pateat, reliquum est, ut artem, seu fines, & scopos proponamus; quos intuetes in conficiendis definitionibus non aberrabimus. Quoniam igitur cognitionis gratia definitiones assignantur, oportet, ut restatum

statum reliquit Aristoteles, verbis vſitatis, proprięque demōſtrantibus ea, quę declarare, & ſignificare volumus, vti: vnde ab ambiguis nominibus eſt abſtinendum: multiplex enim eorum poteſtas animum æque in ancipitem ſenſum diſtrahit, hærentem quę reddit. ſimiliter, ſi ab eo, quod eſt definiendum, plura ſignificentur, qua ſignificatione vti velimus, indicandum. vitanda etiam ſunt translata nomina ob eandem rationem; ſi coram calumniatoribus, litigioſiſq; eſt ſermo: huiuſmodi enim ob eorum ambiguitatem facile eo trahi poſſunt, quo quiſque contradicens velit. ſed, quod ad rem ſpectat; cum Definitionis propoſitum ſit rerū poteſtates ante permixtas, & confuſas exponere, inde conſequitur in germana, & quaſi legitima definitione ſolas rerum formas conuenire: nil enim niſi iſtarum pulſu percipi, cogitariq; poteſt. ex quo liquet materiam, vt etiam teſtatum reliquit Ariſtoteles, ad definitiones non aſſumitur: rudis ſiquidem, informiſque exiſtens nullas imagines, nullaſq; ſimulacra excitat, animoq; obijcit. Cum igitur vnęquęq; res & per communem, & propriam formam, quę genere explicatur, & differētia proprias obtineat poteſtates; iure hæ ſingulorum vim exprimendam erunt accipiendę. Id eſt, quod Ariſtoteles aſſeuerabat: Oportere eū, qui finit, in genere ponentē differentias adiungere: his. n. quaſi terminis, circunſcribitur queſita natura, ab alijsq; ſeparatur genere enim a ceteris, differentia vero ab his, quę ſub eodem genere continentur, diuortiū facit. Vnde efficiens, & finis, ſi res perfectę, abſolutęq; deſcribuntur, apponi non debēt: nam ſic aliquid redundaret: inſita enim rei principia ſola poſſunt vniuerſę rei vim exacte explicare; vt etiam affirmabat Ariſtoteles. Verum, ſi eorū, quę gignuntur, natura perſcribitur; optima, Galeno auctore, ea cenſetur definitio, quę cauſam complectitur efficientē. ſic Ariſtoteles vocem deſcribens, aeris eſſe percuſſionē aſſeuerabat: Galenus Dolorem eſſe tritem ſenſum. Sed quodnam genus in finitione eſt collocandum? ſi formas omnes rei vim conſtituētes ad definiendum neceſſarias eſſe recte oſtendimus; operepretium eſt proximum genus in ea collocare: qui enim proximum dixit, omnia ſuperiora intellexit; ſiquidem ea de inferioribus dicūtur. Quare aut proximum genus apponendum, aut differētias omnes, per quas illud finitur, numerare oportebit; quod maxime, dum proximum genus erit innominatum, faciemus. huic autem generi, vniuerſaliq; formę propriam addimus poteſtatē: hac enim illa contrahitur, ad peculiaremq; finiti notionē adducitur. ſi autem vltimę, proprięq; notionēs apertę, planęque eſſent, non æque facilis in finiendō eſſet lapſus; verum, quia plerumque deliteſcunt, quę il-

c lis

lis adhærent, accipere coacti, hæcque communibus consimilia, in falsam nos alliciunt opinionem. scopos igitur tenere oportet, quos intuentes a recta via non decedamus. sed qua ratione differentiæ inueniantur, Diuidenti Methodo relinquentes, id nunc solum, quod Finitioni proprium est, attingemus. non enim omnes, quæ ad Diuisionem, itidem ad Definitionem conducunt. nam, cum solæ illæ ad finiendum sint aptæ, ut Plato in Sophista est auctor, quæ generi additæ speciem constituunt, ob id ea differentia, quæ genus negatione diducit, Aristotele teste, nisi priuatio definiatur, rei naturam nequit describere. nihil enim, quod sit, negatio constituit. neque differentiæ, quæ secundum membra, speciesque interdum accipiuntur, ut dicemus, de Methodo Diuidente agentes, in Finitione sunt assignandæ: idem enim, quod stultum est, per idem describeremus. reliquæ igitur, quæ nempe contrariæ opponuntur, aut ex habitu, & priuatione venient assumendæ. sed in his illud obseruandum, in quo sæpius errare contingit; quod, etsi eadem differentia, quæ in Finitione assumitur, alterius sit generis, quod velare definita contineatur, vel eam contineat; superuacaneum tamen est aliquid aliud Finitioni addere: gressibile enim animal, & volatile, & si bipedem pro differentia habeant; hæc tamen vna in utroque genere apta est, ut Aristoteles memoriæ prodidit, ad eorum species constituendas. Animaduertendū præterea, ne plures, nisi opus fuerit, in Finitione ponamus differentias; ut in Hominis ratione præter rationale, scientiæ capax: nam &, eo ablato, reliqua oratio propria est, abundeque rei definitæ vim exprimit: vnde redundat, quicquid adiungitur. potissimum si ex diuisione eius rei adiciatur, quæ finienda venit. sed hæc regulæ, & aliæ, quæ passim proponuntur, in enumeratis continentur. vnus enim maxime patens est scopus, ad quem animū intendere oportet, ne quid absit, quidue redundet, sed veluti circulus, finitum, finitioque, ut aiebat Aristoteles, ad se inuicem conuertantur. Hactenus ergo, quale genus, qualisque differentia in Definitione ascisci debeant, satis explicatum velimus. sed qua ratione genus proximum, differentialque venabimur? porro, cum obscuritate inuoluta naturæ lateant, non alterius rei, nisi Methodi, auxilio euoluentur. Hinc Plato, Aristotelesque Dissolutoriam, & componentem Methodum ad conquirendas definitiones maxime necessarias esse tradiderunt: quamquam Plato Diuisionē, Aristoteles vero Constructionem prætulit. sed vnicuique sua est virtus: facilius est enim Definitionem Componente Methodo indagare, quam Diuidente: nam ab euentibus, quippe indiuisi-

duis, 

duis, sumit initium. at Diuisio per generum differentias commo-
dissima est ad sumendum, quod per se, & vniuersaliter dicitur: or-
dine enim quodam incedit, quasi gradatim incernendo, & seligē-
do, quæ per se adsint. verum id efficere nemini licet, nisi cui ani-
mus ex multa meditatione vniuersis, communibusque rerum sum-
mis iam assueuerit. sed quo pacto per Diuisionem Definitio exqui-
ratur ex nostro progressu in Methodi natura indaganda patere po-
test. Quare illud vnum relinquitur, vt Compositiue Methodi v-
sum hoc illustremus exemplo. si ergo Hominis finitionem hac via
consequi in mentem venerit, necessarium erit, vt quæcunque hu-
manis indiuiduis per se insint, ad eiusque constituendam naturam
conueniunt, acriter intueamur; cumque & per se subsistere, &
corporea, animataque tum vegetali, tum sentiente anima esse re-
pererimus, hæc quibus cum aliis consensum habent, generis lo-
co statuemus; sicque asseuerabimus Hominem substantiam esse cor-
poream, animatam, sentientem: vel communem tantum illam
proximam naturam, in qua reliquæ etiam continentur, assumen-
tes, animal esse destinabimus. rursus autem nobiscum querere
oportebit, quid ijs solis conueniat, per quodque suam obtineât
potestatem; id enim differentie nomine inuento iam generi subij-
cietur. vnde, cum ratio ita hominibus insit, vt non ceteris animâ-
tibus; hæcque sit eorum vis, & potestas, illam animanti annectē-
tes Hominis huiusmodi constituemus definitionem, Animal, scili-
cet, rationale. nec dispar ratio in generibus, quæ in alias species
distribuuntur, finiendis erit insequenda. primum enim specierum
omnium definitiones sub eo genere iacentium promentur; ad id-
que, quod omnibus est commune, mens origitur; vt si, quid sit
linea inquirere voluerimus, cum has species complectatur, rectâ,
circumductam, curuam; linea autem recta longitudo sit citra la-
titudinem, cuius puncta media non prominent ab extremis; Cir-
cumducta vero longitudo citra latitudinem, ad cuius summum li-
neæ omnes a centro ductæ sunt pares; Curua pariter longitudo ci-
tra latitudinem, flexuosa; in omnibus hisce definitionibus, quo-
niam longitudo citra latitudinem, vt quiddam commune ponitur
hoc erit reponendum: rursus deinde inspectandum, quænam aliæ
notiones eius naturam constituentes illi insint, & quoniam Quan-
tum esse perspicitur, hoc sumendum erit, & cum communi illo,
quod in specierum omnium finitionibus comperimus, annecten-
dum; sicque erit tota lineæ definitio, Quantitas citra latitudinem
longa.

De Resolutoria Methodo. Cap. VII.

SED Resolutoriam Methodum aggrediamur, quæ, etsi multiplicem, ancipitemque habeat potestatem, nunc tamen reliquas, utpote sub alijs Methodis contentas significationes relinquentes hoc nomine eum solum mentis habitum intelligimus, quo duce a rei quæsitæ natura consequentia sine ratiocinatione, sineque experientia elicimus. sic enim, cum rei natura nonnullæ notiones, præceptaue necessario coherent, ut ea dilucide proposita hæc quoque nullo fere animi motu, tamquam consecutaria in mentem veniant. continuo exhauriunt, & Empirici ex aliquo facienda; hoc siquidem illud consequi affirmant, vel anteire, aut cum eo consistere, sed non tamquam ab eo indicata, neque veluti ei, quod sumitur, consentanea. unde iure illorum artem memoriam solum, observationemque appellant. sic etiam qui ratiocinantur, quibusdam positis, alia pariter utpote consequentia subiiciunt. verum hæc inter se ratione quadam, diligentique, & considerata excogitatione connectunt: proportionem ergo, similitudinemque habent cum evidentibus, quæ a rei natura indicantur, nulla siquidem commentatione fere, nulloque intimo sermone in veritatis lucem proferuntur. quamvis enim, ubi ea confusa, obscuraque exstiterit, reliquarum viarum auxilio ad elementares, minimasque illius notiones progressio, velutique reuersio fiat, ex quo forte nomen inuenit. ubi tamen hæc puræ, & ab alienis notionibus secretæ animo represententur, nullo alio artificio insequent intelligentias ostendent. magna ergo est huius Methodi vis, ut quæ mentibus nostris quasi ingenerata, resque occultas, & inuolutas necessario demonstrans omnis inuentionis, cuiuslibetque artificij fons, & seminarium existat. unde neque in eo posita est huius viæ potestas, velut plurimi censent, quod rem quæsitam in simplices notiones, quibus definitur, vel effectus in causas, aut totius in partes, compositumue in elementa distribuat: hoc enim illi, quasi extrinsecus accedit; sed id summum illi bonum est, velut ad quod est affecta a rei natura uestigatas notiones haurire. Huic autem contraria ratione progrediuntur, qui arte aliquid efficere contendunt; ab ultimis enim inuentis per
reso-

resolutionem incipientes gradatim ad reliqua agenda procedunt. At iam huius huius viæ exempla subiungamus. Si ergo oratoriam artem Resolutoria Methodo inquirere voluntas fuerit, ex illius natura, quæ est scientia mentes hominum ad oratoris sententiam alliciens, ex eoq; quod animi varijs eorum affectibus, quasi impulsivibus, flectuntur, commutanturque eliciemus omnes animæ affectiones, scilicet amorem, odium, iracundiam, spem, lætitiā, timorem esse tenendas: & quoque impetu incitetur; singulas adhæc orationis species, quibus huiusmodi affectus excitari possint. ea ratione, si putridæ febris rectam curandi facultatem assequi cupimus, ex illius potestate, quæ est igneus calor ex putrescentibus humoribus exoritur, facile nobis se suggeret, ob calorem esse refrigerandum; ob vero putridos humores, cum hi partim ex toto corrupti, partim seminali, semiputridique existant, eos, qui prorsus putruerunt, tamquam a natura penitus alienos, e corpore esse exturbandos: quos vero externus calor non penitus corrupti, ad naturalem constitutionem esse revocandos. qua autem ratione id fieri debeat, putredinis æque natura aperte sine aliqua meditatione significat. hæc enim cum sit corruptio quædam in humido facta ab alieno calore, declarat aduentitiam humiditatem, quæ est putredinis materia, esse absumendam; immoderatum vero calorem refrigeratione temperandum. præterea, cum eos natura concoquere, & ad amicam qualitate convertere possit, excitandam, confirmandamque esse eam facultatem, cui id munus obuenit, causam quoque putredinem efficientem, si etiam num maneat, esse tollendam quis non videt? ea autem, cum transpiratio sit præpedita, huic pariter, si viarum interclusio impedimento fuerit, vasorum oscula erunt aperienda. unde, si multi humores eam efficiant, inaniendi; si crassi, attenuandi; si lenti, detergendi. quin, si aliqui ad ea obturanda etiamnum confluent, reuellendos, retrahendosque, facile animis nostris obijcietur. Hi ergo sunt scopi, quos rei quæsitæ nis ostendit; quosque ad curandam putridam febrem intueamur, ne aberremus, oportet. Si ergo ei medicinam facere voluntas fuerit, primo concurrentes ad vasorum ora succos revocabimus; dehinc multos exhauriemus; crassos attenuabimus; lentos detergemus: tum inde vim concoquentem firmam faciemus; extraneum calorem refrigerabimus, alienumq; humorem delebimus; post hæc vero corruptos prorsus humores e corpore eijciendos curabimus. ultimum autem propositum erit, quod primum inuenimus, febrilis caloris extinctionio.

stinctio . Sed, cum in Resolutoria Methodo frequens, multusq; sit Galenus, nō est, ut pluribus exemplis eam illustriorem facere tente mus: ad libros enim de differentijs, causisq; morborum de locis affectis, de tuenda ualetudine, de curandis morbis se recipiant hi, qui huius uia multas imagines plane, dilucideque cupiunt intueri.

De Diuidente Methodo. Cap. VIII.

RESOLUTORIAM Methodum consequitur Diuidens. hanc Plato ad artes constituendas, ad finitionesq; conficiendas peræque utilem esse prodidit, ut illius uestigia, uelut cuiusdam numinis eum insequi asseueraret, qui unum, & multa pro rerum natura perspicere posse cognosceret. sed neque difficultatem excellentia, utilitasq; aliqua ex parte exsuperat; ut propterea idem scripserit nullam uiam hac sibi uideri pulcriorem, neque esse posse; quam semper dilexit; at ipsum saepe fugere, desertumq; inopemq; relinquere. De hac igitur agentes asserimus esse eam intellectus manentem affectionem, ad quam in unam aliquam naturam collectas notionem cogitatione distinguimus. Quamuis ergo plures sint huiusmodi notionum coniunctiones, confusionesq; ut specierum, partium, assidentium, subiectorum, nec non etiam causarum, quæ ad unum effectum gignendum conueniunt; multæq; ob id diuidentes rationes; ea tamen sola, quæ plurius specierum communionem dissoluit, artem, præceptaq; expostulat, quibus communita & apte digerere, & fidem ad cōstituenda ea, quæ affirmat, auctoritatemq; sibi asciscere queat. penes enim reliquas nulla uis, nullaque est existimatio: sed quicquid momenti, ponderisq; habeat, id totum euidētium uel eorum, quæ demonstrata sunt, testimonio consequuntur. quædam igitur potius enumerationes habentur, res alibi disperse, diffuseq; probatas summam, distincteq; enarrantes, quam quod sponte scientiam aliquam, cognitionemque pariant. Optimæ ergo Distributionis principium, cum Diuisionis propositū sit, ut diximus, plures species naturæ consociatione confusas secernere, illud sane erit, quemadmodum Plato monuit, ut eius communiter substantia, uelutiq; termini constituentur: sic enim in perquirendis suis cuiusq; finibus, non extra proprium campum excurremus, neque latius, quam distribuendæ rei extrema postulent, enagabimur. Postquam autem unum illud commune perceperimus, non prius, perinde ut in Ciuili admonebat Plato, desistendum est, quam dissimilitu-

militudines omnes in ijs, quæ ab ea concluduntur, inspexerimus. Verum, ne decipiamur, attendendum est: cum enim multorum generum varietates sæpe coeant, non sunt simul omnes exquirendæ, sed hæc solæ, quæ in rei natura inhereant: illæ enim vnæ constitutæ substantiæ, quasi partes, præscribunt. ad hæc ergo deligenda discrimina, ea erit optima lex, si inquiserimus, his speciebus quibus insint, semper ne insint. etenim si vel re, vel ratione seiungantur, eius generis non erunt, quæ vniuersæ illæ naturæ species producant. quod si nec re, nec ratione diuelli queant, rursus peruestigandum, an sint naturam, ac vim rerum consequentes, an potius natura, & vt aiunt, essentia ipsa: cum enim dicimus inesse homini percipiendæ grammaticæ potestatem, potestas hæc ab homine præter ipsius: corruptionem neque re ipsa, neque cogitatione separari potest. at tamen non idcirco hominem esse, quoniam hanc habeat facultatem; sed quia rationalem, asseueramus. Quæ igitur rerum constituunt naturam, in Distributionibus sunt asseruendæ. si tamen contingat, quod sæpe euenire solet, quod nobis vel innominatæ sint, vel ignotæ; tunc ad propria accidentia, effectusq; rerum potestates consequentes, veluti ad proprias notas, confugimus. Sic volatile animal in toripenne, & scissipenne soluimus. pariter equum a ceteris animantibus, quia hinnibile, distare dicimus. Præterea, vt Diuisio ex necessitate sequatur, neque sit ijs, quæ condonari petuntur, consimilis, operepretium erit, eodem Aristotele auctore, has differentias inter se esse pugnantes: tunc enim necesse erit singula sub altera ipsarum comprehendendi. Verum, cum quatuor sint contrariorum genera, vnam eorum, quæ sub eodem genere posita plurimum differunt, vt sapientia, stultitia; aliud eorum, quæ priuantia appellatur, vt humanitas, inhumanitas; quædam negantia dicta, vt est, non est; vltima vero, quæ cum aliquo conferuntur, vt duplum, simplex; hoc postremum, quo res consentiant potius, quam dissentiant, longe, retroque est ponendum. ex reliquis autem, quæ aduersa nominantur, apte, congruenterque Diuisionem efficient, siquidem vni generi subiiciuntur, maximeque distant. per hæc ergo, dum suppet copia, erit conficienda partitio. Quod si in gemina tecare non valemus, per membra instar victimæ, vt in ciuili memoriæ prodidit Plato, discernere postmodum haud erit incongruum. Differentijs autem adinuentis, ratio dispositionis postulat, vt communiores primo, minus communes vero post ipsas collocemus. vt, si, exempli gratia, in corporibus omnibus hæc inspexerimus discrimina, animatum, inanimatum; sensibile, insensibile; rationale, irrationale; clarissimum est, cum animatum, & inanimatum pluribus insint

prima

prima serie, secunda sensibile, & insensibile, tertia rationale, & irrationale, quæ de paucioribus dicuntur, repositum iri. hac enim viatendentes, scopulos, in quos suæ ætatis sapientes prolapsos esse asseuerabat Plato, declinabimus. vnum enim in multa nec velocius, nec, quam decet, tardius inducemus; neque post vnum infinita interim media descedentes continuo inferemus, consueuerunt alias grauissimi viri in qualibet oppositione digniores differentias initio recensere. vnde & ex aduersis quæ perfectior est, & habitus, pariter & affirmatio primam obtinebunt sedem. sic dicimus inter extremos colores alium album esse, alium nigrum; ex animalibus aliud ratione præditum, aliud expers: de numeris item quendam primum, quendam non primum. quibus hunc in modum statutis reliquum est, vt quoadusque in Diuisione facienda est progressio, modum explicemus: nec enim in superioribus generibus consistendum, nec ap priuatas proprietates attentos infinita congerenda. Vt ergo voluit Plato in Philēbo, certum numerum prius oportet accipere, quam in infinitum porrigatur; tum demū vnum quodlibet abeuntium in infinitum dimittere. tunc autem verum numerum assequuti fuerimus, si neque plures species, neque pauciores, quam sub eodem genere sint, fuerimus complexi; vt Diuissio, non secus ac Diffinitio in seipsam conuertatur. Sciemus insuper ad species vsq; postremas in Diuisione fuisse peruentum, dum diligenti examine nullam eius, de quo superius attigimus, generis differentiam in contentis sub ipsis reperiri obseruatum fuerit. Hisce igitur fidis tamquam emblematis recta venit obsignanda Diuissio.

De Compositiua Methodo.

Cap. IX.



Dhis, quæ de Diuidente Methodo differuimus, facile est, quæ ad Componentem illi e regione positam attinent, declarare. Hæc igitur habitus est intellectus, quem imitantes probe, contra, ac in Diuissoria, diffusas notiones sub vnum aspectum subiungimus. sunt enim, vt diximus, hæc, quæ dispersa sunt, & dissipata in angustum contrahenda, totaque rei natura in vnum colligenda, si vlla earum ars esse debet, sique aliquam ex earum cognitione percepturi sumus vtilitatem. id est, quod Plato in Phædro his verbis expressit. Soc. Mihi videntur sane cetera per lusum reuera esse dicta. Sed si quis duarum harum specierum; quarum modo forte fortuna

fortuna mentionem fecimus, vim ipsam arte posset comprehendere, esset non iniocundum. Phæ. Quorum specierum? Soc. ut scilicet in vnam idæam, formamque intuens ea, quæ multifariam dispersa sunt, cogeret, quo singula definiendo planum faceret, idētidem quicquid docendum suscepisset; quemadmodum nos in præsentia de Amore agentes, cum definiuimus. quod siue bene, siue male dictum sit, diluciditatem tamen, & conuenientiam attulit orationi. alteram vero ut e contrario secundum species posset articulatim pro rerum natura res ipsas diuidere, neque instar mali coqui frangere membrum aliquod, aggrediatur. His igitur vijs prætermisiss, tamquam manifestis, quæ partes, aut elementa connectunt, illius tantum formam assumimus declarandam, quæ specierum multitudinem ad pauciores, postremo ad singulas contrahere docet. Quod Plato declarare cupiens commentabatur, in Ciuili. Quemadmodum vbi multorum perceperimus communionem, non prius desistendum, quam differentias omnes in ea, quæ speciebus clauduntur, inspexerimus. sic quoties dissimilitudines plurimas in multitudine sentimus, & egre sentimus, non prius ab hac aspectus molestia desistere oportebit, quam cuncta, quæ cognata sunt, intra cognationem vnam, proprietatemque concludentes, vnius generis essentia vestierimus. Contrario igitur modo, ac in Diuidente genera erunt disponenda; nimirum a minus communibus exordiēdo, sensimque, & sensim ad magis communia, quousque ad summum earum genus peruenerimus, progredientes.

Compositiux Methodi vsus. Cap. VIII.



Q UOD vero nunc diximus, veluti paullo obscurius, minusque vsitatum, litterarum præclarissimo exemplo coniectemur cum Platone in Philēbo. Soc. Postquam infinitam vocem cogitauit siue Deus aliquis, siue homo diuinus, qualis apud Ægyptios Theut fuisse fertur, primo in ipsa vocis infinitate uocales litteras confiderauit, quæ non vna, sed plures sunt; rursumque alias, quæ non voces, sed soni participes essent; atque harum numerum certum similiter distinxit earum, quas nunc mutas vocamus; postremo liquidas, mutasque discreuit æque; ad singula quædam, vocalesque & medias eodē modo, donec earum numero in singulis speciebus, & in vniuersis reperto elementa vocauit; cumque videret neminem nostrum horum quicquam seorsum percepturum, nisi vniuersa percepisset, hoc, velut vinculum vnum quiddam existens, & in vnum disper-

d lia

sa redigens meditatus quam vnā in his esse artem Grammaticen animaduertit, eo nomine appellauit. En igitur quo pacto in Constituyente Methodo ab infinitis ad species, ex his ad genera tandem ad summa rerum capita deuenimus. De Methodo itaque, quæ per Compositionem conflatur, hæcenus.

De Methodo, qua similia vnimus, dissimiliaque distinguimus. Cap. XI.



HISCE Methodis Diuisiua nempe, & Constructiua maxime affinis est illa, qua similia coniungimus, distinguimusque dissimilia. Quinetiam, si accuratius rem perpendamus superiores huius tertie fere sunt elementa. nam, dum dissimilitudines plures in vnā cogere tentamus similitudinem, perinde est, ac si differentias ad quoddam superius genus redigamus: item, dum quæ eandem gerunt speciem, quonam pacto inter se distincta sint, indagamus; quid aliud, quam vniuersæ naturæ partitionem, molimur? id est, quod Galenus etiam in Hippocratis sextum de morbis vulg. enarrabat. quo in loco diuinus Hippocrates tradidit hanc esse viam, quam deinde posteriores Methodum nuncuparunt, ex qua vniuersæ instituuntur artes, & recte inuentorum, & factorum probatio est, non recte autem se habentium redargutio. Hæc ergo Methodus ea est species, figuraue in animo insidens, ad quam similes notiones copulamus, dissimiles vero secernimus. Vnde magna est huius viæ utilitas, opportunitasque: vbi enim multiplices species, indigestæque animo obuersantur, is sæpius ancipiti cura distrahitur, a rerumque similitudine in alienam eius cogitationem allectus non eo, quo expedit, sensum refert, & intelligentiam. Hinc Philosophorum, & Medicorum discordiæ emanant, dum, quæ similia sunt, inter se nequeunt adstinguere. sic Plato in Phædro assueuerat similitudinem, dissimilitudinemque rerum optime perspectam magnam vim habere; & vt ne fallaci conclusione ab alijs capiamur; vtque alios captioso conclusiones genere fallamus. in Philæbo autem; Nisi, inquit, id circa quodlibet vnum simile, idem & contrarium obseruare queamus, nullus unquam nostrum vllius erit ad aliquid pretij. Ad inductiuas præterea rationes, finitionesque venandas. vtilem esse tradidit Aristoteles quodnam

quodnam igitur erit principium, quo propositum assequi optime possimus? nullum sane præter id, quod nos edocuit Plato his verbis: Numquid potest aliquis singularum rerum, ignorata veritate, similitudinem eius, quod ignorat, vel parvam, vel magnam in alijs discernere? nequaquam potest. Quæsitæ ergo rei veritas, quo earum, & similitudinem, & dissimilitudinem apprehendere valeamus, indaganda: quis enim duarum, aut plurium comparationem facere potest, si eorum nullam; aut obscuram habeat cognitionem? Veri autem inveniendi via nulla prorsus est, quam quæ ab Hippocrate de officina Medici fuit proposita, sic inquit: similia ne, an dissimilia sint a principio ex maximis, facillimisque percipi potest: ex ijs utique, quæ ab omnibus ubique cognoscuntur, quæ videri, audiri que possunt, quæ visu, naribus, lingua, mente sentiuntur. sensus enim, aiebat Epicurus, veri sunt nuncij: natura siquidem eos homini, tamquam interpretes, attribuit, ac rerum internuncios; illisque plurimas intelligentias, quasi fundamenta quædam scientiæ, aperuit. A maximis igitur non, facillimis autem cognitu incipiendum; deinde paulatim, sensimque ad nobis occulta, ignotaque progrediendum. Ceterum, quia in his, quæ parum, non quæ multum differunt, aberramus, præstat, ut Aristoteles monebat, ea quæ ualde inter

se discrepant, priora aggredi; facile enim apparent eorum distinctiones, & similitudines; deinde ad reliquorum examen accedere. Hac ratione

Hippocrates in Præfagijs præfagientium locorum dignotionis principium ab his, quæ natura-

libus maxime contra-

ria habentur; eo

quod sint &

maxi-

ma, & cognitu facil-

lima, desume-

re uoluit.



N huius autem viæ vsum, & exercitationem primū omnium Plato, cui in frequentem consuetudinem venit luculētissimo illo in Philebo de voluptate pro greditur exemplo. Soc. Voluptatem rem esse variā scio; sed ab ea, vt dixi, principium facientes, quā habeat naturam, inuestigare debemus; rem vnā quidem audimus, formas tamen varias admodum, & quodammodo dissimiles habet. Vide enim delectari dicimus intemperantem hominē, sed & temperantia temperantem, delectari, insipientem insipientibus opinionibus, ac vana spe vndiq; plenum; sed & sapientia sapientem: quas quidem voluptates si quis dissimiles esse neget, insipiens esse merito videatur. Prot. Hæ quidem, o Socrates, ex contrarijs proueniunt; non sunt tamen ipsæ contrariæ. Qui enim voluptas voluptati rerum omnium maxime similis non sit, cum sit eadem ipsa sibi? Soc. Enimuero, o beate, neque color a colore; ex eo, quod color vnusquisq; differt. At vero nigrum albo, præterquam quod differt, etiam contrarium esse nouimus omnes. quinetiam figura figuræ eadem genere ipso in vniuersum est; partes autem generis eius aut in inmensum inter se differunt, aut contrariæ sunt etiam; cæteraque huiusmodi multa reperiemus. Quamobrem non li huic rationi, quæ maxime contraria omnia vnum efficit, credere. Vereor enim, ne forte voluptates quasdam inter se contrarias reperiāmus. Prot. Forte, sed, quid hoc rationem nostram ledet? Soc. Id certe ledet; quod tu hæc, dissimilia cum sint, alio, sic dicamus, nomine vocas: ais enim suauia omnia bona esse; suauia vero quin suauia sint, nulla prohibet ratio. cum autem ex iis multa mala sint, multa etiam, vt nos quidem dicimus, bona: tu tamen bona vocas, etiam dissimilia inuicem confessurus, si quis coegerit? Quid ergo in cunctis voluptatibus tam malis, quam bonis idem ne quiddam cōmuniter inuenitur, cuius gratia bonas omnes uocas? Prot. Quid ais, o Socrates; an putas quempiam, cum posuerit voluptatem, bonum esse, inde tibi concessurum quasdam bonas, quasdam malas esse? Soc. Verum etiam dissimiles esse multas, plerasq; inter se contrarias confiteberis. Prot. Haud sane in quantum uoluptates sunt. Soc. Rursus in idem relabimur, o Protarche: dicemusque voluptatem voluptate nihil differre, sed omnes consimiles esse, & exempla in medium paulloante inducta nihil mouebūt, ac instar eorum, qui inepti, & rudes disputationum sunt, contendemus.

demus. Prot. Qui ista dicis? Soc. Quia, si ipse te imitans ego repellensq; dicere non uerear, quod dissimillimum omnium dissimillimo simillimum sit, eadem, quæ & tu, afferre potero. itaque rudiores, quam par sit, apparebimus; & oratio nobis exciderit, peractaque iam erit. Rursum igitur eam exordiar: fortasse enim altius progressi in eandem sententiam concedemus. Prot. Dic quomodo. Soc. Pone me vicissim interrogatum abs te, o Protarche. Prot. Quidnam? Soc. Sapientia, scientia, mens, & quæcunque ego a principio rogatus, quid ipsum bonum sit, bona vocabam, nonne idem, quod & sermo tuus patientur? Prot. Qua ratione? Soc. Cunctæ namque scientiæ multæ videbuntur; earumque nonnullæ dissimiles inuicem: quod si quæ etiam contrariæ sint, numquid præsentis disputatione dignus fuero, si hoc ipsum veritus nullam scientiam scientiæ dissimilem dixerim; sic tandem sermo noster, tamquam fabula, euanesceret; nos autem ruditate quadam detineremur. At sic fieri minime decet; qui solutis potius ratio debenda est. Mihi igitur & in tua, & in mea oratione ex æquo id placet; ut multæ, videlicet, voluptates, ac dissimiles sint, multæ præterea, differentesq; scientiæ. Hactenus Plato, qui paulloquoque infra hac Methodo voluptatis species venatur. quam orationem, ne in longius rem protrahamus, non appono. Similiter etiam in quinto de Republica, & subsequentibus docet, quo pacto in internoscendis tribus animæ partibus, inter seque distinguendis exercere nos ipsos debeamus. Sic in citato libro, quomodo maris, & feminæ eadem, diuersaq; sit natura, ostendit. Sed aliud exemplum ex Hippocrate in hunc locum deportemus. Hic igitur in libro de Articulis sic scribit. His autem indicij exciderit, ne humerus, intelligendum est: Partim quidem, quum homines iustum habeant corpus, & brachia, & crura ad exemplum integri extimare vitiatum oportet; & ad exemplum vitiatum integrum; neque spectare alterius hominis articulos. alijs enim magis extant, alijs minus; sed ipsius laborantis, an integer vitiatum dissimilis sit. Quæ res recte quidem ostendetur. omnino autem magna eius inscitia est. Hac de causâ non satis est ratione artem hanc scire; sed vsu experiri ipsam oportet. Multis enim articuli præ dolore, vel alia de causâ, ut non exciderint; nequeunt tamen eo modo, quo in sanis corporibus figurari; intelligere igitur, ac scire huiusmodi habitum oportet. nam multo magis in ala sentitur caput humeri prolapsi, quam eius, qui naturaliter habet. ad hæc locus, qui a superiori parte supra commissuram est,

est, cauius apparet: item latum os scapularum summum, qua cum iugulo committitur, exstare videtur; cum articulus inferiori loco recipiatur: in quo etiam accidit inscitia, de qua in sequentibus agemus, est enim memoratu digna: partim etiam a latere cubiti eminentia recedere magis videtur ab eo humero, qui prolapsus est, quam ab altero. Si quis tamen cogat, adducitur quidem; sed cum dolore. Adde, quod, cubito extento, brachium iuxta eiusdem partis aurem non ita porrigi potest; quemadmodum & integrum; neq; in latera similiter. Hæc itaq; indicia sunt humeri capitis luxati.

Eadem æque Methodo in præfagijs incesit. ad quæ loca quilibet ultro accedere poterit, si huiusce Methodi vsum frequentem inueniri exoptauerit.

F I N I S.

CELSI
MARTINENGI
DE ARTIVM
STRUCTVRA
LIBELLVS.



I S C E instrumentis, subsidijsq; comparatis, iam ad
 artium compositionem, & quasi structuram, cui il-
 la peculiare vsus afferunt, adeamus. Gloriosa sane,
 & vtilissima tractatio; vt quæ, veluti dux, rectissi-
 mam optimarum disciplinarum viam ostendat; de
 qua etiam clarissimi viri decesserunt. quamuis enim in ea maio-
 rum nostrorum primum impressa sint vestigia; hæc tamen leniter,
 obscureq; pressa initio magni nominis auctores, deinde vna se-
 cum philosophantium turbam in graues errores induxere.

A rei igitur natura exorsi Artem constituimus discretam esse no-
 tionum vniuersalium, occultarum, ordinem habentium, & in
 vnum exitum spectantium perceptionem. At vero id, vt breui-
 ter, summatimq; propositum, fusius, pluribusq; verbis est expli-
 candum. Diximus autem primum, Discretam esse cognitionem,
 hoc est, distinctam, selectamq; intelligentiam: non enim, nisi quod
 vsquequaq; elaboratum existit, in artem referri potest: confusa
 porro perimistaq; notitia, veluti rudis, impolitam etiam artem in-
 format. Vnde illud Platonis scite dictum; neminem latentem
 rei cuiusque naturam discernere posse, nisi eam penitus ab aliena
 qualitate secreuerit. Sic olim Archigenis nobilissimi artificis
 omne studium, singularisq; voluntas in singulis ad prima, simpli-
 ciaq; deducendis fuit. Verum eius generis, cognitiones vniuer-
 sales.

*Quid sit
Ars.*

fales existunt: nam, vt erudite Galenus asseuerabat, artes nulla aliā in re, quam in specierum, generumq; commētatione versantur. quamuis enim quæ aliquid efficiunt, nihil aliud, nisi singularia tractare videantur; hæc tamen, cum caduca sint, & incerta, nec comprehendendi, nec ad artem reuocari queunt. Vniuersæ igitur res solæ has facultates instituunt, ad quas, veluti ad regulas, singularium iudicia diriguntur. Subiecimus autem, occultarum: huiusmodi siquidem præceptiones obscuræ sunt, a vulgarique intelligentia remotæ. Licet enim imperitis etiam nota sæpius velut signa sint, & vestigia, ex quibus in artificij cognitionem deducimur; non tamen propterea illud instituunt: si enim artificiosa gnaris æque, & ignaris essent communia, qua ratione scientem ab inscio distinguemus? Verum, vt ædificium aliquod molientibus non sat est vniuersam materiam, singulaque ædificanti vtilia accumulare; nisi perita manus ea disponat, aptisq; locis dispenset: sic vniuersam quandam agendi, aut intelligendi rationem attentantibus inanis cognitionum ille congestus existeret; nisi ad eam adhiberetur mentis agitatio, quæ easdem in ordinem digereret, atque inter sese commillas deuinciret. perinde igitur singulæ intelligentiæ inter se cohærere, consentireq; debent, vt non secus, ac in animantibus, minimæ particulæ ad maiorum, hæc ad maximarum vsum accommodentur; omnesq; ad primum, cōmuneque totius artis bonū, ad finem scilicet aliquem rerum, quæ sunt in vita, perutilem assequendum conueniant, & conspirent. Hæc igitur si est quæsitæ rei potestas, an non liquet artem aliquam constructuris duplicem potissimum rationem esse necessariam, vnā quidem inueniendi, alteram vero inuenta disponendi? neque enim vnquam sine excogitandi via latentes notiones deprehendentur, nec sine recta collocatione apte cohærebunt; vnaq; conspiratione continuatam rationem constituyente. Sed ad Dispositionem aggredientes, principio, quoniam vniuersæ res vna naturæ consensione constrictæ, peculiari autem vi dissidentes, ex vna, & multis notionibus sunt contextæ, & implicatæ; quamnam erit hæc disponendi ratio sic, vt apte inter se cohærescant, discreteque & electe digerantur? nulla sane alia, præter eam, quam Plato in Philabo exponit: hanc enim & dissensionis plenam, & diu inter doctissimas agitātā dilucide adeo hisce verbis exprimit, vt omnem scrupulum, dubitationemque ex animo penitus tollat. Soc. Nulla est via pulcrior, neque esse potest, quam illa, quam semper dilexi; at illa me sæpe fugiens deseruit, incipemque destituit. Prot. Quænam istam? dic modo. Soc. Quam ostendere haud ita difficile est, persequi difficillimum. quæcumque

*Ad constru-
endas artes
duplex ratio
est necessaria,
viz,*

*De disposi-
tione.*

*Platonis
sententia.*

quæcunque enim per artem adinuenta sunt, hac in lucem hominibus prodierunt uia. animaduerte quæso, quam dico. Prot. Dic modo. Soc. Donum profecto Deorum ad homines, ut mihi uidetur, per Prometheus quendam una cum quodam lucidissimo igne descendit. etenim Prisci nobis præstantiores, Dijsq; propinquiores hæc oracula tradiderunt. quod cum ex vno, & multis constent uniuersa, quæ semper esse dicuntur; terminumq; & infinitum innatum habeant, oportere nos, his ita ordinatis, vnā semper idēam in unoquoque generatim ponentes inquirere; quam si cōprehendamus, post unam duas, si sint, perscrutari: si minus id pateat, tres, aut alium numerū quærere; & quodlibet eorum, quæ sunt, unū eodem pacto diuidere, quousq; ipsum principio vnū, nō modo quod vnū, multa; & infinita sit, uerum etiā quot sit, aliquis noscat: infiniti autem idēam non prius ad multitudinē adhibere, quā quis numerum omnem inter infinitum, & unum medium cadentē percepit; tum demum unum quodlibet omnium abeuntium in infinitum demittere. Et paullo post alteram huic aduersam Dispositionē subiungens, persequitur: Vt, si quis vnum aliquod accipit is, ut diximus, haud nox in infiniti naturam, sed aliquem numerum descendere iubet: ita si quis primo infinitum sumere cogitur, nequaquam in unum continuo, sed in numerum quendam, qui multitudinem aliquam habeat, debet intendere, ex omnibusq; in unum desinere. Duæ igitur sunt, Platone auctore, uia, quæ uniuersas notiones communione quadam inter se, confusas, specie autem differentes distincte, & ordinate disponant; vna ultima, maximeque communia genera prima cōstituens, quæque ob his cōtinentur, seriatim usque ad ultimas species exponens; altera uero, quæ ab his incipiens, contraria collocatione contenta, ultimaq; genera vna complexione deuincit. Quod idem Plato Grammaticæ, Musicæq; dilucidum admodum reddit exemplo. Soc. Vox ex ore nobis erumpens una est, & infinitæ rursus voces numero, & cunctorum pariter, & cuiusque. Prot. Quidni? Soc. Neutro tamen horum docti efficimur; nec quod eius infinitum, nec iterum quod eius unum cognoscimus; sed quia & quot, & quales sunt, tenemus: hoc enim unumquemq; nostrum grammaticum reddit. Prot. Verissima loqueris. Soc. Idem quoque musicum hominem facit. Prot. Qua ratione? Soc. Vna quodam modo, & in hac arte, uox est. Prot. Quidni? Soc. Duo item ponenda sunt graue, & acutum, & tertium tonus medius. nonne ita? Prot. Ita. Soc. Verumtamen nondum doctus Musicen eris, si hæc sola cognoueris, & ista ignorans, ut ita loquar, nullius eris in Musica pretij. e Prot.

Ordines
duo.

Prot. Nullius. Soc. Sed postquam, o amice, acceperis, quot interualla vocis numero sunt circa graue, atque acutum, & qualia, necnon interuallorum termini, & quotcumque ex his compositiones proueniunt; quæ maiores nostri conspicientes eorum sectoribus, ut huiusmodi quædam harmonias appellaremus, tradiderunt; cogitare præterea, quod eadem ratione de vnoquoque, quod vnum, & multa est considerare debemus. nam quando ista sic accipis, sapiens tunc euadis. Paucis autem interpositis contrarij ordinis imaginem proponens, sic scribit: Postquam infinitam vocem cogitauit siue Deus aliquis, siue homo diuinus, qualis apud Ægyptios Teuth fuisse fertur, primo in ipsa vocis infinitate vocales litteras considerauit, quæ non vna, sed plures sunt; rursusq; alias, quæ non vocis, sed soni participes essent, atque harum numerum certum similiter definiuit; tertiam deinde speciem litterarum distinxit earum, quas nunc mutas vocamus; postremo liquidas, mutasq; discreuit vsq; ad singula quædam, vocalesq; & medias eodem modo, donec earum numero in singulis speciebus, & in vniuersis reperto, elementa vocauit. Cumque videret neminem nostrum horum quicquam seorsum percepturum, nisi vniuersa percepisset, hoc velut vinculum vnum quiddam existens, & in vnum dispersa redigens, meditatus, quam vnâ in his esse artem Grammaticen animaduertit, eo nomine appellauit. Harum etiam dispositionum perspicuas formas intueri possumus apud Galenû potissimum, vbi artem medicandorum morborum constituit: quo loco non alijs rationibus, præterquam memoratis, curatorios scopos instituit, a maxime scilicet communibus exordiens, & ad minus communes, deinde ad proprios, vltimosq; rursus ex his interdum per medios ad illos ascendens. Geminæ igitur in vniuersum erunt viles, congruæq; distributiones, quibus minimæ cognitiones eiusdem generis disposite cognoscentur. At cum præterea harum quædam simplices sint, quædam copulatæ, sciendum etiam est, num hæ priores, an illæ sint collocandæ. Nam nõ desuere viri illustres, qui vtroq; modo has intelligentias disponi posse existimarunt. Ceterum, si illud verum est, ut verissimum esse opinor, eas cognitiones illis esse præponendas, quæ non nisi antecedentium auxilio dignosci queunt, quod etiam Galenus primo in librum de articulis commentario testatum reliquit; utique simplices notitiæ compositis numquam nõ erunt præmittendæ. quod passim quoq; idem auctor asseuerat. non queunt siquidē concretæ intelligentiæ cognosci, nisi suæ cuiusq; puræ, & elementares perspectæ sint. Vnde & Aristoteles censuit esse necesse ei, qui certa scientia complicatas rerum naturas cognosce-

re

*Quæ ratio-
ne simpli-
ces, compo-
sitæq; intel-
ligentiæ sint
collocandæ.*

re cupit, earum principia priora tenere. Ita Galenus recta doctrinæ, & vera rerum initia consentire asseuerabat, vt aliqua ratione dissentire minime possent. quin alibi delirationem esse tradebat diuersa istorum facere principia: tantumq; Antiqui connexorum agnitioni simplicia conducere existimarunt, vt interdum ea sola agitare contenti fuerint, velut in quibus etiam concreta dilucide apparerent: quam doctrinam Galenus elementarem nomine dixit. Quare Platon in Thæteto post longam euagationem hæc immortalitati commendat. Soc. Eius ergo sermonem non admittamus, qui dixerit syllabam quidem dici, & cognosci posse, elementa vero nequaquam. Thæ. Non certe, si huic rationi credimus. Soc. Quid si quis contraria dixerit; an non potius illa concederes, ex his quorum tibi ipsi in primis litterarum rudimentis conscius exististi? Thæ. Quænam ista? Soc. Quod nihil aliud discere studuisti, quam elementa oculis, auribusq; discere, & singula secundum seipsa notare, ne illorum positio, vel cum dicerentur, vel cum scriberentur, te turbaret. Thæ. Vera narras. Soc. Cytharistæ vero artem didicisse, quid aliud est, quam vnumquëq; tonû cuiusq; chordę dignoscere: hæc. n. elementa Musicę quilibet appellaret. Thæ. Nihil. Soc. Cum ergo elementorû, & syllabarum periti fuerimus, velimusq; ex his ad alia coniecturâ facere, asseremus profecto genus elementorû clariorem, prioremq; intelligentiam continere, quam syllabam, ad singulas disciplinas absolute percipiendas. & si quis notam syllabâ elementum natura ignotum dixerit, vltro illum, vel inuitum ludere putabimus. hæc Plato. Illud igitur constans, perpetuumq; erit simplices notitias compositis numquã non esse præponendas. Hac ratione itaq; cognitiones illæ minimę, ex quibus artis maiores partes coagmentantur, aptissime cohærebant, & alię alias velut apprehendentes continuabuntur. At, quemadmodum illæ ob naturę affinitatē his ordinis arctioribus vinculis constringuntur, ita maiora membra, cū sæpius genere sint disincta, fere libera, & soluta remanent. Vnde caligant, qui cēscent istorum quoq; omnium necessariam quãdam esse dispositionē. nisi .n. vna pars in alterius cognitionē nos deducat, nil prohibet priorine, an posteriori sede collocentur. Quare non corruiet dicendi ars, quibusuis locis grandiores illius partes Inuentio, Dispositio, Elocutio, Memoria, Pronunciatio describantur licet. Sic Medicinæ compositio non dissoluetur, si vtramlibet partē, curatoria, vel significatiuam vnā alteri præponamus. Vnde Galenus Hippocratem tuebatur in libro de Articulis, qui luxati brachia curationem prius, quam illius signa, tradiderat. quinetiam ipse in libro de constitutione artis medicæ haud absurdū esse duxit (quamuis isti seecus censeant) prius modum constituendæ illius, quam istius edocere. Ceterum, quæ

*Quenā sit
Antiquorū
elementaris
doctrina.*

*Inter om-
nes artis
maiores par-
tes necessa-
riam esse
Dispositionē.*

*De Inuen-
tione.*

e 2 plicaturo

plicaturo illud præiaciendum, non posse uniuersum illum notionū
 præceptorumue conuentum directe inueniri, aut exponi nisi &
 initium aliquod, cui singulæ perpetua quadam sede cohærescât du
 catur, & præterea nota sit progrediendi via: multa enim repetet, mul
 ta transibit, eritq; velut nocte in ignotis locis errans is, qui nec ori
 gine, nec semita propozita, casum potius, quam excogitatā aliquam
 rationem insequetur. Vt ergo tria tantum eius generis initia in arri
 bus habentur, finis, ceu quem artis cognitiones omnes spectāt, Prin
 cipes illæ ad finem institutæ intelligentiæ, quæ ab eo regrediētibus
 ultimæ dinumerantur, & artis Materia, in quas ea facultates, quæ
 conficitur ex arte, versatur; sic non alia quam vna istorum, velut ter
 minorum, rationem habentium distinctæ inuentionis, progressio
 nisq; ad singulas illas notitias erunt apta principia. Nam, etsi ex ar
 tis diffinitione digestam quandam doctrinam hauriri Galenus tra
 diderit, nomine tamen solum, non re dissentit: ea enim diffinitio,
 quam in totam artem distribuimus non nisi ex propria illius subie
 ctæ materia confici potest. Vnde ipse huiusmodi via Medicinam ag
 grediens eam finiebat esse scientiam salubrium, insalubrium, & neu
 trorum. in quibus alibi, tamquam in propria segete, & materia versa
 ri scriptis mandauit. Quemadmodum ergo triplex est, idq; varium
 principiorum genus, sic viæ, quibus apte ingredi possumus, ternæ,
 & hæ diuersæ enumerantur. a fine enim, vt qui ea ratione cum vni
 uersa notionum collectione cohæret, quia hæ illius gratia existunt;
 eoq; posito, cognitiones singulæ, quibus ars continetur, ex necessita
 te consequuntur, non alia methodus præterquam Resolutoria, quā
 ex rei propositæ ui, tamquam ex origine, consequentia elicere dixi
 mus, omnem illum cognitionum cætum composite educet: hæc
 enim ad maiores primum, maximeq; communes partes, ex his ad
 minores, deinde ad minimas, propriasq; notitias gradatim reuersionē
 veluti faciens, singulas illius præceptiones ordine promet, breui
 terq; & absolute decurret. At a minimis his, vltimisq; incipientes,
 etsi ea ipsa, velut Resolutoria facultate inuenta, quemadmodū Gale
 nus voluit, tamquam certa sumere possumus; attamen & Componē
 te diuidenti e regione facta, Platonem imitati ad summa illa gene
 ra, lateq; patentes cognitiones ascendemus. Quod si definitio exco
 gitandi initium attulerit, hæc, cum propositæ facultatis summa sit,
 atq; illius primorum generum breuis explicatio, sola diuidens ra
 tio ex ea in singulas cognitiones nos deducet. Triplex ergo tantum
 (vt simul & methodos inuolutas cognitiones euoluētes, & rōnes il
 las aptis, & accommodatis locis collocātes cōiūgamus) erit recta cōsti
 tuendę artis ratio vna a notione finis per resolutionē summa prius
 genera, deinde contenta, vltimasque tandem species expromens;
 altera

*In artis me
 dice præfa
 tis. no.*

altera huic opposita ab his incipiēs, per gradusq; pariter ad prima illa capita tēdēs, tertia diffinitionē artis dissoluēs singulas illius partes dissecādo cōtinget. Nec quispiā suspicione attingatur, quod alia etiā doctrina inter vtilēs enumeretur; quā. s. Diffinitivā cōtraria ab extremis notitiis per ipsam inuētis ad vltima genera, maximeq; cōmunes notiones ascē dat. hāc siquidē nō alia fere esset a Cōponēte illa, quā Resolutoria aduersam esse protulimus: nō. n. ad finitionē, sed ad finē, quē vniuersę artis praeceptiones sua natura spectāt, recta tēderet. Maximis igitur laudibus veteres illi ornādi, qui bene institutas disciplinas ternario illo numero cōcluserūt. Vnde nec iniuria Galenus Resolutoriā, veluti principē, inter omnes eminere testatū reliquit: via. n. & ordine procedēs, demonstrāteq; vi innixa firmas cognitiones, easq; minime dubias expromit. at Diffinitivā, quāuis Methodo, & dignitate illa sit inferior, cōtractionis tamē laude antecellit. cū. n. ad persuadendum nihil adducat, sed quā monstrare esset necesse, tāquam concessā, proponat si non admodum exploratā, at compendiarīam molitur explicationē. Inter has interiecta est Cōponens, quā nec tā breuiter, vt diffinitivā, nec atq; necessario, vt Resolutoria, quā sitas notiones exponit. Ex his aniles pene errores eorū, qui superiore aetate floruerunt, apparent: ambiguis. n. disputationibus in vtramq; partem ad geminum demonstrationis genus Resolutoria, & Componente in doctrinā referre studuerunt. nec minus clarissimorum virorū lapsus perspicui sunt, qui intuētes resolutoriam ab effectis ad causas. a cōpositis ad simplicia, a toto ad partes interdum progressum efficere, in eo omnē illius vim, naturāq; collocarūt. ea. n. progressionē, si quā diximus, animis infederūt, non illā cognitiones euoluūt, quibus ars proposita continetur, sed illorū multiplex natura distinguitur, quibus positis, artis notiones ex necessitate cōsequūtur. In putridā siquidē febris curādē methodo, vt per rē paullo obscurā illustremus exēplo, ex huiusmodi febris in eius causas descēdimus, nō, vt illius naturā aperiamus, id. n. pathologicę nūcupatę partis est officiū, sed vt multiplices eius notiones, & differentię alibi euolute summam ibi recordationis gratia propositę curatorios scopos, quibus ea methodus cōtinetur, nobis ostēdāt. Id igitur Resolutorię doctrinę pręcipuū, peculiareq; cēsēdū a putridę febris, eiusq; principiorū natura latētes curādī pceptiones depromere, hasq; pterea, velut illius artis substantiā, ita digerere, vt primo maxime cōmunes, deinde minus patētes, tādēq; proprię collocētur. Vnde dux noster Galenus nono Methodi medēdi (quo opere, si quo alio, huius artis inueniēdi, dispōnēdiq; rationes elucēt) ordinis rationem, quam antea sequutus erat, & in posterum sequentur, exponendo hęc litteris mandat: Ac nunc statutum de Temperamentis

Compositi-
ua.

Diffinitiva
An de r
quā a d.
ctima.

Resolutoria
inter alias
nobilissima.

Summus
multorum
error.

Illustrium
virorū gra-
uis proba-
tio.

peramentis sermonem etiam in sequentibus prosequar; hoc absoluto, ad instrumentalium partium morbos conuertar; ostendamq; secundum eandem Methodum tum primos omnium curationis scopos, generalissimos appelles licet, tum qui ex horum sectione nascuntur; deinde rursus, qui ex illis oriuntur, donec ad eos perueniatur, qui ulterius sectionem non admittunt. hanc enim omnis constituenda artis Methodum Plato nos docuit. Quid, quæso, peruersius, absurdiusue ea serie excogitari posset, qua rerum dispositioni, ordiniq; naturæ contrario ex concretis, vel ex toto ad simplicia, partesq; progredieremur? tam preposteram, peruersamq; distributionem recta artis compositio, quæ scilicet singularum notionum absolutam, compendiariamq; cognitionem promittit, ferre non potest. Vnde pariter cecutiunt affirmantes Construentem doctrinam Resolutoriam e regione positam ex eo propriam vim assumere, quod a simplicibus, insitisq; causis ad concreta cogitando perueniat. hæc namq; commentatio cum nulli doctrinæ non sit attributa, non potest propriam illius formam, idæmque constituere. Intueamur Galenum, qui & in Methodo medendi, quo opere, ut diximus doctrinam proficitur Resolutoriam, a simplicibus exordium esse monet: & in Medica arte, ubi diffinitiuam facit, numquam non hæc priora aggreditur. Ad has igitur leges, & regulas rectæ intelligendi, faciendiue rationes formabuntur, in lucemq; proferentur. sed in tanta re, qui aliquis proficere sibi in animo constituerit, siquentem usum adhibeat, atq; exercitationem oportet hæc enim intelligendi prudentiam acuit, componendiq; celeritatem incitat. Non est autem, ut quispiam hoc loco aliquas a me id genus Doctrinarum expectet imagines, quæ in hanc consuetudinem inducant: longissimam etenim, & non necessariam prouinciam susciperem: nam qui Resolutoriam formam intueri cupit, eam in libris de Tuenda valetudine, de Constitutione artis medicæ, in nonnullisq; alijs operibus a Galeno adumbratam habet; penitus autem in Methodo medendi expressam at Diffinitiuam exemplar dabit Medica ars ab eodem Galeno edita, sed Componentem, quæ absolute, perfecteq; representent monimenta, tam abest, ut frequentia sint, quemadmodum Philosophorum, Medicorūq; vulgus existimat, ut potius nulla hac ætate videam ea via conscripta: perierunt enim Erophiliorum Erisi strati sectatorum, Athenæiq; Artalæi scripta, qui Galeno tradente, medendi præcepta hac ratione litteris prodiderunt. Pro huius igitur doctrinæ forma deseruiet propositum ex Platone exemplum, dum in Grammatica, quo modo artes Construente ordine disponantur, digitum ad rem intendit.

F I N I S.

INDEX CAPITVM QVÆ IN TRI-
bus libris de Præuidendis Morborum Euentibus,
continentur.

CAPITA PRIMI LIBRI.

Q UOD futuri morborum euentus præsciri possunt, ac qui nam huic arti subijciantur. Cap. I.	pagina 7
De præuidenda salute, & morte. Cap. II.	9
De morbi magnitudine diiudicanda. Cap. III.	9
De natura robore expendendo. Cap. IIII.	13
Qua ratione, natura ne, an morbus fortior existat sit diiudicandum. Cap. V.	14
Qua via statuta salutis, & Mortis spacia præcognoscantur. Cap. VI.	15
Via præuidendæ futuræ crisis. Cap. VII.	16
Methodus ad euidentem inanitionem, & abscessum præsentendum. Cap. VIII.	18
Quo intuendum, ut locum, per quem morbus iudicetur, præcogno- scamus. Cap. IX.	18
Quibus rationibus perfectæ inchoatæq; Crises præuideantur. Ca. X.	21
De numero, & vi dierum decretoriorum. Cap. XI.	22
Galenî opinio de causis dierum decretoriorum. Cap. XII.	25
Infirmatur Galenî existimatio de origine dierum iudicialium. Ca. XIII.	28
Quæ sint causæ dierum iudicialium. Cap. XIII.	29
Ad præuidendum salutis necisq; diem. Cap. XV.	32
Quibus institutis hora Mortis præcognoscatur. Cap. XVI.	33
De futuræ crisis diebus præsagiendis. Cap. XVII.	34
In nullo esse offendendum, si præsagia sint euentura, contraque malos medicos inuehitur. Cap. XVIII.	35

CAPITA SECUNDI LIBRI.

D E differentys signorum deq; eorum significatione. Cap. I.	38
De signorum potestate permetienda. Cap. II.	43
Quæ ratio ad inquirenda ea signa sit sequenda. Cap. III.	44
In ysdem Methodis exercitatio: de optimisque primum, & communi- bus indicys. Cap. IIII.	45
De optimis proprijsque notis. Cap. V.	47
Bonorum signorum meditatio. Cap. VI.	49
Terribilium indiciorum communium exempla. Cap. VII.	50
Suorum cuiusque morbi signorum quæ metum afferunt commentatio. Cap. VIII.	54
Signorum nullarum partium imagines. Cap. IX.	54
In perniciosus indicys communibus exercitatio. Cap. X.	55

Propria

I N D E X

Propria indicia pernicioſa. Cap. XI.	58
Signorum uſus. Cap. XII.	61
Note ad horam mortis prauidentiam. Cap. XIII.	63
De indiciarijs ſignis. Cap. XIII.	63
Futuri vomitus indicia. Cap. XV.	64
Venturi profluuij ſanguinis e naribus argumenta. Cap. XVI.	65
Future criſis per ſudorem indicia. Cap. XVII.	65
Iudicium ad inferas partes ſignificationes. Cap. XVIII.	66
Euenturi abſceſſus in ſignia. Cap. XIX.	66

CAPITULA TERTII LIBRI IN QVO CONTINENTUR exercitatio.


A Egrotus vi. tert. Epid. lib. poſt tempeſtatem deſcrip. Cap. I.	68
Aegrotus iij. tert. de morb. uulg. poſt tempeſt. deſc. Cap. II.	70
Aegrotus viij. tert. de morb. uulg. ante temp. deſc. Cap. III.	71
Aegrotus viij. tert. de morb. uulg. deſcrip. poſt temp. Cap. IV.	73
Aegrotus pri muſ primo de morb. uulg. deſcriptus. Cap. V.	76
Aegrotus ſecundus primo de morb. uulg. deſcriptus. Cap. VI.	78
Aegrotus tertius primo de morb. uulg. deſcriptus. Cap. VII.	82
Aegrotus ſextus primo de morb. uulg. deſcriptus. Cap. VIII.	84
Aegrotus viij. tert. de morb. uulg. poſt tempeſt. deſc. Cap. IX.	86
Aegrotus ix. tertio de morb. uulg. poſt tempeſt. deſcrip. Cap. X.	88
In criſium præſagit iſtione exercitatio. Cap. XI.	91
De Hypochondrii tumoribus ex Hippocrate. i. progn. Cap. XII.	91
De capitis dolore. Cap. XIII.	93
De pulmonia ex ſecundo progn. Cap. XIV.	94


CAPITULA LIBRI DE METHODIS.

P Refatio. Cap. I.	5
Quid ſit Methodus. Cap. II.	6
De Methodi differentiis. Cap. III.	9
De Demonstratiua Methodo. Cap. IV.	11
In eadem Methodo exercitatio. Cap. V.	13
De Finitiu Methodo. Cap. VI.	15
De Reſolutoria Methodo. Cap. VII.	20
De Diuidente Methodo. Cap. VIII.	22
De compositiua Methodo. Cap. IX.	24
Compositiue Methodi uſus. Cap. X.	25
De Methodo qua ſimilia uniuersis diſſimiliaq. diſtinguimus. Cap. XI.	26
Eiusdem Methodi uſus. Cap. XII.	28

F I N I S.

1.6.545





005644 208
005644 209

